



東 方 雜 誌

期五第 年二第



東方雜誌售例

- 一 本雜誌零售每冊大洋銀二角五分外埠加郵費五分
 - 二 預定全年十二冊本埠大洋二元五角外埠加郵費洋陸角外國加郵費洋一元五角香港澳門青島三處與外國同日本與外埠同至未通郵政之處民局寄資閱者自給
 - 三 凡至總發行所定購者務請將資費送交總發行所收銀後當付收據惟報資未能照章寄足者祇可照零售例每冊以大洋銀二角伍分計算寄足應得冊數為止
 - 四 在總發行所定購者本埠按期派送不取酒資
 - 五 凡一人定購五份寄送一處者照價九折十份者八折
 - 六 在總發行所定購者如遷徙他處務託妥人代收一面知照總發行所改寄惟已寄原處之冊不能複寄其在代售處定購者請自向代售處商辦總發行所不能接寄
 - 七 總發行所按期寄送以郵局民局回單為憑中途遺失閱者自理
 - 八 凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算餘二折作為酬勞惟至少以五份起碼代售至二百五十份者七五折五百份者七折七百五十份者六五折一千份者六折再折扣悉依原定全年報資核算如一千份者六折即每份以大洋一圓五角核算是也惟郵費分文不扣
 - 一 代售處收到資費即寄總發行所如定購者不將資費照章寄足照第三條辦理至代售處遺人送報不得另索酒資
- 一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局
有正書局 保定府官書局 湖南長沙集益書社 常德啓智書局 湖北武昌文明書局 中東書社 新政書局 總派報處 漢口 商務印書館 江左漢記 廣東開新書報公司 聖教書樓 英文書莊 江西南昌廣智書莊 南京明遠書莊 中西書局 杭州崇實齋 採辦書報處 史學齋 蘇州開智書室 日本東京金港堂書店

東方雜誌第五期目錄

圖畫

日本十一師團武官一隊

駐營口日本義勇隊

日本北海道之愛依奴人

暹羅土人

日本農商務省

日本東京商業會議所

社說

選論附

倫理標準說 本社撰稿

亞泉

重民權論 本社撰稿

宗素

論秘密之害 錄乙巳三月二十四日中華報

論尚武主義 錄乙巳四月初三日時報

自存稿 錄乙巳四月初五日新聞報

自由解 錄新民叢報第三年第十六號

諭旨 三月十二日至四月初五日

目錄

軍事

論波羅東來與中國之關係 錄乙巳三月十八日中外日報

收贖定贖策 錄乙巳三月二十七日時報

駐藏幫辦大臣鳳覆奏收回三瞻摺

練兵處兵部會奏擬定陸軍行營禮節摺 續前見後

河南巡撫陳奏陳挑練旗兵步隊成軍日期並籌辦各

情形摺

兩廣總督岑奏剿辦思恩府屬及柳慶南境土匪迭獲

著要摺

兩廣總督岑奏柳州叛匪在思恩縣屬全股殲滅摺

兩廣總督岑奏官軍攻剿達字營叛勇獲勝請獎片

駐藏辦事大臣有密咨駐藏幫辦大臣鳳不便收回三

瞻文

駐藏幫辦大臣鳳咨覆駐藏辦事大臣有收回三瞻文

兩江督練公所詳請署兩江總督周改編陸軍文並批

練兵處奏定陸軍行營禮節

北洋常備兵第一次退伍改為續備兵條例

兩江督練公所分科治事條目

各省軍事紀要

日俄戰事紀要

鐵道開原報

中立案請

日封軍港

俄將降將

各國軍事紀要

實業

論林業與水旱之關係 錄乙巳二月初七日大公報

論教無業游民宜多設工藝局廠 錄乙巳二月十一日漢口日報

鹽業改良後議 錄乙巳二月十五日新聞報 張謇撰

路礦通論 錄乙巳二月二十五日時報

商部奏京城倡辦鑿井推廣便民摺

商部奏在籍員紳創設筆鉛公司擬請准予立案保護摺

鹽務大臣綏遠城將軍貽奏伊克昭盟抗錦旗報鹽蒙地改收押荒摺

直隸總督袁奏籌辦工藝各事漸著成效分別陳陳摺

直隸總督袁奏創設罪犯習藝所辦理情形摺

署山東巡撫胡奏遵設罪犯習藝所酌擬辦法摺

伊犁將軍馬奏舊滿營協領博貴等呈請撥荒開墾請勅部立案片

河南布按兩司商務局會呈表册振興實業詳文並批

江蘇安徽江西查礦局籌議查礦章程

江西全省農工商礦總局陳列所章程

開平礦務局控案倫敦按察使佐斯君堂斷 錄上海中外日報上海通報

各省農桑彙誌

各省礦務彙誌

各省工藝彙誌

各省魚鹽彙誌

各國礦務彙誌

交通

籌英國修改滬浦章程後 錄乙巳二月十一日新聞報

四川總督錫奏川漢鐵路籌費開辦議定集股章程摺

駐華英使使道義位外務部修改開辦上海黃浦章程
照會

鐵路總公司與福公司商訂河南道清鐵路借款詳細
合同

各省航路彙誌

各省鐵路彙誌

各省電政彙誌

各省郵政彙誌

各國航路彙誌

各國電政彙誌

宗教

論中國前途常用何種宗教 錄乙巳四月初八初九初十日
中外日報

論中國議派專使與教皇訂約事 錄乙巳四月十三日時報

佛界風潮 錄乙巳二月初四日漢口日報

江西九江道札德化縣分認保護洋人財產教堂文

浙江會稽縣通報棍徒唐有銀等冒教毀寺勘明辦
各情形稟

續訂浙江甯海縣教案議約
江西贛縣議結天主教民會行優被族燬屋合約
江西贛縣大湖江教案議約
各省教務彙誌

雜俎 小說 叢談



目録



四

五月



日 本 第 一 師 團 武 官 一 隊



駐 營 口 日 本 義 勇 隊




日本北海道之愛奴人



暹羅土人



省務商農本日



所議會業商京東本日

商務印書館出版
日俄戰紀

日俄戰事於東亞大局之關係甚鉅而於我國爲尤甚是以歐亞人士咸注目於茲役中外新聞雜誌記載甚多惟頭緒既繁尋繹匪易日本金港堂博文館育英舍富山房皆有日俄戰紀之刻爰仿其例輯爲是編自開戰以來迄於今日凡海陸戰事及關係於戰事之政策邦交無不備錄區分門類凡十餘種記錄詳盡斷制謹嚴每冊首列寫真圖畫若干幅皆關涉戰事之人物狀況及戰爭樞要之地理每冊一冊即付手民陸續發行不預定期以戰局終結之日爲止

定價 每冊 大洋二角五分

日俄戰紀之圖目

- 第一冊 ●日俄陸戰地圖(平壤義州鴨綠江鳳凰城地方)○日本國皇帝○俄國皇帝○俄國東總督(亞力喀塞夫)○俄陸軍大臣(苦魯巴金)
- 第二冊 ●旅順港地圖○日本軍事參議官(寺內、奧、大山、黑木、山縣、井上、伊東、山本、野津)○日本艦隊司令長官(東鄉平八郎、上村彥之丞、片岡七郎)○日本三司令官(瓜生外吉、出羽重遠、三須宗太郎)○日本七師團長(長谷川好道、小川又次、貞愛親王、山口素臣、井上光、西寬二郎、大久保春野)○俄大平洋艦隊司令長官(馬克羅甫)○俄旅順艦隊司令官(斯他司爾)○俄國哥薩克騎兵
- 第三冊 ●鴨綠江戰地圖○日本旅順海戰司令官(梨羽時起、細谷資民、東鄉正路)○日本艦隊在佐世保軍港啓行圖○日本魚雷艇隊第二次攻擊旅順圖○日兵放魚雷攻擊俄艦圖○俄太平洋海軍司令長官(司廓理羅甫)○俄陸軍大臣(塞喀羅甫)
- 第四冊 ●日本三艦長(中尾雄、加藤友三郎、山田彥八)○日本步兵戰圖○日本砲兵戰圖○俄將斯他率兵渡貝加爾湖圖○俄國貝加爾之哥薩克兵隊渡冰圖○俄兵旅順砲臺禦敵圖○
- 第五冊 ●日本三親王(依仁親王、菊麿王、博恭王)○日本砲兵鴨綠江激戰圖○日本堵塞旅順沈

商務印書館出版
日俄戰紀

船情形 ○俄將苦魯巴金巡視旅順砲臺圖 ○俄將苦魯巴金巡視海參崴砲臺圖 ○俄戰艦彼得羅伯阿司克艦長(察科威烈夫) ○旅順第七戰被毀之俄戰艦彼得羅伯阿司克 ○俄戰艦彼得羅伯阿司克中雷沈沒圖

第六册 ●日本第十二師團長(井上光) ○第二十三旅團長(木越少將) ○第十二旅團長(佐佐木少將) ○日本接應陸軍艦隊司令官(細谷少將) ○裝設汽艇司令官(關少將) ○摩耶艦及艦長中川中佐 ○日本堵塞旅順口船員移乘小艇圖 ○日本堵塞旅順隊歸陣圖 ○俄國海軍大臣(阿韋蘭) ○俄國道路大臣(喜勒那甫)

第七册 ●日本皇太子 ○日本威仁親王 ○日本義仁親王 ○日本騎兵斥候乘夜偵察敵狀圖 ○俄國普魯巴金晤吉林將軍圖 ○俄國關東軍團司令本部 ○俄國旅順守備兵第十一聯隊兵營並海兵團 ○俄屬西伯利亞布拉郭什臣斯克曉景

第八册 ●日本上村中將瞭望海參崴俄艦圖 ○俄將司廓理羅甫出海探敵圖 ○俄司廓理羅甫艦隊攻擊日本商船圖 ○俄艦長與日本大尉在烟臺互毆落水圖 ○海參崴港俄艦停泊情形 ○停泊海參崴俄艦(播曼禿艦、格朗保艦、露西亞艦、路利克艦)

第九册 ●日俄兩軍金州大戰圖 ○其二 ○其三 ○俄軍自九連城退入鳳凰城圖 ○俄內務大臣(柏來維)小像 ○柏來維被殺時所乘車圖 ○瓦稍旅邸前柏來維被殺情形

第十册 ●日本看護婦會長鍋島侯爵夫人小像 ○日本婦團隊歡迎妻基夫人圖 ○日本紅十字看護婦會員練習帶圖 ○俄苦魯巴金率乘臨陣圖 ○俄逃艦阿斯哥及格羅蘇堡 ○俄逃艦阿斯哥左右舷損傷圖

第十一册 ●老鐵山圖 ○黃金角圖 ○日本東鄉司令官督兵備攻旅順圖 ○旅順新舊市街中間之孫家溝 ○日本前駐俄國公使(栗野慎一郎) ○俄國前駐日本公使(羅善) ○俄太弟(密喀爾)

第十二册 ●奉天鐵嶺附近詳圖 ○日軍登山進攻遼陽圖 ○日本橫須賀船塢 ○旅順全景 ○貝加爾湖 ○松花江岸 ○齊齊哈爾 ○俄國旅順船塢

三省堂編輯所編製

大清全地圖

全壹幅

●石版印刷彩色美麗 ●大二百五十萬分之一
縮尺 ●縱六尺三寸 ●橫七尺三寸 ●裝軸(塗
油漆)正價日貨金五圓 ●折圖(收帳)正價日貨
金四圓五拾錢(尙裝運費另加)

三省堂書店大清全地圖印行告白

方今世界大勢西力東侵茫茫大陸爲歐洲列強所屬心注目者厥惟我西隣友邦 清國乎土
域之廣山川之雄形勝天然自古高冠亞洲則及今之時措施綢繆刻不容緩而輿圖一節尤屬
有心人所宜急事研究者比年以來我國印行 清國地圖者亦衆然大概陳陳相因未免舛誤
則欲求其精細鮮明可資論據者蓋爲頗難敝店有鑒於此用費巨金積力多年廣搜旁羅極選
材料又况請禹域名士校訂而製 清國全地圖一幅蓋其圖幅致之古今參之中外舊善不遺
新美必收加以以裝飾明媚彩色燦爛令閱者一觀瞭如指掌而其尤者在經緯張大幅員廣
濶文字光明絕無魚目混珠消耗目力之虞洵爲諸圖中最上之逸品也其內所列疆域東朝鮮
及日本大阪神戶方面西西藏伊犁北貝加爾湖並黑龍江流域南安南緬甸及印度之一部考
據精確界線分明又在地理爲最要者如海底電綫航海路程鐵道燈臺列國租界區並山岳起伏
江河源委都鎮港灣布置整頓燦如列眉罔有所略較諸從前所印行者定爲上乘尤大精詳是
其特色也 清國大方君子無論政治實業教育宗教諸家以及軍人學生苟欲知東亞大勢者
各購一幅懸之座右朝夕觀覽俯仰尋繹則必有所自得者倘蒙賜顧務當廉售以副高誼

北京大學堂同教習進士館需用圖書器具總店

印行本舖

日本 三省堂書店謹啓

東京市神田區裏神保町

社說

選論附

倫理標準說 本社撰稿

亞泉

倫理學者。辨明善惡邪正而定行爲之軌範者也。夫善惡邪正云者。豈如輕重大小長短之可權可量。耶。不可權不可量。則所謂善惡邪正者。將以何者爲標準。耶。如無標準。何以生此辨別。耶。歐洲學者。研究此理。各主一說。散見於倫理書中。茲舉其主要者如左。

一神意說 以神之意見及命令爲倫理之標準。甚至以爲非聖書所載者。皆不得爲善爲正。此宗教門徒之說也。

二君主說 以君主之命令爲倫理之標準。英之阿普斯一千六百七十八年。倡此說。

三道理說 凡人之行爲。由自己之悟性與理性判斷之。以其宜者爲標準。英之喀來

克一千七百七十五年。及拍來依一千七百九十三年。之徒倡此說。

四道德說 人心之中。有自然之直覺力。善惡在前。一瞥即能判定之。與口之於味目之於色無異。卽以此良心爲標準。英之賽甫臺司倍林一千七百七十三年。及嚇鐵森千

社說

九十一

乙巳

六百九十四年等主張之。

五他愛說 以愛他人爲人之天性。卽以之爲倫理之標準。法之康德一千七百八十五年是也。

六自愛說 人之爲善者。由於自愛自護。以自愛爲倫理之正道。以自護爲萬物之原則。英之梅臺皮爾一千七百六十七年等主張之。

七實利說 以人類之幸福安全。爲倫理之標準。屬於司他依克學派及愛披克臘司學派者。並近世彌兒一千八百八十三年裴苦姆一千八百三十二年等可入此派。

又斯賓塞爾之幸福說。與之同類。

以上諸說。第一說乃神道設教之意。正以善惡邪正。無可折衷。乃託之於在人類以上者之命而聽從之。其意仍杳冥而無憑準。第二說。則當蒙昧未開之時。聽其時傑出之一人之所言。以爲行爲之準。則猶之弟子之受命於師而已。而其師之所以辨其善惡邪正者。仍不能無標準也。此兩說者。皆有重外輕內之意。以此爲標準。正以未得標準之法。而強立一起點耳。第三以下諸說。或求之於吾心而論其起源。或按之於當世而考其結果。倫理家皆存其說而無定論。

今試以我國先哲之言。比較而參究之。神意之說。小同大異。吾國之學說曰。天命之謂性。率性之謂道。又曰。惟天降衷下民。厥有恆性。所謂天者。原與神無異。不過指在人類以上而主宰之者言之。但吾國學說。以謂天賦授吾人以爲善之良心。人當本此心以行善。故善惡邪正。仍辨之於吾心。非聽之於天命也。天意之說。原屬杳渺無憑。蒼蒼之天。非有諄諄之命。據經典而信爲上帝所指示者。不過宗教家之迷信而已。君主之說。吾國無之。吾國以君主之命令爲法律。法律固不可不遵。但法律之與道德異其質性。吾國固早辨之。道理道德二說。一主本能。一主經驗。卽我國尊德性與道問學之別。宋儒朱陸二派各占一說。他愛者以仁爲本。而其流弊至於舍己殉人。墨說是矣。自愛者以修身爲道之本。以守身爲義之大。其流弊至於自私自利。而與倫理相背。楊說是矣。實利者道之結果。孔子以老安少懷爲志。大學以治國平天下爲止。堯舜以修己安百姓爲病。故倫理之目的。固以人類之安全幸福爲期。但據此立論。亦有專求成效。論利害。不論是非。背於倫理之本意者。今之言倫理者。折衷諸說而貫通之。謂倫理之標準。起於自愛及他愛。由其本能加以經驗。而終以己之安全幸福爲目的。或直接或間接。適於此目的者爲正爲善。不適者爲邪爲惡。此吾人行爲之標準也。

重民權論 本社撰稿

宗素

有民而後有國。有國而後有君。君失國。不君。國無民。不國。是以盛王之世。不以一己之利爲利。而使天下受其利。不以一己之害爲害。而使天下釋其害。天下無智。我則啓之。天下無學。我則牖之。民有菜色。我飲食之。民或苦寒。我衣被之。當斯時也。民忘其權。君綜其權。民且挈權而歸之。君雖攬權而實各如民之所自出。此昇平之象也。流極旣衰。君日以尊。民日以賤。鳩形鵠面之婦孺。披蒲戴襪之顛蒙。而草莽之。而犬馬之。內錮其心思。外繫其手足。水旱兵荒。饑饉流離。嗜髓剝膚。號呼冤抑。當斯時也。二三豪傑。出生入死。攘袂奮臂。冀還固有之權。以歸之蚩蚩。然而襲神明之虛號。奮雷霆之餘威。視萬姓如奴隸。供一人以淫樂。帝制自爲。積重難返。然哉。然哉。民權失矣。國力竭矣。自茲以往。俱在不可知之數矣。今夫嗜咨亮采。帝者之事也。致萬民而詢。王者之事也。天視自我民視。天聽自我民聽。太誓之詞也。國人皆曰賢。然後用之。國人皆曰不可。然後去之。孟子之說也。英立巴力門。使民得聞國政。又有早力維議會。國有大政。王與貴人及三等百姓。合議而行之。美國國會。有元老紳董兩院。租稅出納。官員薪俸。正副總統進退。以及各政善否。均詳議而施行之。日本設元老院。與美同制。尤得國會之精。惟俄羅斯地跨兩洲。雄稱四海。無議院。無憲法。君權獨尊。民權日替。然而政

教風俗。環球詬病。民政黨人。上書聯名。風會所趨。壓力斯開。嗚呼。專制之輩。附會周內。詬罵民權。我知之矣。其爲原情之說曰。上古之民質而樸。後世之民文而僞。質而樸者易爲善。文而僞者易爲非。此民權之不能伸者一也。歐之民靜以孚。亞之民浮而詐。靜以孚者易一。浮而詐者多歧。此民權之不能伸者又一也。其爲防弊之說者。則并味強國平權之宗旨。徒謂美法國會。恃血氣之性。抗天澤之分。逐君戕臣。夷然不怪。勇而無禮。職此之由。嗟乎。由前之說。則種類之不欲改爲良也。由後之說。則私意之不欲間以公也。此國家之大患也。且夫天下不可私。惟伸民權。乃可私。天位不可久。惟伸民權。乃可久。一人之所短。不若衆人之所修。十人之怒。不若千人之燭。燭故萃。億兆京垓人之人。則有億兆京垓人之人。屏億兆京垓人之人。卽無億兆京垓人之人。故日本重野安繹著論曰。天下者。天下之天下。天下國王。天下之所立。納稅非奉王爲己也。死戰非勤王保國也。然則民之有權。民自有之。民自有之。君母奪之。君母奪之。民爲保之。嗟乎。民自事其事。民事事而君乃安靜。而無事亦何惡於國家哉。若夫闇昧愚陋。蒙瞶濇。內政之未知。外交之未瞭。目盲四海。心窒五洲。悍陋之豎。儒昏驕之俗。子與之以權。則益晦盲。否塞紛亂。雜糅如水。益深如火。益熱矣。是則民權者。固當語於民智既開以後。

論秘密之害 錄乙巳三月二十四日中華報

自孔光以溫樹不言見稱於史。而世遂以括囊无咎爲宗旨。不知變本加厲之流弊。迄於今。而受禍不少。爲國民者。絕口不譚國事之原因。何自昉哉。蓋專制國之制裁也。秦有腹誅之誅。有愚黔首之心。故立種種制度。以箝民口。漢沿其弊。習綿叢而詔皇帝之尊。雖文網略寬。而臣庶懾於天澤之積威。如芒刺在背。以閉口深藏爲遠禍全身之計。而朝廷利用其秘密手段。予取予求。無敢瑕疵。遂傳至千百餘年。而其夢不醒。然而國家腐敗之原因。實由於此。請先以工商喻之。中國工業之不發達。由於祕傳二字誤之。其中非無智慧過人。創爲新器者。而用者知其然。不知所以然。製造者利用其不傳之祕。以享獨得之名利。於是父不以詔子。師不以傳弟。迨其人一死。而廣陵散絕響矣。較之泰西著書立說。以詔藝術。精益求精。以廣流傳。大相逕庭矣。斥財而殖貨者。必謹祕其經價。蓋使舉國而知其然。則措本與角逐者。將衆。始則供給與要需相平。而贏利薄。繼且供過乎求。而時價減乎經價。此所以必祕其情也。於是逐利之夫。常欲供不副求。以擅其利。則業既爲之聯約焉。此皆一時利。而常延數世之毒。當其業之盛旺。勤力者固以此而多得庸。及其既衰。力得者亦坐是而大失其利。蓋其術既行。業皆有約。始也已不受人。終也人不己納。因衰徙業。乃成至難。則作法自斲矣。埃及

印度之俗業皆世守。無論學業居位闢土殖穀作巧成器通財鬻貨之所爲皆子循父業不得觀異物而思遷。遷則爲犯教律之大者。是以有滅亡之禍。今中國之政治正與埃印二國之事不謀而合。其行政之樞紐以樞密院矣。侍御爲喉舌之官。則避人焚草。凡一國之大經大法。欲人人受其範圍而不敢越。而輒祕其原因。而不明示以秩序之規則。卽或頒示條誠。而又藏頭露尾。騎牆模稜。示人以不可測。設有人問其究竟。則以祕不示人爲法。設有人考其原委。而折以示人。則往往以漏洩爲罪。上旣以是求。下卽以是應。相率以譸張僞爲。爲事督撫欺。朝廷州縣欺。督撫胥吏欺。州縣民之馴良者。受州縣胥吏之魚肉。終其身而不得安民之黠狡者。用州縣胥吏之祕密。以售其欺。於是錢穀簿書以祕密而中飽。無從發其覆盜賊獄訟以祕密而刑法有時受其窮。爾詐我虞。鬼蜮其心。魑魅其貌。縱有燃犀之照。素鏡之明。全世界之黑暗。何能以一線光明普救此地獄耶。近者時事日非。禍端不測。明達者旣漸知祕密之爲禍尤烈。而思拯救之。於是設學堂以開智識。立報館以通耳目。而祕密之根株未拔。辦事者以城府深沈爲權術。無精白乃心。學生又以其小聰明相嘗試。而衝突之風潮時起。報章雖以消息靈通爲宗旨。而祕謀之未經發現者。亦有所顧忌。而不便直言。而不知祕於內者。不能祕於外。卽以京城而論。東西各國報館之通信員。星羅棋布。偵探我政。

府重大消息者。日以密電布告於國。而我國。夢夢者流。猶以祕諭在我。倖倖然有得色。而不知國民所不知者。外洋已知之。則何如。改絃易轍。以坦白爲懷。凡有文告。悉列報章。時開演說會。布告大衆。則行法之苦心經營。亦可以鑒。而隱微之患。潛消於無形。上下一心。力圖自強。慎勿守舊因循。治化因以日媮。而無進步。必至如工商界之爰敵折閱。而一蹶不振也。

論尙武主義 節錄乙巳四月初三日時敏報

曠觀古今之歷史。橫覽中外之大勢。見夫國家忽興忽亡。忽強忽弱。而究其所以致此之由。豈土地之有大小歟。人民之有衆寡歟。兵力之有厚薄歟。財政之有豐吝歟。亦在乎民質尙武與否而已。蓋民質者。國家之要素。社會之基礎。興亡之根源。強弱之種子。而國家所賴以成立也。民質能尙武。則其國強。強則存。民質不尙武。則其國弱。弱則亡。英法德美何以強。強於民質之尙武也。印度波蘭何以亡。亡於民質之不尙武也。雖然。今之尙武云者。亦有相異之點焉。有尙武之形式。有尙武之精神。所謂尙武之形式者何也。習洋操也。購礮艦也。興海軍也。增兵餉也。凡注重客觀而喪厥主觀者。此皆尙武之形式也。所謂尙武之精神者何也。臨事而懼。好謀而成。沈雄強毅。不屈不撓。小敵不侮。大敵不懼。有冒險進取之性質。獨立不羈之氣概。凡注重主觀而不徒驚夫客觀者。此皆尙武之精神也。不恃有尙武之形式。而有

其精神文明之尙武也。此二者相異之點也。雖然精神之與形式二者之界線常相離其性質常相異而未始不互相爲用也。故欲求有尙武精神必先具有尙武之形式而後可。蓋形式可以助其精神之振興代表其精神之現象。未有形式不具而能直接發達其精神者也。嗚呼！老大病夫之中國不求自強則已矣。欲求自強不可以不尙武。欲求尙武不可以不振起國民尙武之精神。振起國民尙武之精神奈何？曰：重軍人之名譽，高軍人之位置，興軍國民之教育，長武士道之雄風，以戰死爲無上之快樂，以敢死爲無上之道德，以服從兵役爲國民應有之責任，應盡之義務，獨一無二之天職。如此則民質皆具尙武之精神，而更於形式上增長之光大之可以保種，可以保國，可以復仇，可以雪恥，不見夫古代之斯巴達乎？以不滿萬人之國處於數十萬異種之中，屹然獨立，雄飛希臘，聲名至今不衰，其所以能致此者，因民質尙武故也。又不見東鄰之日本乎？自明治維新以來，國勢蒸蒸日上，其教育以尙武爲宗旨，其民族以敢死爲榮譽，一出而殲我軍，再戰而敗強俄，其所以致此者，亦民質尙武故也。卽就中國歷史證之，如秦始皇以尙武故而卒滅六國，漢武帝以尙武故而卒破匈奴，唐太宗以尙武故而使室韋伊吾契丹突厥等懾服，此皆民質尙武則強之明證也。嗚呼！人之有精神，譬之則靈魂也。國之有尙武精神，譬之則國魂也。今者中國已矣，其無國魂矣。

風景不殊。舉自有河山之異。黃天已死。四郊皆多壘之秋。魂乎魂乎。吾祖國之魂乎。將一去而不復返乎。抑大夢之未醒乎。其一去而不復返也。則吾將衰絰以哭之。其大夢之未醒也。則吾將列炬以燭之。張樂以導之。呼萬歲以歡迎之。曰魂兮歸來。吾祖國之魂兮。盍歸乎來。

自存篇 錄乙巳四月初五日新聞報

攬中國之大勢。十年之中。世變亦亟矣哉。甲午以後。欲雪割地賠款之恥。於時人人言自強。庚子以後。欲彌賠款失權之憾。於時人人言自立。至於癸卯以來。日俄開衅。戰事延長。窮其結果。國患方迫。於是憂時之士。人人則言自存。十年之內。國勢三變。故其士夫論議。即各因其時會之緩急。以為輕重。三者之持論。雖有不同。要其救國之心。未始或異。蓋必自存而後能自強。能自立。未有不能爭自存而可強可立者也。天演家物競爭存之旨。莫要於存其所最宜。以吾國官民之程度。其不適宜於今之世界者。更僕難盡。而種界一端。最足為中國致亡之根本。何言之。現今五洲之民。氣脈混雜者強。如英法德美等國。其種皆雜。其血統單簡者弱。如東方諸國。其種皆單。此證之世界歷史。鑿鑿可據者也。中國社會。首重宗法。故其言法也。亦以種而不以國。彼西人之寄居中土者。則聽其有治外之法權。我華人之寄籍外洋者。則各自為風氣。而不與他種相混入。足以見宗法社會。漸漬於民者。至深且久。是以今日黨派。或有抑漢之意。

或主讐滿之說。冰炭水火格不相入。此外如西北之蒙回。西南之苗。亦各錯處其間。嚴分種界。一有不合。馴至激成兵衅。貽外人以同類相殺之誦。嗚呼。羣道渙外侮。亟殆中國。近來積弱之大原矣。列強以帝國主義擴張其殖民之政策。吾黨以民族主義實行其鋤種之手。段無論其一羣。既渙人治。無權不合於物競爭存之義也。即使分治有秩序。自治有能。力而以少數之種人敵多數之軍國民。是猶操一葦以障狂瀾。灑杯水以救燎原也。其烏足以存哉。然則處此時局。而欲存其所最宜。在乎善羣進種。不在乎擇種去傳。昭昭然矣。或者以古時社會最重宗法。知類保種之人。必先能內競。而後有外競。故自存之道。則以種族為甚。此又似是實非之言也。宗法所行最難變進。惟其不變。故物競不行。且今之社會與古絕異。今日現象。其國能容納非種者。其社會日即於強盛。嚴限種界。使常清而不雜者。其種將日弱而不足以圖自存。希臘邑社。以嚴種界而衰滅。羅馬宗法。亦以嚴種界而淪亡。前事具在。可覆案也。今若國內猜疑歧視。種類恐他人不我分。而我反先自分之也。其不蹈於危亡之轍者。能幾何哉。

自由解 錄新民叢報第三年第十六號

今天下之號稱維新者。口不絕自由一語。手不停自由二字。於是浮囂之士。遂總總然曰。人

有自由權。子可不父其父。臣可不君其君矣。嗚呼。此誤解甚矣。夫不待人言。不待法治。不待畏逼。不待文飾者。謂之自居仁由義者。謂之由不待人言。不待法治。不待畏逼。不待文飾。而自能居仁由義者。謂之自由。自由者。希聖希賢之功夫。自修自治之結果也。中庸曰。詩云。相在爾室。尙不愧於屋漏。故君子不動而敬。不言而信。此君子慎獨之工夫。將以固自由之根基也。大學曰。小人閒居爲不善。無所不至。見君子而後厭然。揜其不善。而著其善。人之視己。如見其肺肝然。此自由與不自由之別也。孔子曰。吾十有五而志於學。三十而立。四十而不惑。五十而知天命。六十而耳順。七十而從心所欲。不踰矩。夫從心所欲。而不踰矩者。自由也。以道大莫容之。聖人猶必由學而立。而不惑而知天命而耳順。而至於自由。則自由爲自修自治最後之工夫。而非若今之所謂子不父其父。臣不君其君者也明矣。

或謂自由二字。出於西文之 Liberty。卽無束縛之謂。夫無束縛。聽其自便。謂之自由。故不禁人議論。曰言論自由。不禁人著書。曰出版自由。擇教聽人之好。曰宗教自由。貨物不抽其稅。曰貿易自由。凡一切之不受約束者。皆謂之自由。嗚呼。是不知泰西用意之言也。夫獨不見夫罪人乎。束之以縲紲。囚之於囹圄。手欲動而梏其手。足欲行而鐐其足。一舉一動。莫能自主者。不能自修自治也。苟自修厥德。不事干犯。手逞其所爲。足逞其所至。誰得而約束之。

哉。泰西人士以爲一切諸惡猶之繯。能梏其手。能錄其足。而不待人言。不待法治。不待畏逼。不待文飾。而自能居仁由義者。爲能脫此羈絆。故曰自由。所以明善不善之別也。又以爲不能自由。卽不能自治。不能自治。不如速死。故曰不自由毋甯死。所以勸人之自治也。又以爲天下之善不在法。懲而在鼓舞。之以自爲。故曰言論自由。所以勉人之非禮勿言。言則必得其自由之道。無可禁者也。曰出版自由。所以勉人之非禮勿書。書則必得其自由之道。無可禁者也。曰宗教自由。所以勉人之非禮勿從。從則必得其自由之道。無可禁者也。曰貿易自由。所以勉人之非禮勿取。取則必得其自由之道。無可禁者也。假令自由爲不受約束之主義。則誨淫誨盜之書。將充於市。放僻邪侈之言。將盈於耳。無父無君之教。將徧天下。鴉片。豐粟諸物。將不絕於道矣。

或又謂當法國路易十六世。暴待其民。革命黨以自由主義起而滅之。自由爲不受約束之主義。此其明證。嗚呼。是大謬不然也。夫苛政嚴法。非暴也。立法之本意。當如是也。法律不明。國威不振。有妨於人之自治者。斯暴矣。當路易十六世之闇弱。僧侶專權。國威不振。其政令將不足以勵民。故當時志士起而重創之。使法立而民畏。政行而民信。俾互相戒勉。以致於自由。非欲壓倒其君權。橫行其所爲也。不然孟德斯鳩輩亦當時革命黨中人也。何以其言。

曰國愈文明則其法律愈繁黨中之人亦何以信之不疑誠以法律者使人自治之利器法律愈嚴則人民自由資格愈深致歐西文明諸國革命而還兵役有義務輸捐有義務衣服有定制休息有定時道有巡捕以禁人之為非邑有牧師以勸人之為善個人與個人相交有市制國與國交有公法商務則有商例教徒則有教制凡所以立法嚴懲不勝其繁者蓋欲人人習自由之資格也苟自由為不受約束之主義則舉凡巡捕牧師市制公法商例教制一切舉而廢之可也

或又謂泰西尚自由故講平等君臣尊卑長幼之分略而不講則自由為不受約束之主義又一明證嗚呼是又不然矣夫平等者非無尊卑長幼之分也徒以為天之賦人無有不同其所以能尊能卑者亦均故君者君其德而能修其德吾亦可君長者長其學問而能修其學問吾亦可長也而推而言之則天下之人皆秉人職皆得自由於至理之中故曰男女平等父子平等平等之義所以使人人自勵也至於其尊卑長幼恭敬謙讓之儀尤為易見觀西人之稱其君曰 Your Majesty 其稱大臣曰 Your Excellency 侯伯子男各有專稱此不過其大概耳其稱平等人及下等人曰 Sir 與支那字有極恭敬義其意有所要求則曰 Please 用字義同即卒然相遇亦必免冠致敬握手為歡其禮節之嚴不獨敬其上且

也。必敬其下者。誠以尙平等故也。苟自由爲不受約束之義。則君臣長幼之分。又舉而廢之。可也。

且夫泰西諸國自由之出產地也。然其言曰。個人品格之高下。國家隆替之結果。自助人民多則元氣充也。可知自由之國。首重人品。又曰。善得人之助者。爲能自助。可知循法而行。卽爲自助。自助功深。始能自由。故泰西之教人。也當其幼也。以禮義廉恥。養其心。仁愛道德。修其身。一有不遵。則罰站罰操。養其恥。及其長也。以自治自修。勵其志。科學充其識。循循然務使其不入於浮泛者。非不使其自由也。不如是。不足以自由也。由是而言。自由者。由不自由而得。不能不自由於先。又安能自由於後。不先發明自治而空言自由。則謂之自亂。自亂者。野蠻禽獸之所爲。以數千年文化之人而行野蠻禽獸之所爲。以自由二字之美名。詞名野蠻禽獸之所爲。吾於是知言自由者。日衆而能自由者。日少。吾於是願吾四萬萬同胞。先言自治。以造自由之資格。吾於是作自由解。以喚醒歧趨誤涉者。

哲學家曰。自由猶刀也。未能操刀而使割者。其傷實多。嗚呼。斯言盡之矣。今以專制國。民居自由之國。往往轉爲律法所束縛。則自由國之律法。嚴於專制政體者。亦可見已。然今之譚強國者。動輒曰。自由吾恐其上下交相賊。自欺以欺人。雖爲異國之順民。猶

社 說

不。得。於。強。國。乎。何。有。爰。作。自。由。解。其。旁。義。支。意。略。而。不。言。所。以。自。勵。勵。人。也。

一 百 六

著 者 繫 言

五 月

商務印書館出版
歷史類教科書

錢塘夏穗卿先生撰

中學
堂用
中國歷史教科書

全書凡五冊陸續出版

- | | | | |
|-----|----|------|---------|
| 第一冊 | 起至 | 上古 | 每冊定價洋七角 |
| 第二冊 | 起至 | 三秦戰國 | 每冊定價洋五角 |
| 第三冊 | 起至 | 五胡代晉 | 每冊定價洋五角 |
| 第四冊 | 起至 | 五胡代晉 | 每冊定價洋五角 |
| 第五冊 | 起至 | 五胡代晉 | 每冊定價洋五角 |

中國二十四史卷帙浩繁非史學家不能盡讀即通鑑續通鑑紀事本末九通之類其浩繁亦不下於正史欲撮其綱要成一簡本者代有其人然化極繁為極簡其事大不易易是以成書甚多而善本甚少本館特聘錢塘夏穗卿先生編為此書敘述古今以十三經二十四史為主而緯以羣籍其體裁則兼用編年紀事二體其宗旨則在發明今日社會之本原故於宗教政治學術風俗古今嬗變之所以然誌之獨詳此為從前編中國歷史教科書所未有而本篇之特色也至於篇中博採異說悉註原書於下學者可以按書翻檢隨時觸發其益無方尤便於學堂講習之用焉

商 務 印 書 館 新 編

歷 史 類 教 科 書

中 國 歷 史 教 科 書

兩 冊 一 全

是為初等小學第四
第五兩年之用共兩
冊每兩卷每卷四十
課每星期授兩課以
一年畢一冊起自上
古訖於今日專取歷
代大事及名人事蹟
之足資觀感者以充
材料簡要不繁文筆
亦雅潔可誦每冊大
洋三角○附歷代沿
革圖一冊即日出書

西 洋 歷 史 地 圖

(壹 冊 全)

讀史不可無圖歐美諸國疆
域時有變遷故讀西洋史需
圖尤急本館搜集各種外國
讀史地圖擇其要者繪為是
冊共計三十八圖足敷中學
之用鏤版明晰著色鮮美○
洋裝精緻定價大洋八角

商務印書館出版
地理類教科書

學務大臣
審定
瀛寰全志
中學堂用

洋裝每部一冊附瀛寰全圖一冊
價洋一元八角

全英學館編輯○與地之學向矣而足備學堂教科之需者尙未之見本館特聘名宿搜集東西輿地學大家所著地理佳本精心翻譯竭一年之力始成此書以備中等教科之用文筆條暢校對精詳末附中西合璧名表洵屬完全無憾並向日本定製銅版圖畫數百幅插印卷內精緻美麗光彩照人 總理學務大臣審定評語曰蒐輯精審詳略得當可爲是書真評

萬國地理新編
高等小學用

每部二冊
價洋四角

據實陳乾生編輯○凡分六編首全球總論次亞洲次歐洲次非洲次澳洲次美洲凡疆域氣候政教風俗民情物產紀載明晰綱舉目張文詞雅俗淺顯易解選用地名皆沿舊稱絕無近日譯本新奇駁之弊以供小學教授最爲合宜

日本政治地理

每部一冊
價洋七角五分

日本矢津昌永著秀水陶鎔譯○凡分七編一國土二人民三邦制四經濟五交通六生業物產七外交別具組織新義獨標雖專限於日本然可以爲新學之指南地

商務印書館出版
算學類教科書

學務大臣審定 普通珠算課本

無錫顧芬室主人編輯○珠算在尋常日用中最高便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

每部一冊

價洋一角

初等 筆算教科書

本館編輯學堂教科書次第出版以國文及算學尤為小學堂所注重故亟印備用是書由陽湖徐君德素筆經日本教育家小谷重君長尾楨太郎君校訂其程度按照 奏定小學章程并東西各國成法按年分級全書五冊備小學五年之用書中前二冊兼實物各圖以引起兒童興味

全部五冊

定價

一冊 洋一角五分 二冊 洋一角五分 三冊 洋二角 四冊 洋二角 五冊 洋二角

初等 算科教科書教授法

是書專為教習者實際教授時所用無此則教授時必枯燥無味亦與前書相輔而行

全部五冊

定價

一冊 洋二角五分 二冊 洋二角五分 三冊 洋二角五分 四冊 洋二角五分 五冊 洋四角

新出數學教科書

小學校數學教科書尚無善本間有一二弄失之繁冗即嫌於凌亂教育家憾焉本書館按照小學程度精心編輯應有盡有最便實用

每部兩冊

價洋三角

諭旨 三月十二日至四月五日

旨奉生常連著以侍衛用存詳著以旗員用分發河南道殷善雲南道何光燮河南知府董翊清浙江知府萬昭廣江西知府傅毓良直隸直隸州知州松盛山東直隸州知州程建釗山西直隸州知州騰雲吉林直隸州知州汪士仁山東直隸州知州張百城直隸州知州陳實銘四川知州蕭開瀛雲南知州王雲龍江蘇通判王廷俊山東通判相國治陝西通判方致士江西通判洪維霖兩江鹽運判余元浩江蘇直隸州州同童耀煜吉林知縣李達春山東知縣胡師孝張昌慶潘時霖浙江知縣張其昌四川知縣楊預雲南知縣張友業直隸知縣慶陞寶立傳吉林知縣英啓劉善彭山東知縣董允泰謝王仁真張芝輔呂紹熾山西知縣井紹先河南知縣楊光斌李琳車戩江西知縣黃金鑾湖北知縣徐吳齡四川知縣宋嘉俊雲南知縣茹正熙熊祖頤兩浙鹽大使周耀陳詩庚俱照例發往 定東陵禮部員外郎著壽森補授 昌慶工部主事著常斌補授保舉黑龍江銀庫主事壽祺奉天候補知縣王鼎彝俱照例用服滿原選貴州貴定縣周廷霖著不必坐補原缺擬補長蘆石碑場大使王繼葵著照例用欽此 三月十二日

上諭周覆奏特參武職各員等語統領續備副四旗記名總兵蕭有元同恤兵艱駁乘無術著以都司降補管帶新爾右蘇臺先游擊彭庚午兵不足額營務腐敗合字後營哨官儘先守備楊得勝約東不嚴軍紀廢弛揚州營中軍守備張紹軍實利營私被控有案均著即行革職餘著照所議辦理該部知道欽此 上諭道員用雲南候補知府許台身著仍交軍機處存記欽此 十六日

上諭教務處奏覆會議蘇淮分立行省一摺蘇淮分省於治理既多不便著毋庸分設江淮巡撫即行裁撤所有淮揚

鎮總兵著改爲江北提督以資鎮撫餘依議欽此 上諭恩壽著仍遵前旨來京陸見欽此 上諭江北提督著潘萬才署理欽此 上諭二品銜四品卿銜候選道黃開甲著交軍機處存記欽此 上諭郭殿鼎著調補河南南陽鎮總兵四川松潘鎮總兵著孫萬林調補均著迅速赴任欽此 上諭直隸大名鎮總兵著洪永安調補馬金鉸著補授福建漳州鎮總兵欽此 十七日

上諭長庚徐世昌奏考驗北洋陸軍情形各摺片據稱考驗三鎮訓練之法編制之宜體大思精非他省可及等語北洋陸軍袁世凱累歲經營規模宏備具見公忠體國任事實心深堪嘉尚其賢能卓著之選安鎮統制官儘先選用道王英楷步隊統領官儘先選用知府張懷芝礮隊統領官儘先選用參將田中玉馬廠一鎮步隊統領官補用副將馬龍標保定一鎮步隊統領官補用遊擊張永成著傳旨嘉獎督辦陸軍學堂之分省補用道馮國璋於各堂學務具有成效並著傳旨嘉獎至新練旗兵甫及一年卽已改觀足見奮勉向上鐵良悉心教練辦事認真不負委任卽著奕劻等行勸各營切實講求蔚成勁旅用副朝廷整軍經武之至意餘著照所議辦理欽此 上諭程儀洛奏原籍安徽應否迴避奏明請旨等語程儀洛著調補山西按察使卽赴新任毋庸來京陸見欽此 上諭程儀洛著仍留安徽按察使之任廣東按察使著沈瑜慶調補欽此 旨四川雅州府知府聯豫著賞給副都統銜作爲駐藏幫辦大臣照例馳驛前往欽此 十九日

上諭伍廷芳沈家本等奏考訂法律請先將律例內重刑變通酌改一摺我朝入關之初立刑以斬罪爲極重順治年間修訂律例沿用前明舊制始有凌遲等極刑雖係懲兇頑究非國家法外施仁之本意現在改訂法律嗣後凡死罪至斬決而止凌遲及梟首戮屍三項著卽永遠刪除所有現行律例內凌遲斬梟各條俱改爲斬決其斬決各條俱改爲絞決絞決各條俱改爲斬監候入於秋審情實斬監候各條俱改爲絞監候口口與絞候人犯仍入於秋審分免實緩辦理

至緣坐各條除知情者仍治罪外餘著悉予寬免其刺字等項亦著概行革除此外當因常革應行變通之處均著該侍郎等悉心甄採從速纂訂詩旨頒行務期酌法準情折衷至常用副朝廷明刑弼教之至意將此通諭知之欽此 上諭
四川雅州府知府員缺著武瀛補授欽此 二十日

上諭昨據伍廷芳沈家本奏請覆恤庶獄十條請飭禁止刑訊拖累變通管杖辦法並清查監獄羈所等條業經降旨依議惟立法期於盡善而徒法不能自行全在大小各官任事實心力除各弊庶幾政平訟理積習可回頭聞各府州縣或嚴酷任性率用刑求或一案動輒株連傳到不及審訊任聽丁差朦蔽擇已而噬拖累羈押凌虐百端種種情形實堪痛恨此次奏定章程俱行照准原以於恤庶獄務伸公道而通民情用特重申詔誡著該督撫等嚴飭各屬認真情實力遵行仍隨時嚴加考核倘有陽奉陰違再蹈前項弊端者即行從嚴參處毋稍迴護贖徇其各勤求民瘼盡心獄訟用副朝廷恤下省刑之至意將此通諭知之欽此 二十一日

上諭光祿寺卿著伊克坦補授欽此 二十二日

上諭崇禮奏因病懇請續假並派署都統一摺崇禮著賞假一個月廂藍旗滿洲都統著特圖慎署理欽此 二十七日

上諭湖北武昌府知府員缺緊要著該督於通省知府內揀員調補所遺員缺著斌俊補授欽此 上諭湖北安襄鄖荆道員缺著梁鼎芬補授欽此 上諭雲南開化鎮總兵著白金柱調補蔡標著調補廣東瓊州鎮總兵欽此 上諭四川重慶鎮總兵員缺著韓立本補授欽此 二十九日

上諭前據翰林院代遞編修趙炳麟條陳並御史張世培條陳各摺片所參道員黃錫銓等先後諭令岑春煊李經羲確查查據查明覆奏調廣西候補道黃錫銓原參徇利剝削各節不盡無據惟人尙有才著革職仍留該省交李經羲詳

加查看以觀後效試用知府程道元聲名狼籍貪贓昭著極縣知縣李曰謙信任匪人所部騷擾均著革職永不敘用
府經歷職銜盧元溪補用守備李振聲身為官弁縱兵騷擾均著革職盧元溪情節尤重著即正法以昭炯戒李振聲著
從寬發往新疆充當苦差永不釋回餘著照所議辦理該部知道欽此 四月初一日

上諭岑春煊奏接管粵海關稅務一摺據稱粵海關稅務經張人駿先行接管實能破除情面銳意規畫積弊一清約計
釐剔籌餉所得每歲可增出銀四十餘萬兩等語張人駿任事實心深堪嘉尚著交部從優議敘餘著照所議辦理該部
知道欽此 旨翰林院侍讀學士著恩祥補授欽此 初三日

上諭潘高才現在丁憂著改為署理貴州提督即赴新任欽此 上諭廣東廣州府知府員缺緊要著該督撫於通省知
府內補員調補所遺員缺著顧清燮補授欽此 上諭鹿傳霖著調補吏部尚書仍兼署工部尚書戶部尚書著張百熙
調補欽此 上諭增祺現在丁憂盛京將軍著趙爾巽補授未到任以前著廷杰署理欽此 上諭廣東惠潮嘉道員缺
著沈傳義補授欽此 上諭甯白旗漢軍副都統練兵處軍政司正使劉永慶著加恩賞加兵部侍郎銜署理江北提督
所有江北地方鎮道以下均歸節制欽此 上諭景陵隆恩殿工程及東西兩陵歲修工程著改派陳燮會同繆良敬謹
承修欽此 初四日

旨劉永慶現署江北提督甯白旗漢軍副都統著繆良敬署理欽此 初五日

商 務 印 書 館 出 版
中 西 文 合 璧 教 科 書

華英亞洲課本	English and Chinese New Orient Fifth Reader	每本洋柒角
華英國學訓蒙編	English and Chinese Royal Primer	每本洋壹角
華英國學文編	English and Chinese Royal First Reader	每本洋貳角五分
華英國學文編	English and Chinese Royal Second Reader	每本洋肆角
華英國學文編	English and Chinese Royal Third Reader	每本洋柒角五分
華英國學文編	English and Chinese Royal Fourth Reader	每本壹元貳角半
華英文件指南	English and Chinese Complete Letter Writer	每本洋陸角
華英繙譯捷訣	A Manual of Translation	每本洋伍角
華英要語類編	English and Chinese Conversation	每本洋貳角
華英智環啓蒙	Circle of Knowledge	每本洋肆角
增廣英字指南	Method for Learning English	每本洋壹元
英法尺牘譯要	Select Correspondence	每本洋柒角伍分
法語防選	Course Progressions des Lecons Francaises	每本洋伍角
德文法程初集	Deutsche Lektionen	每本洋柒角五分

商 務 印 書 館 出 版
中 西 文 合 璧 教 科 書

華英初階	English and Chinese Primer	每本洋壹角
華英進階初集	English and Chinese First Reader	每本洋壹角五分
華英進階貳集	English and Chinese Second Reader	每本洋貳角五分
華英進階叁集	English and Chinese Third Reader	每本洋肆角
華英進階肆集	English and Chinese Fourth Reader	每本洋伍角五分
華英進階伍集	English and Chinese Fifth Reader	每本洋柒角五分
華英進階全集	English and Chinese Readers	每本貳元貳角半
華英英文初範	English and Chinese Grammatical Primer	每本洋貳角五分
華英地理問答	English and Chinese Catechism of Geography	每本洋貳角五分
華英亞洲啓悟集	English and Chinese New Orient Primer	每本洋貳角
華英亞洲課本	English and Chinese New Orient First Reader	每本洋叁角
華英亞洲課本	English and Chinese New Orient Second Reader	每本洋肆角
華英亞洲課本	English and Chinese New Orient Third Reader	每本洋伍角
華英亞洲課本	English and Chinese New Orient Fourth Reader	每本洋陸角

商務印書館新編
初等小學教科書

習畫帖

是帖為初等小學堂第二年至第五年學生所用由簡而繁所繪皆尋常易見之物用毛筆臨寫計共八册每册十圖每兩星期臨摹一圖約半年畢一册

全部八册

每册大洋七分

教員用習畫帖

一册全

共八十圖均標明用

筆先後最便教授

每册大洋二角

此帖專備初等小學堂所用易學易精

商務印書館新編
高等小學教科書

最新

理科教科書

四册全
 每部大洋八角

是書爲山陰謝洪資先生所著並由日本前高等師範學校教授新保磐次君山陰杜亞泉先生參訂材料精當部次分明最便初學附印五彩圖及精圖三百餘幅書共四册每册四十課每星期教授一課以一年畢一册誦習既竣不患無普通之知識矣○教授法稍緩出書

最新

地理教科書

四册全
 每部大洋五角

是爲高等小學堂第一第二兩年之用共四册每册四十課每一星期教授兩課以半年畢一册前一卷論中國後二卷論外國如江淮省之新析中美洲巴拿馬之自主均已敘入無愧最新之目挿印銅版精圖一百餘幅幼童讀之尤有興味○附五彩地圖一册卽日出書

軍事

論波艦東來與中國之關係 錄乙巳三月十八日中外日報

日俄之戰。迄今一年餘矣。自旅順陷落。遼陽退守。而我國內而政府。外而疆吏。無不亟亟焉。日望日俄之議和。東三省之來歸。即各國之論此戰事者。亦望日俄之將出於和。於其和局將定之時。行何種對待之政策。得何種特別之利益。而我國深識遠見之士。亦不過料日俄議和之際。戰國必有要求。各國必謀均勢。我政府將處於危險之地位。此其用意雖不同。而其望戰局之將次告終則一也。乃自波羅的海艦隊東來。而環球各國。相顧動色。咸知和局之終無希望。戰事之必將接續。北海之風雲。將一瞬而移於南海。今俄艦五十餘艘。實已行抵瓊州。而迴觀日本之內情。則亟亟焉增臺澎防務。開元老會議。警告中國之確守中立。力斥法國之不遵公法。上下交警。全國震動。若深、知此事關係之重大。無異於北方之戰事者。而俄人於遼陽戰敗之後。其於喪師失地之辱。若不甚措意。惟日夕籌備波艦東行之事。今則已將達其目的。試其手段。孤注一擲。盡在此舉。其必思大逞志於日本。以一雪其前此失敗之恥。尤為世人所共知。據此情形。則南洋必將有大血戰。其事必為全球所矚目。列強所

注意。自古戰局範圍之廣。變端之大。實未有過於此者。最可怪者。我東南各省官吏。事前未聞有備豫之方。事至未見有肄應之策。一若真爲日俄兩國之私事。而我國仍可守局外中立之例者。夫今日時勢雖迫。而利害未形。設徒爲瓜分之危言。滅亡之悚論。則諸公將疑爲過當之言。失實之語。而曾不稍動其心。今之所欲言者。惟南洋之戰事。與北洋之戰事。有其特別不同之點。而我國之受禍。亦必有大過於前者。此實事實理之所必至。而決非空言所能粉飾者也。

一宜慮戰國之波及也。北方戰事之初起也。各國咸以爲與此事最有關係者。莫如中國。而我政府有特別之思想焉。則東三省固我所久委爲國外地也。將俄勝耶。以東三省畀之。則俄欲已鑿。而或可無他求。將日勝耶。日人固以不貪土地爲言者。是不特不至失其固有之土地。而并可望收回已失之土地。人代其勞。我享其逸。計無便於此者。故雖日聞外人之警告。國人之危言。而仍漠然無動於中。今南方則法越以來。未聞兵事。甲午庚子。局外旁觀。不圖意外。猝聞此警。且東南數省。海線延長。皆我封內之地。既與北方形勢不同。而波艦遠來。尙未得實在根據之地。其規取臺澎者。實爲必至之事。然日本有備。而中國無備。則取之。日本之難。不若取之中國之易。且既向中國取得根據地。愈可藉以爲禦日之方。閩粵一帶。

在。在。有。可。乘。之。隙。即。在。在。有。可。取。之。機。一。處。告。警。他。處。響。應。有。封。疆。之。責。者。不。於。此。時。未。雨。綢。繆。亟。圖。抵。制。將。贖。臍。無。及。矣。此。其。可。慮。者。一。也。

一、宜慮各國之干涉也。日俄戰起。各國在東方增殖勢力之心。倍劇於平時。英人不動聲色。已取西藏置之肘腋之下。德人在山東之勢。更如潮之長。其神速不可思議。而各國要求路。鑛利權之事。更日有所聞。凡此皆非無因而然也。而腦筋之單簡者。則或以其事未顯著。而淡焉忘之。各國亦以日俄終有言和之日。則勢力終有均平之時。可以從容取決。而不必爲先發之計。今則北方爭鬪之活劇。一變而移於南方。戰事之結局。將無人能知其所止。而南方又爲各國勢力範圍之地。欲思各保其勢力。必將於中國試其侵略之技。由是得尺則我之尺也。得寸則我之寸也。是日俄之勝敗未分。而南方之大局已不可問矣。此其可慮者二也。

一、宜防內地之有事也。東南雖爲財賦之區。而頻年搜括。民窮財盡。工商之業。日形虧折。鹽梟會匪。各省皆有。遍地伏莽。待隙而動。若海疆復有戰事。則沿海各省。必先受其影響。實業之家。無利可圖。備力小民。救死不暇。而我民平日久爲稅政所凌藉。外權所迫壓。又素無愛國之念。自立之術。徒以海宇宴然。故潛伏而不敢動耳。一旦敵兵臨境。官吏周章。人心搖動。

勢必致詰者。肇事。愚者爾和。而積弱之國。往往因內亂之風潮而起。外交之困難。將來必因作亂之事。而有鬧教之事。因代。剿土匪之事。而有代守土地之事。是即使戰國。確守中立之規。列國咸有保全之心。而我國之內亂。有迫之以易和平之宗旨。而爲干涉之舉動者。將外患未形。而內憂先起。及今不早爲之所。他日必至防無可防。此其可慮者三也。

凡此皆我東南各省官吏所亟宜措意者也。抑吾更有欲言者。今日之事。至危極險。得失機牙稍縱即逝。不能援前此之事。以自解。不得作萬一之想。以自寬。我政府疆吏。固有莫逃之責。而我國民之身處局中者。其亦未可以爲此世界之大事。非我一人之責。抑以爲在上者自有善策。非常人所得預謀。當思目前之局。轉瞬之間。即非我有亟宜有財者。捐財有力者。盡力庶臨事得籌預備之方。而事後猶有挽回之策。若徒優游泮奩。坐以待亡。醉夢未醒。而地圖已將染他國之顏色。笙歌未已。而明日不知爲何國之順民。試迴觀東三省之地。版圖未收。官吏依然。而櫻鋒鏑。而遭塗炭者。固無一非我國民之生命財產也。我南省之士商。其亦觀北方之覆轍。而亟思所以自處哉。

收贖定贖策 錄乙巳三月二十七日時報

自西藏之主權失。而中國不得不守贖對以固蜀西之藩籬。此本報之所發議。亦有識之所

贊同者也。鳳欽使爲土番戕於巴塘。是非瞻對土司所爲。傳者不一其說。然鳳之死爲歿於王事。而未嘗明發。上諭頒賜卹典。度必因有所諱而然。以是推之。則鳳之被戕。未必與收瞻之事無涉。卽不然而因此戕害大臣之故。與教士被擄之一事。固不能不進兵於巴塘。而瞻事未平。則巴塘亦未可遽定。蓋勾結連合。勢有必然。不若及此之時。以方張之威。一鼓而盡克之。爲得計也。前者本館得訪員專電。有電諭川督於收瞻一案。宜以剿撫兼施之說。揆諸情事。庶幾近之。願欲言剿。則必先籌所以剿之方。而旣言撫。亦必預謀所以撫之之道。固非一檄一諭。而其事已畢也。記者不敏。輒以其智慮之所及。擬收瞻之策。四定瞻之策。四略述大要。以諗當時。蓋用兵於先。而布治於後。猶不外剿撫之兩言而已。

一、宜用工程隊也。蜀道之險。舉世所驚。而徵諸記述。則入藏之道。其爲險殆猶十倍過之。是。可謂天下之至危者矣。且三瞻地勢。兩峯聳峙。夾山以爲守。如峽路。然而其民又善爲碉堡。之備。且蠻部之衆。輕翻絕羣。攀危陟險。是其習慣。前者二十三年之役。雖一戰克之。然固掩其不備。今彼之抗我。旣已年餘。則其備我亦必甚固。似未可狃於前事。而輕視是役也。且用兵於險地者。進已不易。而退則逾難。非賴有工程隊以濟之。則不幸一有挫敗。而退路窄隘。將全軍受其妨害。是更不得不有以備之。頗聞湖北練軍。於工程之學。略具條理。當事者去

歲本擬調往廣西。助攻峒匪。今者收贍之役。正當利用之。以爲全軍之補助。諒必有濟於事也。

一、宜有偵探兵也。中國兵隊。於輿圖之學。向非所習。而行師於絕邊險遠之地。則非明晰其道路。窺察其巢穴。卽無所恃。以爲進兵之方。由是而言。則收贍之役。以云必克。蓋亦難矣。所幸者。藏邊地理。雖非我軍之所素習。而可以爲我之導者。猶有所藉焉。則其鄰境奉命之各土司。是也。考同治初年。剿平瞻對土酋工布朗之役。雖借用藏兵。然亦賴麻書土司與明正土司之力。其事固見諸當日之明諭者。而明正土司。猶與瞻人爲世仇。至今莫解。本報前登綽哈布等覆政府電。亦有調明正馬隊出關之語。是此次辦理贍案。本擬借用其兵。然以之助進剿。則不若以之充鄉導。蓋用他人之兵爲助者。非己兵強盛。足以箝制之。則雖暫爲我用。亦終必有弊。惟以之專任偵探。資其引示。而不假其馳驅。斯爲取利遺害之道。彼白種人所以深入不毛。而征服非洲之全土者。大率用此意矣。

一、宜預備持久也。昔英將吉青納之用兵於非洲蘇丹也。每攻破一處。則駐兵其地。爲兼旬累月之休息。而以其暇時從事於鐵道電線等之建築焉。至一地則通一地之鐵道。敷一地之電線。以佐行軍之用。且必並其地四圍附近之村落。盡平服之。然後再進兵以攻他處。蓋

必如是。則音信始便。運輸始捷。後患始可免。而所得之地。可以爲久安長治之謀。此以殖民主義之兵。而用之於蠻陬荒遠之域者。最善之策。蓋進兵之時。已爲異日施治之備。而兵事亦易資以成功也。如此者。近世稱之爲防禦之攻戰。與蠻族戰。恆必師之。今者既欲收贖。則必不憚持久。而後可以服其衆。治其地。以使南人不復反。以勢揆之。蓋必由防禦攻戰之道。約非三年以外。不爲功。夫老師糜財。以日論者言之。似非上策。然今日用兵之事。久則他日布制之效。速事半功。倍艱於此者。未必不易於彼也。是亦不足憚矣。

一宜慎用軍械也。戰爭之事。以火器爲生命。其最可寶貴者。莫過於軍資。況與野蠻之衆戰。以言搏擊。迅走固未必爲我所及。而如毒矢飛弩。種種蠻族之軍器。更非我所克當。其所賴以制勝者。惟此槍礮彈藥而已。而藏邊之地。道里崎嶇。於運送接濟之事。又至不易。故觀當初征藏之時。特設打箭鑪於裏塘以東。專供前敵軍器之用。則軍械一層。爲征藏預備之第一事。可以知矣。願我之所以制勝敵者。惟槍礮彈藥。而其至不易得。亦莫如槍礮彈藥。主師于者。宜如何節慎用之乎。是有三要。不宜輕戰而戰。則必斬有功一也。多用猛烈火器。而少攜效力薄弱之火器。二也。臨戰時。必以保護軍械爲第一義。三也。昔俄之名將士。可別勒。嘗有言曰。與野蠻之人構兵。宜大戰。而不宜多戰。蓋多戰則徒耗彈藥。而難於輸應。且使彼亦

暫知兵法也。斯言至允。前敵者宜知之。

以上所陳皆爲收贍之策。今請進言定贍之策焉。

一宜即以征贍之兵酌留數成改爲駐防。夫蠻邊之地絕少漢民。今以兵隊駐之。既以防邊。即以實邊。計無便於此者。前乾隆時用兵伊犁。曾調索倫勁旅前往助戰。及事定之後。即留其半以駐防伊犁。設一領隊大臣以統之。其法至善。徵之掌故。宜可從也。頗聞二十三年初次征贍之役。鹿尙書之意。擬招募湘人之不隸軍籍者數千人。編爲一營。命之助戰。事畢即布散贍地以爲民。可謂優於布置。異日贍對果有歸誠之日。言建置者宜更準此意而變通以行之。則至善矣。

一宜以遣戍新疆之人員改戍贍對。按遣戍之例。在國初大率皆發往黑龍江甯古塔等處。自西陲用兵以來。始改發張家口外之各臺。其後又多改發烏魯木齊。及新疆設行省。亦遂沿之。說者謂新疆所以能建省治者。實賴流人衆多之故。彼遷客之行記。戍子之著書。傳之中土。而中土之人得以漸悉邊域之情狀。以推論其一切措置之所宜。鑿惟此賴。是固然矣。然今者新疆制度。既已確定。而贍地創議改流。地處極邊。中土之人未必有好遊來此者。爲實邊計。爲用人計。且爲播告詳情於中土計。皆不得不降格以望。諸流人是宜。以應謫新疆。

者。悉數而改。謫此土矣。彼英人之於澳大利亞。俄人之於西伯利亞。亦豈非藉流人以開拓而治理之者乎。

一宜以應募出洋之工人。改募前往。查近日我國工人應英人之募。以從事於南非洲者。其數實繁。而中政府亦聽任之。是與鬻其民者無異也。又聞此次英人招工。其往者。實以直隸山東兩省之民居多。蓋皆平日於東三省一帶。爲俄人充鐵道煤礦等事之工徒者。今因戰事而失業。故多改受英募。審如所言。則是中國之人。中國不能自用之。而其所恃以資生計者。舍俄即英。皆將於外人是賴也。此亦至可注慮。憫念者矣。夫以藏邊之地。自裏塘以西。以至於藏地之布達拉。雖山境嶽崎。而沃野千里。巴且橡樹。隨地叢生。蓋佛氏所謂地肥之域也。而三瞻之地。實在其間。瞻地附於川。而川省地大人少。不宜更徙。則其必有賴於遠道之民。亦既可知矣。雖曰邊地險遠。然視重溟之涉。瘴癘之苦。猶當較愈於彼。

一宜以大員駐節其地。按瞻對若竟改流。可設一府治。命名定瞻府。而卽以三瞻之地。分設三縣。或六縣。以巴塘之地。改爲直隸廳。而添設兵備道一員。兼轄裏塘暨打箭鑪。做川東川北兩道之例。稱爲四川西兵備道。更於其上。設都統一員。做熱河察哈爾之例。得以兼預民事。統率各地方官。略如古軍府之制。而用近日新章。得以漢人任之。不必拘定旗員。或卽

裁撤成都將軍留副都統駐成都而以將軍改駐巴塘於事尤便至四川一省之大勢以今日言扼要宜在川西而大員皆聚處省會亦似不合今議以四川提督移駐雅州以屏蔽川西而與瞻地相爲策應並設川西鎮總兵一員駐瞻對布置稍密庶有當焉至於一切建置之經費與夫設官增吏種種之所需似宜取之入藏之茶稅以爲補助蓋藏俗嗜茶恆賴中國之茶由川輸往以濟其用頗聞打箭鑪地方官吏於運藏之茶設爲苛稅歲收甚鉅而其款並不報解實與中飽無殊今既議於瞻對設官則行旅賴以晏然於茶商未嘗無益似宜稽核打箭鑪每歲私收之茶稅而以之悉數歸公即留爲新設各衙門之津貼專款此亦有裨於公家而無害於商旅事必可行者也

以上所陳皆爲定瞻之策夫今日瞻對之事廷議之必主用兵與否猶不可知而記者願先侈陳其方略見彈而求鴟炙之諂亦固知之然以瞻地扼要及今不圖後將噬臍而苟欲取之則必有取之之道與治之之方也是以不憚辭費而表其意見如此此亦今日至當注重之一事矣

駐藏幫辦大臣鳳覆奏收回三瞻摺

竊奴才於十月二十七日在中渡途次承准軍機大臣字寄光緒三十年九月二十三日奉

上諭有人奏西藏危急請經營四川各土司並及時將三瞻收回內屬等語著錫良有泰鳳全體察情形妥籌具奏原摺著鈔給閱看將此各諭令知之欽此計鈔黏原奏一件等因承准此當即欽遵咨行去後查瞻對迭經捷伐震懾兵威上年叛藏歸川已無異志前大臣長庚善後議奏請歸鑪裏兼轄未果番官嗣與土司構釁前督臣鹿傳霖聲罪致討克平其地正擬改土歸流擴張川藏門戶乃商上赴京飾詞控訴飭交前成都將軍恭壽查辦罔圖復奏將三瞻地方仍復賞還達賴在 朝廷念切撫綏不失懷柔之道而疆臣昧於形勢坐貽川藏之憂查瞻對本川省藩籬而收還實保固根基長庚儘力調停實苦事多牽制鹿傳霖乘時規復亦期妙協經權承准前因仰見 廟謨深遠與老成謀國之苦衷先後若合符節奴才跪聆之下欽佩莫名復另備公函商同辦事大臣有泰督臣錫良妥籌辦法旋准督臣電咨囑催有泰開導商上調回番官酌酬昔年兵費以便接收免誤事機奴才遵即咨催迄今未經據復查達賴去藏未定在商上無主因而推諉遷延自在意計之中奴才惟有靜以待之一面選派曉事土人前往瞻地探明道路且覘番官瞻日向背以便相機因應復據鑪廳同知劉廷恕等稟稱遵札密派得力弁員赴藏開導宣佈 朝廷德意瞻民均願歸川歡欣鼓舞番官自瞻來稟聽候商上檄調語意俱極恭順惟有泰未經據復商上是否遵

軍事

一百九十五

乙巳

依何敢輕舉妄動以致另生枝節應請 飭下辦事大臣有泰設法開導早爲定議迅赴事
機實爲第一要義其餘應辦事宜容奴才接據有泰商復咨函卽行飛商督臣妥籌辦理謹
奏

練兵處兵部會奏擬定陸軍行營禮節摺 禮節見後

竊維古者軍禮介於賓嘉鉅典鴻規炳在經史恭讀 皇朝通典 大清通禮於軍禮一類
皆列專門凡治兵振旅師征受成諸容節燦然備載鴻鑠淵懿冠絕古今所以養成武德鼓
舞軍人者至矣然大綱固可宏賅而常禮尙在簡略方今海國大通盟聘四至周旋壇坫軍
禮爲先考其梗概各國相同章制簡明通行便利不獨關乎戎政抑且資以外交故往往有
此國之將能率彼國之師或數國之兵共奉一將之令禮無或異斯情易相聯而我國則制
度迥別風氣自爲縟節繁文動貽非笑不特與外人交際無因應之規卽於本國敬上事長
亦多未嫻之義非參仿各國通行軍禮另行簡易禮節不足以資循守便交通臣等公同商
酌除 朝覲公謁跪拜禮節悉遵 會典儀制外另訂行營禮節分爲官兵相見官兵相遇
軍隊相遇軍隊操演暨注目立正舉手舉刀舉槍各禮節專爲陸軍官兵中外交通而設凡
著軍衣者悉照遵行禮簡則易曉法立則易循無折腰致敬之繁守介胄不拜之義情誼交

孚猜嫌悉泯庶幾士卒忠愛之惻油然而自生軍營卑靡之習不除而自去謹繕具清單恭呈 御覽如蒙 俞允卽由臣等通咨各省陸軍一體遵行再此摺係練兵處主稿會同兵部具奏合併聲明謹 奏光緒三十一年正月二十四日具奏奉 旨依議欽此

河南巡撫陳奏陳挑練旗兵步隊成軍日期並籌辦各情形摺

竊照河南駐防旗兵積弱已久臣於整頓大概情形摺內卽聲明擬先挑練步隊一營並派熟悉新練之員管帶訓練欽奉 硃批著照所請該部知道欽此欽遵分行在案茲據藩臬兩司會同營務處署城守尉詳稱現由滿營挑選精壯甲兵三百五十二名添派教習哨官以及丁夫人等擬分四哨作爲步隊一營官弁教習護號新餉則參酌防軍章程兵丁則每名酌加津貼什長三十二名除底餉外每名月加津貼銀二兩四錢正兵三百二十名除底餉外每名月加津貼銀一兩五錢伙夫三十六名均由閒散內選充月各支銀一兩八錢以歸一律現於本年三月初一日具報成軍日期與滿營舊日操章劃清界限該營應領底餉及新加津貼等項亦於是日起支統計常年額支除底餉外約需加銀一萬一千餘兩製造等費仿照防軍成案每年約需銀四百兩開辦經費約需銀二千兩就舊營房基址加以擴充修建營壘約需銀三千餘兩已由司分別設法籌措舉辦事竣按章造冊報部實用實銷

等情會詳呈請具 奏前來臣查旗兵步隊一營業經親自點驗飭令編伍尙屬精壯卽此成軍伊始約略估計需款已爲不貲當此帑項奇絀之時深爲根本至計該司道等無不勉爲其難統帶必須得人若仍歸滿營佐領等管帶勢必又蹈往日積習難期精整現署城守尉臣標中軍參將文煇勤明老練平日講求新操擬卽派委兼統旗兵一營責成朝夕督練以資得力該營餉項每月由臣派員會同點名監放仍飭營務處不時認真稽察倘有不守營規及缺額侵蝕等弊一經查出定卽據實參處嚴辦總期帑項不至虛糜旗兵漸成勁旅以仰副 朝廷注重本根建威銷萌之至意其餘添建學堂及未盡事宜容俟另案 奏咨辦理伏乞 敕部立案施行謹 奏奉 硃批該部知道欽此

兩廣總督岑奏剿辦思恩府屬及柳慶南境土匪迭獲著要摺

竊照廣西匪患始於左江而蔓延於柳慶各屬臣於光緒二十九年督師西征奏請以總兵丁槐署理廣西提督並將蘇元春原部各營分別裁併撥出衡字貴字十一營交丁槐統領專辦左江漢土錯雜山陰瘴深游匪踞爲老巢地方備極凋敝丁槐受事以後先以整頓營伍築建礮卡爲急務布置數月剿撫兼施民匪漸分游土亦漸斂迹三十年三月初間黃五肥股衆三千餘盤踞永康州羅陽土司一帶丁槐會合思恩南甯各營八路齊進痛加殲擊

黃五肥遂被格斃餘黨之幸存者狂竄上思匿於廣東交界之十萬尖山丁槐率隊跟追復與東軍會合圍困匪糧不繼飢死無算其衝出者悉爲我軍殲斃附近通匪各村反正安業者數以萬計由是兵威所懾民團亦知振作捕匪禦盜以助官兵所不及左江漸就肅清適五月十一日柳州營勇肇變人心震動叛匪北走兵力亦全注於柳城融懷而柳慶以南及思恩各屬土匪復熾先是署思恩府知府和廷彪所部綏遠軍八營臣曾分撥四營交丁槐接統及是以丁槐兵力較厚因咨商抽調數營進駐思恩切實搜剿思恩柳慶交界之積匪以滕正宜覃火生陳社求爲著要黨衆且悍縱跡又極飄忽丁槐於八月間馳抵賓州兼旬之內擒獲寶貴著匪王春林侯四陸八懲辦並起出被擄男婦多人匪黨震懾各營分投剿捕迭有斬擒尤以剿辦滕正宜楊飛瀧兩戰爲最著楊飛瀧匿於來賓之松柏村營官陳世華唐啟新攻剿三晝夜不克卒以火攻始將楊飛瀧及匪黨六七十人焚斃滕正宜匿於遷江之洛敏弄地極險峻唐啟新首先奮攻登隘猛擊匪越巖層潰逃我軍邀截竟將滕正宜擊斃斬馘四十二級賓州遷江來賓一帶漸次靜謐遂進辦慶遠之忻城理苗忻城理苗均係土司與遷江來賓接壤年來爲覃火生陳社求等往來竄擾居民大半被匪脅從時署右江道龍濟光專辦五十二峒未暇分兵兼顧覃陳等匪勢益形猖獗丁槐十月間分四路進

兵節節前進各軍遇匪即擊十餘日連破弄米弄照一帶匪巢二十餘處奪獲快槍土槍八百餘枝生擒匪首覃火生及其弟覃三覃四覃肖孺等訊明正法黃五肥一匪亦先在尖山地方爲康啓新擊斃陳社求竄匿來賓十二月復爲陳世華圍攻生擒訊辦匪勢日衰兵氣日振往來掃盪餘孽悉除臣於二十九年懸賞購緝之巨匪至是已殄滅無遺十一月下旬丁槐因聞有股匪由柳城圖竄理苗因飭各軍前赴馬平迎戰遇於馬平之竹木吉等處分路接仗我軍頗有傷亡入夜扼要設伏天甫黎明匪齊衝出爲伏軍四面合截槍斃無算擒獲生供三十八人奪獲快槍二百餘枝查有達字營叛弁王崑山莫昌年黃才忠黃道生在內訊係在融縣苗山擊敗逸出糾合土匪圖竄理苗即於軍前正法於是達營叛勇全股遂以悉平臣查左江一帶游土旬結匪患已深思恩及柳慶以南積匪本多竄匿尤易丁槐以五千餘人辦理左江未及期年漸就平靖移辦思慶積年巨寇悉已成擒所部士卒實能所向有功其剿辦右江出力人員俟查明另行彙案核保現辦思恩忻城理苗各營奔馳四月轉戰於巖穴險邃之地實屬備著勤勞若不先行請獎無以鼓舞戎行合無仰懇 天恩俯准如請給獎以彰勞勩而勵戎行其出力之把總馬文富等弁及勇目另行咨部給獎謹奏奉 硃批著照所請該部知道欽此

兩廣總督岑奏柳州叛匪在思恩縣屬全股殲滅摺

竊照柳州叛匪分作兩股陸亞發一股竄踞四十八弄於上年十月間殄滅其褚大歐四一股自竄慶遠府屬之思恩經署右江道龍濟光督飭各營剿辦淨盡經臣先後將剿辦情形摘要電奏茲再詳晰陳之褚大歐四等股匪於上年九月初在羅城縣柳城交界之五村一帶爲濟字各軍痛加殲擊遂狂竄慶遠府思恩縣屬之五十二峒糾結土匪勢復猖獗五十二峒與黔省接壤萬山盤折其險峻正與四十八弄相等而下趨思恩慶遠各城勢尤便利維時張得貴所帶貴字兩營尙駐羅城慶屬濟軍亦半在羅城防堵陸榮廷所統榮字五營尙未到慶思恩駐勇無多勢頗危急龍濟光先調羅城濟軍跟蹤往援並飭慶遠濟軍馳往協助十月初匪由五十二峒分路來攻思恩縣城先到之濟軍亦分路迎敵連日截鈔我軍頗有傷亡濟軍後隊繼至併力猛進匪始敗陣斬首二百餘級獲馬二百餘匹而還匪敗後仍踞思恩之廣南官橋等處兇猷尙熾廣南在縣西三十里山勢陡峻巖弄極多攻剿極難著手適張得貴兩營到縣陸榮廷亦率五營由南甯行抵河池思恩之西路龍濟光親率濟軍馳往督剿匪股數千復連日來撲縣城十月二十一日濟貴各營分三路迎戰自辰至午匪不少退貴軍前營管帶章嘉福奮勇衝殺歿於陣中弁勇多受槍傷各營憤極猛攻匪始

敗次日匪由水源上竄龍濟光飛飭陸榮廷堵截匪竄河池屬之六甲崑崙陸榮廷率榮軍渡江截剿並以開花礮連擊匪乃潰入山弄龍濟光探問土人知江峒一路可繞出泗色恐匪由此分竄星夜率隊赴江峒兜剿二十四早匪之頭隊果到江峒見有官兵大爲驚駭龍濟光卽率隊截擊礮斃百餘人匪回官橋廣南又經張得貴率所部貴字兩營並濟字三營竭力攔截殲斃又復不少匪遂退入水洞號洞各該洞四面危壁箐密林深匪爲官軍圍逼將踞此險要拚一死戰以求出路二十五日張得貴先飭營勇登山奪佔齊南三坳次日匪由齊南小坳鋒擁撲出貴軍前鋒挫失傷亡極多連失三坳張得貴親督後隊衝鋒血戰誓以必死軍威復振立將三坳奪回斃匪千餘人奪槍三百餘枝濟字各軍亦同時分兩翼鈔截而入協力鏖戰首逆褚大爲我軍擊斃割取首級解赴柳州示衆生擒叛弁王華堂等軍前懲辦山谷嶺隘之間匪屍如阜而屯聚於巖洞各處者勢尙固結龍濟光連夜馳至分派濟貴各軍分扼隘口另選精銳直搗匪巢相持一晝夜乃將水洞攻破匪奔各隘悉爲伏兵擊回內外環槍指攻斃匪七百餘人破洞以後連日窮搜又斃匪徒二百餘人截獲逃匪三百餘人逆首歐四右脚受傷黑夜匍匐至上北甲經團總拿獲解營報由臣派員前往思恩訊明凌遲處死於是柳州叛匪大股悉平其潛匿五十二峒者零星散伏已極窮蹙濟軍前

往搜剔叛弁何十二死踞那峒與官軍相持兩日龍濟光設計誘擒並獲黨羽數十人一併懲辦收槍九十五枝於是柳州叛弁亦全數伏誅洵足以快人心而伸法紀其南丹分竄黔邊之區爲曾五蘇八彭六黨衆不滿千人本與褚大歐四等響應而各自爲幫先在河內滋擾經陸榮廷追擊突過黔界黔軍及陸榮廷會合截回痛剿連日殲斃逃潰所餘無幾十二月間黔邊已無匪迹曾五先於十二月在三甫地方爲榮軍格斃蘇八彭六隻身逃竄十二月二十六日又爲榮軍在拉朝三經地方斬斃割取首級解交黔軍示衆迭據龍濟光陸榮廷稟報粵邊亦已盪平臣伏查西匪慣技散而不聚官軍不能圍攻而匪轉得處處牽綴兵力褚大歐四等自羅城五村兩次敗後將趨五十二峒是時頗有以思恩空虛爲慮者臣先飭龍濟光堵截分竄之路正欲逼入思恩使之歸於一隅始可設法結束又飛飭陸榮廷迅自南甯兼程前進扼守西路張得貴由東北追逼龍濟光由南路兜入四面合圍無可衝突廣南官橋之役鏖戰至四晝夜之久斃匪三四千人起出被擄男女先後共計六千餘人剿匪以來未有如此次痛快者臣復派員往查戰狀所稟均屬相符自此次大捷之後各屬零星散匪亦多反正投誠匪勢頓息實於全局大有裨益所有在事出力人員擬先擇尤請獎以勵戎行而作士氣合無仰懇 天恩俯准照獎以勵前勞而策後效謹 奏奉 硃批著

軍事

二百三

乙巳

照所請該部知道欽此

兩廣總督岑奏官軍攻剿達字營叛勇獲勝請獎片

再調補湖南布政使劉春霖所部達字營勇奉旨回滇遣撤上年十月行至貴州省巴沙地方後營口全營同時叛變臣聞信後即慮其回竄粵境當飭統帶棠軍知縣陳兆棠馳往扼堵陳兆棠時在柳城協攻弄匪接電立即拔隊星夜前進聞叛勇五六百人到融縣屬苗山十一月二十五夜我軍甫抵崖脚即與匪遇分路迎戰匪占地勢多用快槍圍攻竟夕未能得手次日黎明鼓勇進攻哨弁尹懷清身受槍傷仍復裹創銳進各軍士益加奮勇連斃悍匪數十名匪勢少卻退踞竹峒又退龍甲山登高死守時我軍已血戰一夜雪地霜天未得一飽猶跟蹤血薄斃匪甚多至夜匪勢不支復冒死向寨撈村而逃寨撈村後倚元寶山壁立千仞前排石壁儼如石門道路紆回匪得憑險自固適署融縣知縣趙邦澤亦督同團勇馳至會合圍攻二十八日棠軍挑取精銳直逼石門另撥一隊由村旁攻入兩路夾擊斃匪約百餘名生擒二十一名正法該匪自知窮蹙縱火焚村竄出村後元寶山棠軍左營管帶顏鳳鳴先派隊伍將該山圍困親兵哨弁廖文貴率隊直上中槍陣亡各勇憤激攀藤附葛上逼層崖戰至三更生擒十一名陣斬數十級其墜崖傷死者不可勝計知縣趙邦澤督

團圍住山後用土礮轟擊亦斃多匪餘匪乘夜緣崖逃潰嗣於馬平之弄竹木吉等村爲提督丁槐全數殲滅當叛勇初入粵境聲勢洶洶人心震動陳兆棠率遠來疲乏之師當兇燄方張之寇鏖戰四晝夜斃匪數百人奪獲快槍土槍共五十餘枝雖叛弁倖逃而全股已斬擒過半卒之王崑山等依附土寇窮蹙無歸一鼓殲除不致蔓延患陳兆棠崖脚一戰其功實不可沒所有在事異常出力之統領棠軍直隸州用四品銜補用知縣陳兆棠擬請免補知縣以直隸州知州仍留原省補用管帶口字左營花翎補用游擊顏鳳鳴擬請免補游擊以參將儘先補用並加副將銜分省試用從九品羅葆德擬請免補從九品以縣丞仍分省歸候補班補用合無仰懇 天恩俯准如請給獎並請將陣亡哨弁五品軍功廖文貴勅部照例議卹以昭激勸謹 奏奉 硃批著照所請該部知道欽此

駐藏辦事大臣有密咨駐藏幫辦大臣鳳不便收回三瞻文

竊照本大臣於光緒三十年十二月十四日准川督部堂密咨准軍機大臣寄奉 上諭有人奏西藏情形危急請經營四川各土司並及時將三瞻收回內屬等語著錫有鳳體察情形妥籌具奏原摺著抄給閱看將此各諭令知之欽此遵 旨寄信前來自應遵 旨籌辦若由川遽定收回之議誠恐於藏中隔閡況藏約尙未大定賴默察事勢以定事之行止時

之早遲以維川藏大局權衡至當詳晰見覆察照會銜覆奏一面將摺稿咨送庶可聯爲一氣共謀有成等因准此查此案於光緒二十二年曾擬將三瞻收還川屬改土歸流經前大臣開導藏番唇焦舌敝乃達賴既無歸服之心已有缺望之意此等情形想川督部堂自必有案可稽無庸贅述繼後奉 旨賞還達賴當由藏番備具貢品方物專差赴京呈進該差旋藏齎到回賞 御賜各物商上復備哈達佛尊稟由本大臣代奏叩謝 天恩將年月日期咨明亦在案蓋恐瞻對甫經賜與又議收回似無此等政體是以咨請酌核辦理在藏番則以爲恩出 朝廷當無更易其感戴 皇仁已見諸實事今議者復申前說收回內屬但瞻案牽連藏印大局藏番雖與洋人定議本大臣究未畫押現唐大臣尙未來藏達賴遠遁亦未查詢明白一旦議及賞還達賴之瞻對收歸川屬不獨於事理之反復既不可行并啟藏番輕視之心爲叢毆爵適以堅趨向外人之意其後患將有不可收拾者事機處此偷緘默不言則日後咎將誰歸爲今之計惟有俟邊務了結外侮不來則屯田固屬要著練兵鎮攝尤不可緩果川藏聯爲一氣藏番畏服卽三崖乍了素無法紀者統歸約束豈三瞻一隅之足慮乎本大臣前電參達賴因其未能恭保 聖容竟至遠颺奉 旨暫行革去名號而番屬之信奉達賴并不改初心其愚蠢之性非可言喻總之以大局而論示以 天威則可

失此大信則萬萬不可貴大臣公忠在抱諒必早見於此特爲密咨請煩查照施行

駐藏大臣鳳咨覆駐藏幫辦大臣有收回三瞻文

竊照本大臣案准貴大臣來咨以欽奉 廷旨另籌及時收回三瞻內屬因兩次賞還達賴一旦議及收回恐非政體而失大信且達賴既無折服之心卽生缺望請候藏約定局佈置邊防練兵屯田經營各土司何慮瞻對一隅等由准此查瞻會工布朗結強梁叛逆致川藏茶運不通番民坐困前督部堂駱派兵剿辦商上亦助兵協剿殲除逆首克平其地索償兵費二十萬時值川疆多故奏請以三瞻賞還達賴派堪布管理藉資化導免償兵費在案詎商上卽以統兵番員坐鎮其地謂之總管勒加重賦刻剝番民馴至光緒十六年番官青饒策批縱子苛虐肆爲無道民不聊生因而叛藏歸川訴呈至百餘件之多經前大臣長會同督部堂劉成都將軍岐派兵剿辦將爲首之撒拉雍珠誅戮重懲番官奏請瞻地歸鑪裏兼轄旋卽陞任經前大臣升妥籌善後奏請仍爲商上管轄嗣因駐瞻番員與川邊土司構釁前督部堂鹿派兵聲討悉平其地瞻民咸願歸川正擬改土歸流廓清川藏門戶乃商上赴京飾控飭交前成都將軍恭查辦圖覆奏仍請三瞻賞還達賴其時中外各官無一人論及此事者實以西藏爲川省藩籬深冀邊案了結邊疆永靖西藏自主之權操之自我瞻對屬

之藩部何異屬之川疆應否收還尙可無須汲汲上年英兵入藏情形幾同瓦解擬約通商百端要挾藏番私與英人定約貴大臣幸未畫押於是特派唐大臣定約全權之命似此情形殆危實甚既難全力包舉俾無隙之可乘復難成敗坐觀聽強鄰之倡處言官敷奏洞悉本原 朝廷爰有飭籌及時收贍之 旨夫所謂及時者非乘危薄險思圖僥倖之功實由痛鉅創深爲此迫切之計也英人狡焉思逞已非一日溯自大吉嶺通商牽動西藏邊界未幾而有隆吐之役亞東通商牽動全藏未幾而有江孜全藏之役今則前藏通商便已牽動全蜀矣往事可徵江河日下後患伊於胡底乎茲准前因貴大臣拘泥有傷政體一節查爵土予奪之權操自 朝廷有功則予有罪則奪贍地因其助剿贍會而予之因其不能撫恤其人民而奪之一秉大公毫無私曲貴大臣奏參達賴名號亦猶斯意事同一律政體何傷又恐有失大信一節查贍對之予原以償昔年兵費前大臣長原奏善後章程內曾經言及商上歲收贍民賦稅九千餘兩迄今三十餘年核以所用兵費二十萬久已取盈而番官至今猶苛斂不已酌酬昔年兵費取回贍對是既不究其虐民之罪而又償以分外之資尤屬逾格施恩仁至義盡出贍民於水火固全蜀之藩籬示普天之 大信莫逾於此尙何失信之足慮政體無傷大信不失達賴有何不折服而缺望之與有况英兵已直抵西招何待駭

爵藏印已私相定約何止趨向貴大臣亦無須多此顧忌也至謂俟藏約已定邊務了結佈置邊防練兵屯田何慮瞻對一隅噫貴大臣之見左矣總之瞻對之應收不應收惟問貴大臣將來西藏自主之權能終保不能終保若能終保俾西藏局面一如前則瞻對之收可緩議也若或不能終保一經立約枝節橫生比時而議收三瞻恐噬臍之悔將無及矣瞻地本屬川疆賞還達賴譬如幅帛抽心不成片段一旦有事不惟門戶未清亦且守防無據瞻地沿邊各土司疆界在在毘連間阻若不收回即經營各土司亦將無所措手瞻民向化之心迄今不易鑪廳劉承阜和陳副將密派人覘探回鑪會案可據有何可慮而必俟藏約定後練兵屯田而爲之謀耶收瞻一事瞻民甘願歸川已操得牛之道所難者達賴遠颺去藏貴大臣要在設法招致略示羈縻維繫人心似不可少當此流離轉徙之間參革名號以後窮極知感法立知恩果能分別功罪依據情理酬其兵費開導詳明或當以巽而易入也所望貴大臣揆今昔之情形權利害之輕重亟申未雨之謀無存膠柱之見於以仰承 廟謨下濟同舟詳細籌商委曲開導收回三瞻之舉無託空言則大局幸甚 朝廷幸甚相應密籌咨覆請煩查照欽遵妥籌望即速覆施行

兩江督練公所詳請署兩江總督周改編陸軍文並批

竊職道等於光緒三十年十二月初一日奉憲臺札委開辦督練公所三處內開各路防營應就現有人數餉數嚴行挑選先按新章隊制編列仍照原駐地方分防訓練等因奉此仰見憲臺整軍經武因地制宜之至意欽佩莫名當將擬分三期辦法並分科條目辦事章程先後會詳在案遵查練兵處所定營制餉章整齊畫一亟應遵照辦理惟新章軍額有定而兩江或二三千人爲一軍或一千五百人爲一軍或五哨爲一營或三哨爲一營甚有二百八十餘人與一百三四十人爲一營一旗者參差錯落不相貫屬此營制之不一也新章餉額有定皆以月計而兩江有十二關十一關十關九關之不同且各關之數目亦分多寡有搭放錢文並有發銀兼發米者此餉章之不一也新章開練一鎮每年經費即須一百餘萬兩而兩江支應籌防兩局每年額餉不過一百八十餘萬兩尙連水師并計是就兩江現有之兵數設兩鎮而有餘就兩江現有之餉數籌練兼籌防辦一鎮而不足況將不出於學堂兵皆由於招募槍礮歧異填紮奇零則欲整齊畫一更不易言職道等深維練兵爲當務之急要不敢不勉爲其難謹就現在之人數餉數增減裁併酌照新章擬辦列爲三冊第一冊將本省之常備右軍武威新軍護軍正四旗武威左右翼各軍擬改編常備兵步隊四標將新湘五旗盛字五營南字三營合字五營擬改編常備兵要塞步隊四標第二冊將常備左

軍馬隊一旗右軍馬礮工程各一營擬改編常備馬隊礮隊工程隊輜重隊各一營軍樂一隊內礮工輜各營因人力財力均有不及暫立二隊以上第一二冊各舊軍原額人數共一萬五千九百二十員名現擬共一萬六千二百八十員名原額馬共二百八十三匹現擬共四百五十四匹原額餉數共九十萬零七千一百四十四兩零二錢現擬共一百零三萬五千四百八十六兩五錢又第三冊將本省之新兵五營奇兵一營一旗護軍副四旗元字三旗鎮字一旗銘字馬隊三營徐防步隊三營親兵一哨馬隊二營滬軍一營一旗擬改編留防步隊三十二隊馬隊十隊以上各舊軍原額人數共七千四百一十七員名現擬共五千六百員名原額馬共一千零七十八匹現擬共八百五十四匹原額餉數共四十萬六千三百五十二兩七錢四分現擬共二十八萬八千九百九十八兩並擬酌加各統帶等薪費銀一萬七千二百四十兩所有人數餉數截長補短計第三冊所餘人一千八百一十三名除補足第一第二冊所短三百六十人外尙應餘人一千四百五十七名飭令裁汰第三冊所餘馬二百二十八匹除補足第一第二冊所短一百六十七匹外尙應餘馬六十一匹分別留用變價第三冊所餘餉銀十萬零一百一十四兩七錢四分而第一第二冊計短十一萬八千三百四十六兩三錢除以所餘補不足外尙應添餉銀一萬八千二百三十兩五錢六分擬請

軍事

二百十一

乙巳

添撥其編改各軍修造營房添換槍礮器械操衣操帽旗幟等項置備車輛添購及倒補馬騾開辦隨營各學堂與夫一切活支雜支並閏月照加暨駐鎮江一標半年後練有成效加發一關之款均不在內至礮臺及水旱雷各營哨均俟另議改良此外尚有衛隊一哨爲憲臺護衛之兵督捕親軍一哨應留俟改辦警察常備左軍六營現赴湖南防堵續備護軍中營現由江南提督帶赴松江新勝虎字一營現駐揚州供鹽務緝捕提鎮標巡警各營旗與綠營相等製造局礮隊一營現由上海製造局就近練習均暫不改編此次擬就省城及鎮江上游一帶大枝軍隊試練步隊四標馬礮工輜軍樂各營以備徵調就上海江陰及鎮江下游一帶大枝軍隊備練要塞四標以備守衛就分防各營一時不便合練者按照新章編爲留防隊四十二隊以備警衛而此項留防隊悉照新章一隊之制果使訓練有成改編爲標亦甚便易其薪餉常備步隊除武威新軍所改一標仍駐防鎮江與在省之專練者有別仍照舊暫發十關外餘三標擬每年發十一關要塞四標擬每年發十關留防等隊擬酌加統帶各官薪費略照原發關數以上各新餉列有經費表九幅並將編改事宜另列一冊隨詳呈繳憲鑒若器械則暫以一軍或一營歸一律分紮之不便合操者量爲移駐並擬擇要分立隨營學堂以儲下士之材統計步隊要塞各四標各設標統而暫虛協統鎮統馬礮工

輜軍樂各營隊各設專員而不歸於標統留防四十二隊有統帶分統其僅有管帶者就所駐之地方兵備道提鎮兼管以一事權此編改大致情形即前詳第一期表面劃一之辦法也然練兵必先籌餉北洋現練三鎮每年籌添之餉已數百萬兩聞近日尙擬增練數鎮合計餉需總在一千萬兩以外福建小省局面狹小本不足與兩江相比而現練兩鎮內標營未足亦已籌添數十萬兩兩江擬練之數已具一軍規矩而應添僅一萬數千兩實爲撙節萬分將來逐漸擴充似應寬籌的款庶可收士飽馬騰之效惟是有治法尤貴有治人要賴統帶營哨各官實力奉行庶可轉弱爲強漸成勁旅而無仍蹈故習之弊職道等亦惟有遇事稟承信賞必罰以期整齊畫一而已除將詳細辦法分註冊表並另擬名格讀法誓約操單各項軍隊內務之辦法及外場操法陸續詳陳外所有擬照新章改編軍制暨酌設留防隊各緣由理合詳請鑒核批示祇遵

兩江總督周批 詳册並單表均悉查江南軍制最爲紛雜乃兵家大忌此次練兵處奏定新章意在整齊而劃一之本應一律編齊方爲正辦惟揆之現在情形誠如該道等所云人力財力均有不逮且恐操之過急轉濬聽聞所議辦法均甚妥協應准照辦即將原駐省城之武威左右翼按照章制專練徵兵編爲第一標護軍正四旗編爲第二標常備右軍編爲

第三標武威新軍編爲第四標合字五營編爲第五標南字三營編爲第六標新湘五旗編爲第七標盛字五營編爲第八標均爲常備兵又常備左軍馬隊一旗右軍馬隊工程三營改編爲常備馬隊礮隊工程輜重各一營軍樂一隊內礮工輜各營暫立兩隊此時未設鎮統應均暫歸督練處統轄又新兵五營奇兵一營一旗護軍副四旗元字三旗鎮字一旗銘字馬隊三營徐防步隊三營親兵一哨馬隊兩營滬軍一營一旗應由該道等按照防地自近而遠排列號數改編爲留防步隊三十二隊馬隊十隊各就原有人數餉數截長補短分別挑選至此次編改各標惟盛軍多餘七百餘人吳淞爲通商口岸彈壓巡防亦關緊要應將此七百餘人再挑選五百八十員名編改爲留防隊四隊仍交第八標統帶兼統如此既有專練標隊以備徵調復有留防隊分司巡緝更爲週匝其餉需除各標隊原有薪餉外按照該道等原議每年尙須添銀一萬八千二百餘兩今加留防四隊應再添銀二萬八千餘兩合之共應添銀四萬六千餘兩候行支應局籌議添撥其餘衛隊督捕親兵及新湘六營護軍中營新勝虎字一營提鎮標巡警各營旗製造局礮隊一營均暫不編改俟將現改之常備兵訓練稍有眉目再行設籌餉項徵集添練以收尺寸之效現當改練之始將才實難其選應就原統各員擇其能虛心講求實力辦事者酌留派用其聲名平常難期振作者卽

予撤換均候另檄行知該道等有考核整飭之責徐道已赴北洋派朱道刻日馳赴各標除督同編改其管帶以下各員即由朱道會同該管統領詳加考驗呈候酌定如其中有因編改被裁而人尙可用並無別項過犯者准予存記派令暫充本轄先鋒官遇有差缺再行酌委以示體恤其勇丁除照額挑選之外應責成各該統帶營官挑出老弱廢惰者概行裁汰資遣回籍毋任逗留滋事所改各標準分別刊頒木質關防每標一顆每隊給發鈴記一顆均由該公所擬具式樣呈候核定飭刊發用餘俱照擬辦理其未盡事宜仍隨時核擬詳奪時事迫切餉項不易經此次改編之後該統帶管帶各員務當振刷精神遵章認真訓練期成勁旅倘再有紛飾因循狃於積習則軍律具在本署部堂惟有執法從事而已仰候通行各統領官遵照一面將編改緣由及現定薪餉應從何日改支會同支應處局敘擬妥詳呈候 奏咨立案惟向來發餉關數不一詳內聲敘務與歷屆報銷相合不可稍有牴牾致干部詰此繳表冊單均存

練兵處奏定陸軍行營禮節

總綱 陸軍行營禮節總其大綱有四曰官兵相見曰官兵相遇曰軍隊相遇曰軍隊操演四綱之中其目爲五曰注目曰立正曰舉手曰舉刀曰舉槍凡陸軍官弁除握手禮專待外

人及請安叩拜定制仍用於文武公調暨在庭堂相見外其餘身著軍服之官長日兵均不准外此四綱五目別有異同

陸軍官兵相見禮節 一凡下級官入室謁見長官宜在距離五六步間行注目立正禮長官均領頷答之如室無餘地則於進門時卽行禮 二凡下級官入室行禮佩刀者須將刀柄向後手握鞘上兩環中間 三凡下級官入室接受長官公牘命令書籍等件或將公牘等件呈遞長官行禮後卽向前用右手接受呈遞接遞已畢仍回至應行禮處行禮畢肅退如係應閱之件閱畢後禮同若持槍時則用左手接受應閱之件將槍貼身扶以右臂然後兩手披閱有應領回信收條者須回至行禮處肅候或行禮後退出門外待之屋外接遞公件禮同 四凡下級官入室向長官稟白公件宜先行禮然後前進稟畢回至應行禮處行禮畢肅退 五凡長官進官弁日兵屋內員兵均起行立正禮應聽命令者肅靜謹聽長官命坐則坐如有辦公者行禮後照舊辦公長官出屋時禮同如在講堂須聽教員口令然後行禮 六凡下級官因同席宴會與長官相見須先行禮然後下刀若因事離席須掛刀稟知然後肅退 七凡日兵見官長兵夫見弁日均與下級官見長官禮同

陸軍官兵相遇禮節 一凡下級官路遇長官停止時行注目立正禮行走時除讓路外行

注目舉手禮長官均舉手答之倘長官品級不同一時並遇則先尊後卑除舉手外次第行注目禮 二凡下級官遇素識之長官無論何項服色均應行禮遇著軍服之長官無論素識與否均應行禮雖長官距離稍遠不得疏略 三凡下級官平時乘車值長官乘騎車馬相值須停車讓道軍中乘車者不在此例馳馬時須勒馬立身行禮若傳遞命令事機緊迫不妨陳明前馳無庸勒馬行禮 四凡下級官平時騎馬路遇步行長官即應下馬行禮候長官已過然後復上若傳遞命令或帶領軍隊則無須下馬在馬上行禮 五凡下級官遇長官查街令箭與遇長官禮同 六凡下級官與長官同行祇可追隨右後或護從兩側有時前導不拘此例 七凡目兵路遇長官或經過長官之旁宜在相距六步內站路旁行禮兵夫遇弁目禮同但勿庸讓道立定 八凡目兵遇外營著軍服官長與遇本營官長禮同遇海軍官長亦然 九凡目兵遇官長時如手攜公物勿庸舉手祇換正步行注目禮如肩擔公物勿庸換正步祇行注目禮

陸軍軍隊相遇禮節 一凡軍人路遇軍隊或經過軍隊之旁如帶隊官位尊於我應行注目舉手禮 二凡軍隊相遇秩卑之帶隊官應向秩尊者行舉刀禮秩尊者舉手答之倘卑者鳴鼓號尊者亦鳴鼓號答之 三凡軍隊相遇持標旗時無論官級大小無標旗者應向

標旗行禮 四凡平行官帶隊相遇宜互相讓路旁行道右如停止時步兵行舉槍禮

馬礮兵行舉刀禮 騎重兵騎馬時不拘此例 行進時帶隊官行舉刀禮發向右看或向左看口

令目兵照口令行禮鼓號兵鳴鼓號行禮如隊伍在一營以上者則每一隊各自行禮倘帶

軍裝之軍隊遇不帶軍裝之軍隊禮同惟不帶軍裝者祇行整排及注目禮 五凡軍隊行

進時遇各長官勿庸停止惟帶隊官行舉刀禮馬兵陸路礮兵右抱刀步兵臺礮兵工兵輜

重兵則先於六步前換正步發向左看或向右看口令目兵行注目禮號兵鳴鼓號一次受

禮官舉手答禮若係一營以上之隊即每一隊各自行禮如遇本軍或他軍中等以上各官

除軍隊靜肅外不行他項禮節惟官長互行舉手注目禮 六凡馬隊陸路礮隊輜重隊如

歇息時遇各長官但須行禮勿庸整排列隊 七凡軍隊乘船時 指帆船及輪船而言 不得越過長

官之船及由長官船前橫過如有急務由船長陳明不拘此例倘遇上等官及本營長官帆

船下帆緩行槽船照舊船長起立行禮俟長官船過乃止如有升礮致敬者應待敬礮升畢

然後開行其餘平行各官僅互行注目禮勿庸下帆起立

陸軍操演禮節 一凡分布隊伍時遇長官及標旗目兵祇須整肅勿庸行禮官長行舉手

禮如值散閒歇息時長官標旗所到之處官兵均各自行禮勿庸整排列隊 二凡軍隊

送簡閱大員時應整排隊伍官長暨馬兵輜重兵行舉刀禮步兵臺礮兵工兵上刀頭行舉

槍禮礮兵在礮後整列兩排為禮號兵鳴鼓號三番四番輜重兵乘車駕車或牽馱馬時均

當於車旁馬旁肅立致敬 三凡統制統領及與統制統領同級各官簡閱軍隊時帶隊官

行舉刀禮馬兵陸路礮兵右抱刀步兵工兵輜重兵注目致敬凡軍隊停止行禮以距受禮

去五步號兵鳴鼓號統制鳴一響至於本管標營隊各官簡閱時與鎮協禮同但不鳴鼓號

餘官參用軍隊相遇禮 四凡軍隊操演時倫督撫總統將至操場須令號兵鳴號暫時止

操行軍隊停止禮統制統領將至操場須令吹號吹帶以下暫時止操行立正禮總指揮官

上前面稟所操各事宜若無特令禮畢仍舊開操長官來時如向在演礮場工作操演值歇

操各事宜立禮畢仍舊開操 五凡軍隊在野外操演戰鬪隊伍已經展開或在礮臺內操演礮時不論

與軍隊長官相遇均不行禮即本營長官至亦祇稟陳操法不行禮 六凡值班岡兵對長

官上等官至管帶止暨佩上等寶星以及帶隊前來之官持槍者行舉槍禮持刀者行舉

刀禮對無官長帶領與不帶軍裝小排隊并本管及外營下級各等官均行立正禮行軍宿

營時岡兵行禮亦同另有 七凡守望兵對軍隊行立正禮其帶隊前來之官答以舉手禮

八凡守望兵應站立之處倘有長官及帶隊前來之官已至六步內者行注目立正禮持

刀槍者仍行舉刀舉槍禮至於守望兵對弁日祇須立正對兵丁祇須注目勿庸舉刀舉槍

九凡軍隊排立儀式於舉行祭典之處除祭典應行禮儀外概不行他項敬禮

注目禮節 凡官兵見長官無論向前向左向右看均須振奮精神以兩目切注長官視線不准稍有斜睨及俯視仰視等弊

立正禮節 凡官兵無論行走與站立時皆以右足為主立正時將左足收回兩足跟靠攏足尖向外如八字式相距之度須在一直角線內兩髀挺直兩膝蓋後挺肚腹後縮胸向前挺兩肩宜平兩臂從容下垂兩肘微彎兩手微向外張無名指小指平貼膝下不可太緊頸挺直頭端正下頰向後收切不准搖動偏倚必須正而且穩斯為合格

舉手禮節 凡官兵舉手行禮右手諸指靠攏將食指中指加於帽之右邊手掌向前舉肘齊眉注目敬禮之人又有握手禮節與舉手相類者其法以右肘稍張從容伸開把握相見者之手並與其目正相注視設相見者著手套行禮者亦可著手套相握惟遇領袖官及長官須俟其伸手然後伸接勿得先作握手勢

舉刀禮節 凡官弁由右抱刀式行舉刀禮須先用右手將刀直向上舉刀身平面對準鼻端護手齊肩肘貼己身然後刀向下伸手與刀斜向外撇刀尖下指手掌向上右手腕離右

股少許向長官注目直視俟長官行過仍舉刀向上再行下落歸右抱刀式至於目兵行舉刀禮由抱刀式易舉刀式行至護手齊肩止以示區別

舉槍禮節 凡目兵雙手舉槍用右手將槍攜至胸前槍正面向後同時用左手握表尺下食指齊表尺座下端拇指伸直靠表尺旁左上臂夾緊下臂向前右橫平右臂向下左斜伸中箍與嘴齊槍筒對準鼻端上下豎直不偏不倚乃爲入殼

一 北洋常備兵第一次退伍改爲續備兵條例

帶送條例 一常備目兵退伍時由官長帶送回籍途中休息飲食及住宿處所皆由官長主持各兵不得自專 二各兵退伍通發本月正餉下一月即照續備兵餉章給發回里時由帶送之員請領川費每兵每日給銀一錢 三沿途有患病不能行動者由該地方官備車載送歸帶送之員付價 四在途有滋擾情事照軍法分別嚴懲 五護送至本籍交該駐弁及地方官點驗 六目兵退伍時將現穿官發軍衣及自製軍衣由本營驗明均於裏面打蓋戳記以便考查

駐弁條例 一各處駐弁名爲隊官現無常備兵退職之員充當擬先在排長司務長內挑選年齒稍長或身體稍弱或兵學略遜者酌量委用每隊官五員即選派管帶一員節制一

切 二隊官駐各州縣管帶駐各府直隸州治及適中大縣地方以期有事調遣易於聯絡至各官薪公及書識護勇伙夫悉照常備軍制減成開支另有詳章 三每州縣官兵百名以上即派一隊官管轄有二百名以上者即加派一員不及一百名者酌量并管若并管縣分過多即酌添排長一員適中分駐幫同隊官料理 四各府直隸州統計屬內所有續備兵區即按縣依次編爲第一第二等隊以次遞推 五官兵月餉由餉局籌發每月初一發餉一次由隊官會同地方官按名點給若謀業遠出或有故不能親到者須先行稟明准其父母伯叔兄弟妻子持執據代領 六各兵所需軍裝槍械由各府州縣會同兵官按所屬兵數稟請彙存州縣各庫歸地方官保存歸隊官經理檢查 七每年操法由教練處議定頒發通知各隊官督率操練合操時另行派員教導 八地方有彈壓緝匪等事若該處兵力不足准由地方官會同隊官調遣續備兵其有執業難離或住址稍遠者隊官須詳察情形慎爲調集至各兵調差津貼每日發銀一錢由地方官籌給 九各縣招募常備兵及發每屆贍餉各隊官幫同地方官照料並遞寄常備兵家書等事 十常備軍遇有緝匪該隊官應幫同查辦若續備兵有先未稟明查無下落者准隊官及地方官稟咨管帶轉稟兵備處照常備逃兵成案查緝 十一目兵退伍回籍後均係散處頭目無約束之責一律關領

減餉銀一兩惟調操時仍司頭目之事臨時如有事故由隊官在正兵中選拔暫充 十一
每年調充令九月宣布至十月初一領餉時調集如有臨時不到者由隊官知會地方官傳
集罰辦 十三會操各兵皆住帳棚每哨柴草價照步隊定章發給一月各棚伙夫就近傭
傭

續備兵條例 一各兵所謀何業及寄居何處或由某處遷徙至某處皆須於十四日內稟
明隊官分別轉稟註冊倘距原籍較遠至千里以外調操之時情願在客遊地方與續備兵
會操者於每年六月內稟報本籍隊官申報兵備處分別知會始准在彼會操並發給應加
整餉若所在地方尚無續備兵者仍回原籍不得規避 二調操之月每兵身有重病或有
婚喪事故者應先稟明查實豁免 三各兵謀生不得投入他營兵籍若聘為學堂外場教
習及他營官長者須稟明核准方可往就但仍供續備之役將來遇有戰役仍歸常備兵調
用 四各兵在籍實業及長年旅行或有殘廢病故等事由管帶按季分報本鎮統制及兵
備處轉報督練處存案 五目兵在籍凡有免徭倩抱各項優待一如在營時地方官格外
保護 六各兵與居民因細事涉訟由地方官會同隊官審辦其情節重大者由隊官革交
地方官按律擬辦分別稟報 七各兵所犯有涉軍規者悉按軍律辦理 八續備兵如回

籍之後仍願回充常備兵者即照常備退伍法第八條辦理 九續備兵在籍如有結黨立會罷市抗糧窩娼局賭包攬詞訟武斷鄉曲等各過犯均照平民懲辦

各州縣退伍目兵如下 開州八十八名曲周縣六十五名深州六十四名大名縣五十六名元城縣五十一名安平縣四十七名饒陽長垣兩縣各四十二名正定獲鹿兩縣各四十一名清豐東明兩縣各三十八名廣平縣三十七名邯鄲縣三十三名栢鄉縣三十二名武強縣三十一名甯晉南樂兩縣各二十九名雞澤縣二十八名趙州二十五名成安縣二十三名磁州高邑各十六名永年臨城兩縣各十三名平山元氏兩縣各十二名樂城縣十一名隆平贊皇兩縣各九名井陘縣八名冀州二名晉州河間武邑三處各一名以上共三十五州縣退伍目兵一千名內副目九十五名正兵二百三十五名副兵六百七十名

兩江督練公所分科治事條目

兩江改練新軍現擬分爲三期次第舉辦此所定分科治事條目則合全局而籌之固非第一期所能辦到即第三期亦恐有不能辦到者懸此目的以待推求得寸則寸得尺則尺庶免臨渴掘井之誚然即此所懸目的恐未至第三期又更有新理新術要在因時而變通乘

勢而利導固非一言所能蔽其分科大要兵備處得六科參謀處得四科教練處得三科云

兵備處

一蒐討科 專司馬步礮工各軍隊編制等事 附屬軍隊內務等事

所以設科之原因 欲定兵額之多寡須視人口歲入之多寡本國之地理政略及鄰國與列國之兵力政略尤與編制時有密切之關係東西各國無不以此五端爲立軍之原則我國人丁繁盛如行徵兵之制決無滅殺生產力之慮惟舊日募兵不能盡去因而編改亦宜籌所以互爲乘除之法至於歲入枯竭必不能供強大之軍備不預計之將恐已設之軍備亦無以維持是開首兩大問題已不易經營其他更不待言矣此蒐討科亟須建設者 至於軍隊內務其大綱約分數端曰官守曰營規曰軍體而所以維持此數端者則有服從之義布告之則皆不可不講求者數端之外如醫務如兵律如馬政雖各有專司之事體而其中關於軍隊內務者亦多無論爲官爲兵均當守之無敢隕越於以通上下之情辨等威之分無指揮之不當無號令之不行所以整飭軍人之精神造養軍人之性質者咸在乎是故附屬焉

本科應行之事例 一實行新定陸軍軍制及就地徵募之法 與參謀處運籌科會商 二實行動員計

軍事

二百二十五

乙巳

畫及補充召集退伍等事 與參謀處 醫科會商 三籌計戰時應增官弁軍士及訂立國內戒嚴章程

與參謀處 醫科會商 四籌訂軍隊增設遷併一切布置事宜 與參謀處 醫科會商 五擬派經理製造醫學各

科員弁學生出洋游學考察事宜六考訂軍議軍體服制徽章等事七考訂軍紀軍規等事

八考查各種兵隊步馬礮工輜重要塞軍樂庶務九預儲堪勝各種兵隊步馬礮工輜重要

塞軍樂將領弁目人員補充之用 與參謀處 醫科會商 十籌定各軍隊操場打靶場野操大概地段

位置地勢 與本場 醫科會商 十一實行開通水陸道路等事 與參謀處 醫科會商 十二訂立要塞衛戍附近

禁令十三籌定一切輸送器具及雇夫章程十四籌備軍馬並徵發章程

二經理科 專司各軍糧餉裝服等事 附屬建造等事

所以設科之原因 陸軍經理乃國家經理中之一部其簡於國家經理者只計畫其陸軍
消耗之法而無與於經理生產力也其意義有二曰廣義經理曰狹義經理。義經理謂凡
欲達陸軍之目的其中百般作用以及祕密運動等費其體大其思精今且不得言之試言
其狹義經理則如預算定額金而定供給法或據無計經理法律或據徵發令或據國際公
法而行調整軍需品之法而一切金錢被服糧秣給與之事與夫所以保存軍需品之規則
無一不當研究而慎行之此經理科亟須建設者 至軍營中修補土地及建造物並其新

築增築改築改式各工事與購置土地之類亦經理之一端故附屬焉

本科應行之事例 一預算各軍定額金於半年前表上之總制大憲行司局籌款二軍需

用款有溢過預算額或出預算外者隨時詳請籌款三會計應採辦軍需品之平常工事及

特別非常品或由本處或請諸司局他處各隨舊業行之四當戰陣與事變演習時有應行

徵發令而定給與價值不能徵發之物件而定區別之事例與參謀處商五經理征戰時應

設之集積場事例六籌議補充兵站地糧秣被服等事七行軍需品保存之事例八行軍需

品給與之事例九考核各軍隊局所學堂公用存儲款項等事十記載各軍隊局所學堂經

理糧餉人員履歷銜名並預儲堪勝經理糧餉人員備補充之用十一籌備各隊乘馬及學

習釘掌工長人員等事十二凡輪船帆船鐵路郵政電信及一切有關轉運等事須與各該

局所商定運送章則與參謀處商十三擬定演習賠償章程十四管理各軍隊局所學堂營

壘應用地基及建築房舍操場打靶場等事

三考功科 專司各軍升降調補差委等事 附屬恩賞等事

所以設科之原因 各國軍制凡隊長以上者謂之將校由學堂出身者任之隊長以下者

謂之下士由上等兵卒中有下士之資格者補之我國軍興以來統兵各官大都由行伍出

身近日改練新操始用學堂畢業之員當此過渡之時新者既不敷用舊者又難盡去自應遵照練兵處奏定章制大加甄別遇有官弁出缺先儘學堂出身及曾帶新軍能教新操者選充不出數年官弁自皆習知兵學而無濫竽之員矣此考功科亟須建設者。至於恩賞則分二端一爲獎賞以之獎勵技藝優嫻之官弁一爲卹賞以之存卹病故傷亡之官弁皆所以鼓軍心而作士氣也

本科應行之事例 一考核各軍員弁升降調補差委定俸等事二核辦敘勳記功獎賞及卹賞傷亡銀兩并註冊等事三彙報各軍員弁詳細履歷各冊籍及戰時職員表四記載各軍員弁請假銷假等事

四執法科 專司各軍刑法懲罰等事 附屬軍機保護法

所以設科之原因 爲軍人者於臣民分上應受普通刑法之約束外更當受陸軍刑法之約束蓋陸軍刑法所以維持軍紀保護軍隊也故必立爲嚴刑峻法示以不可犯而後可以保全其精勵服從之精神振起其堅忍不撓之志操而平時以克盡義務爲心臨陣自有奮不顧身之概其旨趣與普通刑法迥不相同此執法科亟須建設者 陸軍刑法所以待軍人而於常人則未之及且於所以保護軍事之祕密尙多遺漏因以保護法附屬焉

本科應行之事例 一據奉行令典編陸軍刑法並陸軍懲罰令暨軍械保護法二考核各軍執法官審辦案件三考訂軍獄辦法彙記監禁開釋名數四彙造各軍員弁記過名冊
五兵器科 專司稽察各軍兵器等事 附屬管轄本省火藥局及特別購辦軍械材料等事

所以設科之原因 槍礮雜亂最爲兵家大忌無論戰地輸送子彈易於誤事卽平日會操亦難整齊故東西各國所用槍礮無不一律者中國則一省一軍之中亦往往歧而又歧此而不加釐剔則雖有精悍兵卒亦無所施其勇力所關匪淺各軍及局所原有之兵器分別挑選擇其同式者配成一標一律馬步礮工程輜重各隊或配成一營一律此爲目前不得已之辦法俟籌有的款卽可使一軍或一鎮配成一律推而廣之卽爲全省一律之基礎矣此兵器科亟須建設者 至於製造局軍械局火藥局悉與本處有密切之關係火藥局現已奉文歸本處統轄自可力圖振興其他製造購辦各項槍礮子彈有當分發各軍者本處亦應考驗其利鈍而決定用舍之策故附屬焉

本科應行之事例 一考察各軍行營及槍礮子彈有不歸一律或廢舊無用者籌議改撥畫一之策二考察各軍領用槍礮子彈有管理不合法度致令損失責成賠修等事三監造

營局存發修理各種槍礮子彈火藥數目表冊四管理本省火藥局製造火藥及特別奉飭購各種軍械子彈材料核議數目價值等事五本省製造局軍械所一切製造購辦分發各軍之槍礮子彈應考驗其利鈍而商定用舍之策六考核各國新出槍礮條列其精拙頒行各軍以爲日後改良之地七購儲各國新式槍礮子彈陳列一所與各軍將校講求其製造之理法

六醫務科 專司各軍醫藥等事 附屬衛生等事

所以設科之原因 考察各國戰史死於疾病者每較死於鋒火者爲多近今日俄之戰旅順俄兵咸謂天災流行烈於十二英寸口徑之礮彈故雖餉械充足而醫藥缺乏卽難以支持醫務一端實爲軍中重要之事堪勝軍醫人員尤宜預爲儲集並籌訂教育之法以期改良進步此醫務科亟須建設者 至於住居飲食衣服及身體之衛生醫藥傳染預防法軍人在營之時均宜講習以冀平戰兩時可以應用故附屬焉

本科應行之事例 一考查軍醫獸醫事務二記載軍醫獸醫人員履歷銜名並預儲堪勝軍醫獸醫人員備補充之用三籌訂衣食起居飲水除穢衛生之法四審查防疫療病方法五考核衛生表冊及軍醫人員學術程度六考查整頓軍醫學堂及各軍病院獸醫學堂等

事七籌備衛生藥料醫具八彙核各軍查驗身體表冊九籌備軍馬餵養之法十查核因公致病例應恩卹者及因廢疾免役等事十一籌設紅十字會事宜十二籌畫戰時分遣醫官隨營料理衛生安置受傷弁兵等事

參謀處

一運籌科 專司機動演習動員計畫作戰計畫及命令布告等事 附屬參謀旅行等事 所以設科之原因 各國演習行軍大操均在秋季是為機動演習乃戰機已動所有動作皆本戰法以為操法與演習不同動員計畫者譬如調派某軍開赴某處是為動員令凡軍中餉械裝服等件均有限定時內預備齊全以及用何法運赴某處以免半途為敵所阻皆計畫所當盡也作戰計畫則當兩國開釁之時預決進攻及防禦之策或在某處決一大戰並料定戰役之結局其命令布告則為各軍動作發縱指示三端如徧傳各軍則為尋常命令密布某軍則為秘密命令有時命令失當而全軍趨向皆歧因而失機偵事所關綦重此運籌科亟須建設者 至參謀旅行就其小者言之所以隨地研究戰略戰術為異日參謀之選就其大者言之所以偵探各國軍政兵力及防備情形為異日用兵之計故附屬焉 本科應行之事例 一遵奉頒行軍制籌議陸軍改革之事併籌畫目前就地募兵之法為

將來徵兵之準備與兵備處寬 二籌定動員計畫及軍人補充召集退伍等事與兵備處寬

三預查江防海防及要塞地帶布置扼守等事與教練處要務處 四預定作戰計畫及戰時

規則戰時國際公法等事五區畫作戰時布告戒嚴之事六為鎮定土寇宣布命令於其地

之司令官等事七預定每歲秋季特別大演習計畫並演習地段等事八斟訂各種命令布

告之一定範式以期各軍一律適乎戰用與兵備處寬 九執掌各種命令布告諸事如平時

特別大演習諸方畧報告並檢閱各軍之報告及戰事之訓令報告之類十派遣參謀將校

旅行國內察看本省險要以定各軍駐屯地方及兵力配布並考察各省軍隊之編制學堂

之教育以期互相提撕逐漸改良使全國一律不致互有參差自為風氣有時並得派員旅

行各國察看各國之新戰學理採其精液以圖將來軍事之進步十一考查鄰國及有關係

之列國內治外交政畧及各國軍政兵力防備與夫行軍地理運道輸送情形

二嚮導科 專司通省交通道路及沿江沿海形勢險要等事 附屬戰時後方勤務等事

所以設科之原因 兩國之勝負興亡定於平時而非定於戰時也視乎水陸路程輪船鐵

路電信各交通機關之通塞靈滯與否又視乎沿江沿海形勢險要之熟悉與否孫子曰不

知山林川澤之險者不可以行軍不用嚮導者不足以盡地利自古及今未有不重嚮導者

此嚮導科亟須建設者 至作戰之時後方沿途兵站人馬兵器糧餉被服補充運送等法均爲後方勤務拿破崙之敗於墨斯科也因未計及後方勤務止期因糧於敵一遇堅壁清野之策而全軍瓦解東西各國有鑒於此故視後方勤務與前敵軍務並重蓋恐輸運斷絕雖前敵利勇不能支持矣故附屬焉

本科應行之事例 一考察沿江海形勢險要之區二考察本省形勢以定幹路支路之基線而改修增築之務期便於行軍運送及召集補充等事三考查輪船帆船鐵路郵政電信及一切有關轉運等事並與各該局所安定運送章程與兵備處經理科會商四研究戰事後方勤務事宜如運送兵員馬匹兵器彈藥被服糧秣金錢之法及兵站線守衛之方野戰軍在敵國徵發規則等事戰時交兵備處經理科實行

三檢閱科 專司檢閱各軍利弊得失等事 附屬實地觀戰等事

所以設科之原因 檢閱者不獨檢閱軍容軍陣及野外演習已也蓋軍容軍陣不過形式上之事有形式而無精神雖平時進退動作整齊可觀迨一臨戰地非壅滯不靈卽紊亂無序故檢閱之事於精神上之利弊得失較之形式上之利弊得失尤須加意凡軍隊法律之張弛官兵服務之勤惰兵事教育之精粗人馬器械裝服保育之良否並出戰整備之事條

例規則施行之度皆宜詳加校閱以爲改良張本此檢閱科亟須建設者 至各國兵學皆有特異之點與他國迥殊而又極其祕密者此非學而知之也蓋由平時檢閱既詳且悉復於觀戰時實地考驗以一己之學識評斷其戰畧戰術戰鬪之利弊得失編爲意見書久之聚各人之心思才力薈爲一種之參謀書世界各國每當大戰之後其軍隊皆有改革其改革之要點皆觀戰者之心得也故附屬焉

本科應行之事例 一檢閱各軍隊教育內務並軍需品之保存出師之準備二檢閱陸軍各學堂辦事人教員及學生之勤惰並一切教育方案之良否三本科應分爲定期檢閱特別檢閱兩端定期檢閱歲有常期大率皆會同教練處訓練科辦理特別檢閱則隨時隨地自爲之四檢查各軍駐紮地段情形卽就本國鄰國及有關係之列國外交政畧隨時考核增設遷并五各國遇有戰事派遣高級參謀將校親赴戰地觀戰實地研究軍事

四測繪科 專司測繪全省地形等事 附屬遴選學生學習測繪等事

所以設科之原因 凡攻守作戰計畫全憑精細地圖以爲指揮之助日俄未戰之先均將東三省山林道路險易遠近詳加測繪故日軍既善於攻俄軍亦善於守我國幅員最廣而無精細地圖以爲考證蓋不獨不能用兵也卽野外演習時亦復如盲人瞎馬矣此測繪科

亟須建設者 至測繪一事至繁極蹟非三數人所能辦應於本科附設測繪學堂及測量隊學成時便可派赴各處以資臂助故附屬焉

本科應行之事例 一測繪兩江明細取用地圖二繪畫修改兩江山川道里都邑要塞各圖三刊印各項普通應用地圖要塞附近詳細地圖五千分以內地圖及特別詳細地圖等均係祕密地圖繪就即交嚮導科藏置不得刊行出售四測量地圖遇有道路市街村落森林道里之險易遠近及人口之多寡軍需品之有無均須一一附表列入圖後以供行軍徵發備戰之資於軍事祕密無關涉者摘出會同嚮導科編纂地誌五管理測繪學堂測量隊課習算數測繪之學六管理刊印各種軍用地圖并發行地圖等事非經參謀處許可不得私售

教練處

一訓練科 專司步馬礮工輜重各軍訓練等事 附屬監察要塞等事實 所以設科之原因 各國步隊訓練之責均屬之師團長現在江南各營尙未成軍成鎮操法又德日并用若任其自爲風氣斷難期齊一進步故於馬礮工輜之外兼及步隊以爲整齊操法之總機關凡各軍隊教兵之法其未能齊一者必求有以齊一之其未能進步者必

求有以進步之至步馬礮工輜重五門遇有關乎本門事項統由各員調查之研究之審議之而列爲成案以掌管之此訓練科亟須建設者 至於要塞者乃增加一處之防禦力而保護緊要之地點也且游擊之師亦可以爲根據地實陸戰及海戰之樞紐故附屬焉 本科應行之事例 一遵奉頒行操典教範傳布各軍其有爲頒行所未及者並隨時編纂上之總制大府鑒定傳布二考訂各軍隊日兵逐年教育課程三會商教育科考訂各軍隊將弁教兵之法度及隨營學堂教育事宜四考訂教習各軍隊昇送病傷之法工匠之法號兵之法五考訂各軍隊打靶擊劍及體操之法六考訂各軍隊演習行軍七會同參謀處檢閱科於定期檢閱時考訂各軍隊教法操法戰法及兵馬器械比較優劣核定分數呈請分別勸懲八考訂馬隊步隊及各隊傳信之法九考訂工程隊專門工程及各隊應用工作十考訂馬隊及礮隊輜重隊訓練馬匹及釘掌之法十一考訂馬礮工輜各隊專門學藝章程十二考訂要塞礮兵一切教育之法十三會同參謀處運籌科計畫改良各礮臺位置火路及後路之交通側面之保護魚雷水雷之布置十四會同參謀處測繪科測繪各礮臺形勢險要

二教育科 專司陸軍各學堂章程辦法等事 附屬儲集陸軍畢業人材等事

所以設科之原因 軍人者將校下士兵卒等之統稱也各國章制大率國民皆兵其中有常設兵在鄉兵之分常設兵即爲在鄉兵之幹部而下士又爲常設兵之幹部至於將校則終身服陸軍之役又爲下士兵卒之幹部必須授以陸軍高等學問方稱其職日本軍隊教育向爲一般教育特別教育兩項一般教育乃以養成下士兵卒之材特別教育則於教育順次教令外據特別規則練成士卒可充幹部及特殊之任務者今當次第仿行之至學堂辦法大別有二一曰培養幼年由小級中級而遞及高等循序漸進以期學有本原一曰陶鑄宿將遴選畧通文字之將弁授以陸軍中緊要之學術以期速成將材此教育科亟須建設者 陸軍各學堂畢業人材現在雖不乏人而散之四方者亦復不少國家歲費無限金錢始得教育有成而置之閑散聽其荒廢遂於軍事界上毫無補益豈不可惜現當整頓伊始需才孔亟凡各學堂畢業之員必須聚之一所研究各種學術以備錄用故附屬焉

本科應行之事例 一考核改設陸軍中小學堂及講武堂武備學堂章程辦法二考核陸軍各學堂教育事宜及課程規則畢業年限三考驗陸軍學生及畢業學生並遴選學生分往東西各國留學陸軍等事四稽查陸軍各學堂購辦圖書儀器等事五經理陸軍各學堂延聘外國教習訂立合同等事六儲集陸軍畢業人員研究兵學並預籌出路等事

三編譯科 專司編纂陸軍各專門教科書 附屬繙譯各國陸軍各專門參考書及編纂軍事報等事

所以設科之原因 陸軍之學總分五門其功用不同性質不同教育之法亦不同故欲改良陸軍必須有爲全省陸軍各科之準繩者方不致有相歧之弊即所謂步馬礮工輜重各操典教範等書是也惟是專門之學言之匪易必須曾習步馬礮工輜重各科之學者悉心研究參酌時宜輯而成書頒發各營爲各科之準則庶他日召集全省之兵弁如出一人之教授乃能使血脈相通而收指臂相助之效現在練兵處尙未頒行操典教範等書自不得不先爲編譯此編譯科亟須建設者 至參考書則又爲各專門之輔助各國陸軍互相雄長各專門之學亦日異而月新往往有新出一書閱異日而成舊迹者若但守數卷教科書以爲新法則孤陋寡聞終必有望塵莫及之歎故必羅各國之新書參各國之得失庶知已知彼舍短取長可收改良進步之功其軍事報則有二大端一國內軍事一國外軍事國外軍事者凡各國政畧之雄長兵力之加增教育之進步兵器之改良軍人精神之奮發咸登報端以爲龜鑑國內軍事者凡各軍之積弊則從旁警戒之軍人之功績則大書表章之新器械新章制新戰理則爲之發明之養軍人之氣質廣軍人之見聞必能於軍事界上放

一異樣光彩故附屬焉

本科應行之事例 一繙譯各國兵書及各國陸軍教育訓練章程並與軍事有關之文冊
二會同參謀處運籌科編纂軍制兵畧及中外戰史三會同訓練科編纂操典教範及目兵
應用教科書四編纂參考書及軍事報軍事雜誌五凡本省學堂及民間編譯之陸軍書籍
本科須留心積集有不合教程者宜科正而布告之以免貽誤無學之軍人

各省軍事紀要

京師 八旗火器營兵丁現已改練洋操延聘教習數人分班教授

安徽 鹽鼻頭目陳老五黃金龍等由蘇省高寶湖一帶轉竄至皖縣擾天長盱眙一帶州縣勢頗猖獗皖撫誠果帥已派澄清水師營準備往剿

湖北 松滋公安及湖南澧州交界之祠堂崗地方有匪首陳竹廷等嘯集匪徒揭竿滋事松滋公安兩縣飛稟督轄當奉電飭荆江沙防各營迅往鎮撫旋將匪首陳竹廷拿獲就地正法匪黨解散地方漸就安靖

四川 甯遠府蠻夷蠢動大有出巢之勢川督錫清帥特委高太守培焜率領常備軍前後兩營前往查辦詎該軍出省即紛紛逃散迨至打箭爐逸去大半哨官畏罪偕亡者數人失去快鎗八十枝并子藥甚多云 川督錫清帥奉 諭收回廢地贖對藏員及番衆不服遂謀抵抗泰凝寺喇嘛尤爲不法造言煽亂並阻開打箭爐屬金礦該廳派員開導竟被槍斃弁勇多名復派都司盧鳴揚帶練前進盧亦爲其所殺川督聞報一面咨令川提馬軍門率部馳往爐城相機攻剿

軍事

二百三十九

乙巳

一面電奏請 旨剿辦旋奉 諭飭駐藏幫辦大臣鳳星使全就近查辦星使乃率隊勇赴瞻諭藏員詎土番突然圍攻隊勇寡不敵衆傷亡殆盡星使遂受害並慘遭支解云 又巴塘墾務委員吳旺珍榜亦被土番所困勒令速呈降文廣西 正月中旬股匪覃修鋼約百餘人由磨盤山竄至杉坪地方焚掠慘酷並擄去婦女十餘人後復竄至秦城堡經駐紮寶壇墟之湘軍忠字前營偵悉立即往截匪不敢交鋒回竄三防之清水塘行至馬峽地方猝與忠字後營相遇官軍對之轟擊殲軍匪於陣前並斃匪黨數十人餘匪無多四散逃竄救拔被擄婦女分別資遣 又土匪頭目呂雙全勾結游匪梁老四一股約二百人在三防猿寨與峒一帶擾亂正月下旬經湘軍忠字副中營前左兩哨約會照字右營中左前三哨會剿之於與峒之喇馬山匪礮山抗拒官軍兩路進攻擊斃前鋒悍匪二十餘人匪始棄險逃走各哨弁營隊追剿直至鄧峒將呂雙全章阿肥周添財等匪目擒獲沿途擒斬十餘名二十七日湘軍忠字副中營兩哨跟追梁老四一股追及於吉洋地方梁逆嗾衆回關兵匪相持忽又來游匪百餘人撲攻湘勇之後幸照軍右營三哨繼至奮擊匪股紛紛潰敗又陣斃悍匪三十餘人餘匪逃向盤容等處而去 二月初旬湘軍忠字新勇中營右哨往羅城三防分縣所轄之北山坪清鄉訪悉有匪股約五六十人由黔邊竄來伏匿黃峒該哨弁營隊進攻放槍數排匪由峒後逃竄哨勇追擊沿途擒獲匪黨劉意吳六周得才等三名擊斃四名餘數十匪奔入大仁岡深巖中伏匿大隊追及排槍轟擊復將匪匪全行聚殲 又匪首賴子阿滿即江成一股攻掠北山坪之大覽村值照字左營後哨勇隊清鄉路經大仁江聞警趕至匪黨惶懼逃避照軍跟追十餘里追及產坪匪登山拒捕照軍奮擊仰攻槍斃悍匪十餘人江匪亦中彈倒斃餘匪狂竄四散 柳陽游匪以軍四陣軍四球兩股爲最大且悍各統千餘人擾掠各處經主客各軍圍剿數次均突圍逃去二月初間在馬平縣境大扒地方經柳防湘軍各營圍困鏖戰一晝夜又被兎脫竄逃現匪勢甚熾尙難撲滅 柳城縣屬北鄉

匪首賈仁才爲匪五年柳城羅城兩邑均受其害近經忠字新前營袁管帶明翼派哨弁蔣鳳廷將其誘獲解交該縣王大令訊明正法梟首示衆 以上柳州

女匪袁三嫂狡悍異常蹂躪右江各屬兩年之久近在貴州邊境蒙哨地方經張統領得貴追擊圍之數重始將該女匪擒獲解至慶遠府城經王太守訊明後凌遲處決傳首慶遠等府州縣示衆 又匪首沈二於二月初間在三李地方經爲榮軍派緝弁勇所獲送請右江道龍觀察訊辦歷供攻犯城邑抗拒官軍不諱業經正法傳首慶遠示衆 以上慶遠

思恩府屬武緣縣貧瘠多盜近因駐防官軍他去匪股復來該縣羅大令雖派親兵會圍剿辦而所用哨弁及團紳均不得力致闖境土匪勾結外來游匪嘯聚焚掠竟有二十餘股之多近經大吏查悉先將羅大令撤任復飛調衡軍各營迅赴兜剿云 以上思恩

梧州藤縣寶家寨二十八都地方三點會匪首黎阿輝牟七等勾結匪黨約期起事附近村民多相附從有紳某赴藤邑稟知情形該縣羅大令立率親兵二哨并約會梧防營一哨調集團練百名馳往掩捕計生獲三十餘名擊斃拒捕之匪多名搜出私藏軍器數十件首惡就擒 以上梧州

巨匪黃和順之黨百餘人潛回宣化縣屬之順清圍地方被該處團練偵悉連夜圍攻拿獲匪黨十餘名解至宣化縣署訊辦內有一匪係黃和順之兄並稱僞先鋒訊明後即行正法 以上南甯

日俄戰事紀要

鐵嶺開原戰

鐵嶺位哈爾濱遼陽之中間日俄開戰之初俄人即就其地經營一切以爲兩地之機關迨日軍薄遼陽逼沙河俄人恐

不能支復於該處添築防禦工事以爲萬一失守退步之地未幾遼陽奉天果相繼陷俄軍不得不扼鐵嶺以阻日軍然而新敗之師豈足以當累勝之卒方日軍之由奉天而北也殘敗俄兵沿途降服者紛紛不絕由是日軍各隊長驅北進二月初七日抵蒲河初八日達懿路初九日梅澤秋山兩枝隊協擊俄軍於范河右岸敗之而佔其地初十日更追俄兵田茨榆臺北方高地即能俯瞰鐵嶺全部時梅澤枝隊出沒於八里莊附近期於十一日聯合各隊攻奪鐵嶺彼時俄軍左翼猶據塔山高地安置大礮三十餘尊更於平原一帶穿鑿壘壕其右翼之車站附近亦列大礮六尊猛向日軍轟擊日軍與戰至晚俄軍礮聲漸寂至九鐘日軍追騎偵探不意俄軍已乘昏夜潛遁翌日黎明日軍先將車站佔領各隊繼入市街遂將鐵嶺全部佔領是役也俄軍退時破壞北交河鐵橋並焚燬軍需各物惟倉猝未盡大半爲日軍所得並有將校二員兵卒等三十餘名同爲日軍捕獲俄軍既失鐵嶺北退而至開原日軍復派步兵一小隊由深橋中尉指揮前番攻取十四日夜半一鐘自中固鎮本道拔隊前往途中無一俄兵抵抗直入開原至天明後始聞後面礮聲蓋係秋山三岳兩偵探隊途遇俄兵與之交戰追擊退俄兵而入開原則步兵已先彼而在是亦間道出奇之一事也十五日上午十鐘俄步兵約三中隊馬兵五六十騎來襲開原其數殆多日軍數十倍然日軍登陴守禦絕不稍假未幾秋山枝隊之大部隊及三岳枝隊先後來援始將俄兵擊退前田枝隊自開既得開原之耗亦即派兵往援於是日軍之佔領開原勢遂益鞏固矣

中立彙誌

中國 駐滬俄總領事以奧斯科維總醫官患病回國商請江海關道袁觀察照允袁觀察稟奉外務部電示有患病屬實可能回國等語日領事之即致函力阻略謂醫官雖非戰國員亦在約束之列不能任其去留且該醫官既經派醫驗

明其病何以未將脈單抄示現在波羅的海艦隊將來各逃艦員弁水手人等亟須格外嚴防云云 駐滬日總領事照會江海關道袁觀察略云頃奉本國外務大臣電諭在滬俄艦與斯科希圖逃逸應迅行照會滬道嚴加防範阻其出口所有防備不周以致牽起事端其一切責任應由中國擔承日本政府或為自行保衛起見舉辦必要之措置亦為難料合併聲明云云旋袁觀察前往俄艦查勘一切情形即電請江督周玉帥示機酌辦江督諭飭南琛鏡清兩兵輪停泊俄艦附近監察如確有圖逃迹象即行報知以便相機因應並飭令在滬之南北洋兵輪及吳淞砲臺統歸葉軍門祖珪節制以一車權云 駐滬日領事又致函江海關道略言近聞俄艦與斯科希圖逃逸各機位各種機具由廣東路英商某洋行承辦查該艦原有配修機器等事貴道復函均稱毫無影響今已查訪確實事關大局亟應函告貴道迅速飭查將該船新購之機位各種機具一併充公為要云云 駐華日使照會外務部云現查得拘留上海之俄國滿洲軍艦確有欲乘機逃出與波羅的海艦隊合併之意且已儲有煤油二千噸請速為禁阻故外務部已電致江海關道設法查察 日軍自入遼陽後即將該州徐刺史拘去又城中宗室紳士被拘者共十一人紳士被殺五人又海城縣王大令亦被拘去並徐刺史均解於青泥窪監禁後又押解回遼而囚之聞此事緣起因日人疑此數人暗與俄人通信所致云 奉天開原縣范高也大令當俄軍退出開原為日軍追擊之時父子二人皆為亂軍所殺 日軍在奉天會拘華官十三人外近又拘去交涉局總辦徐鏡第候補府查富璣銀元局總辦朱雲錦候補道王頤勳等四員迭經外務部照請日使釋放日使以中國須自行將該員等嚴加議處始允概行釋放仍責成奉天將軍看管以便查核議處云 懷德縣廖大令前被俄兵擄去歸至吉林始行釋回 吉林富將軍電告外務部云大隊俄兵由黑龍江侵入吉林強占將軍都統等署並強奪電局濫伐森林請切實詰問俄使並商定辦法等語外務部當遣聯侍郎芳詣俄公使署從嚴詰問乃未數日富將軍等又

軍事

二百四十三

乙巳

有急電致外務部略稱日來俄軍又將糧餉輜重輸運進城屯集各處局所廟宇甚多并調兵隊佔據四門極力布置設防備敵其意將以省城爲戰守之地務請設法阻止挽救危局云云 又疆撫潘效帥伊犁馬將軍等致電外務部略云俄兵約三百名由伊犁侵入迪化府屬之綏來縣與該處居留俄人互相聲援脅迫同教士民令起衝突該縣知縣勸撤不允請示處置之法云云外務部因即電命駐俄胡星使逕與俄政府交涉一面由外務部那尙書桐聯侍郎芳往見俄使嚴論此事 上海俄水手阿那夫斧斃甬人周生有一案自經盛宮保將此案全卷咨送駐俄胡星使向俄外部力爭後已得允照八年監禁並作苦工之律定議業由胡星使電知外務部云 庫倫辦事大臣延都護電致外務部略稱自二月初十以來屢有俄人自恰克圖轉運車輛來庫不服查驗當經商駐庫俄領事禁阻不料近日來車更多請照會該使飭禁等云業經外務部照會俄使核辦 保定日商擬將黨籍兩萬製運往東三省爲署臬司訪獲以有犯中立條例全行充公 日本軍官在新民府設立軍政衙門有違初議已由外務部照詰日使請電致軍官撤去以免俄人藉口全我中立 奉省俄兵敗北後直入蒙古界蒙王以局外之地俄兵不應闖入飭將軍械留下出境否則即以敵人相待俄人不得已將二千人槍械一律留下蒙王始飭兵隊送之出境 駐華俄使請於盛京以北限定戰線以免生靈塗炭並請外務部知照日本公使云 按中立界本只定遼河以西新民屯以南之地今以戰線移至昌圖以北故定自昌圖通北凡伯都訥以西貝加爾湖以南皆爲中立地 自新民府至奉天向有中國電線因戰被毀北洋派員前往接修詎被日兵攔阻並將員役羈留當經直督電咨外務部請向日使理論

各國 英艦印在斯脫利在大戩山撈救中國沈艦海天而其所以爲日艦捕去者因代俄人送信至海參崴也 那威輪船亨利好耳康載有戰時禁品在北海道爲日艦所捕 英國商船羅司里及黎明頓前爲日艦捕獲已由佐世保裁判所判定概將船貨充公 美政府派巡洋艦拉烈及滅魚雷艇往斐律濱之帕拉文島以保該處之中立業經宣告無

論日俄概不許擅在斐律濱交戰 俄國波羅的海艦隊四十餘艘停泊法屬安南之坎良灣逾期不去日本即行文詰責旋得法政府覆文云自得俄艦行抵該處之電即電飭安南總督嚴守中立並命轉告俄艦隊即離法屬海面除該督遵行外並電請俄政府立令俄艦離出坎良灣近俄政府已允所請即飭羅司諦司溫司開提督照行云云 西貢法員飭令俄艦狄亞那將艦中緊要機關盡行拆卸交與法人存儲

日封軍港

日本自三月初九日起澎湖列島瑤宮之港內及附近之地均作為封禁港口又在該處設立海軍裁判所一所與暫用之海軍監牢云

俄審降將

俄國前旅順守將司多塞爾現經軍政廳審問判斷謂彼不應越分出降當時奉派商議降款者應係斯曼拿將軍云

各國軍事紀要

俄國 本國國會議員願繳戰費美金一百萬鎊請勿徵調芬人從軍遠東俄皇與各大員商議之後允如所請至所缺二萬六千名之兵額另從他處募充 俄欲在瓦爾預征收馬稅致該處人民因而激變卒被擊斃五十餘人 華歷二月二十九日俄皇在柴古薩羅離宮中召見各武員時有偽裝哥薩克軍佐一人混入謀刺當被窺破拿獲搜出懷挾炸彈兩枚 前行刺西治厄斯大公爵之人名科比意夫已在莫斯科判定死罪 俄國南部及中部亂民滋事勢極猖獗已將官立之製造廠肆行破壞專搶掠貴族及業主之產業 高加索省豫備兵近又叛變漸蔓延至格爾斯南面一帶該處汽車為之停止 三月下旬俄國亂民與官兵圍圍哥薩克兵痛擊之亂民死傷甚衆又俄道附近之齊爾利亞班斯

克地方亦有亂事已由伊克特連堡派兵往剿

法國 法國拿破崙黨意圖圍攻總統及各大臣乘此推倒共和政體潛在巴黎郊野預儲糧棧軍衣槍彈等物旋即搜獲並拘住兩人內有大尉一名 非洲北部愛爾其亞國邊地法兵與阿刺伯人互相攻戰阿刺伯人敗竄死傷頗衆

法國立馬溪地方亂事核計弁兵死傷者約二百人其亂旋即救平

希臘 希臘親王佐治以專制治體管理居立島致該處人心不悅招集八百人各執軍器聚於坎尼亞附近之地作為暫置國會推柏不賢那基司為首領且宣言明使該島與希臘國聯合請各國勿以兵力干預此事既而英國派巡洋艦球諾載運英法意等三國兵士開赴雪裏諾斯肇事地方剿辦亂黨旋拿獲十二名回至堪內亞海口解入捕房其時從者塞途均向亂黨藉詞安慰沿途恐有不測派意兵荷槍彈壓

商務印書館教科書出版

初等小學國文教科書

全部十册
陸續發行

素蒙入學茫無知識而我國文字多半艱深往往有讀書數年不能寫一信記一帳者欲教育普及不可不於國文加之意矣近歲廣設學堂稍稍有編蒙學讀本者然施諸實用都未盡合或程度過高難於領會或零星字義不能貫串或貌襲西法不合華文性質或演為俗語不能彼此通用有志教育者時以為憾本館特請通人精心編纂兼聘日本文部省圖書審查官兼視學官小谷重君高等師範學校教授長尾楨太郎君及曾從事中國學堂之福建高君鳳謙浙江張君元濟詳加校訂一字不苟經營數月始成數册陸續出版每册附圖數十幅至百餘幅另加五彩精圖以動學生之興趣書中筆畫生字均有限制按照時令選舉數詞淺而不俗雅而不與自發行以來頗蒙海內教育家稱許銷流至數萬以上再板數次全書計十册備初等小學堂五年間教科之用尚有高等小學堂應用國文教科書亦次第編印本館尤當精益求精以不負海內士大夫之屬望焉

- | | | | |
|----------|---------|-----|-----|
| 第一册 (六板) | 定價洋一角五分 | 第六册 | 定價洋 |
| 第二册 (四板) | 定價洋二角 | 第七册 | 定價洋 |
| 第三册 | 定價洋二角 | 第八册 | 定價洋 |
| 第四册 | 定價洋二角 | 第九册 | 定價洋 |
| 第五册 | 定價洋 | 第十册 | 定價洋 |

商 務 印 書 館 出 版

新 編 國 文 教 科 書

初等小學國文教科書教授法

陸續發行

此書與教科書相輔而行教科書為學生所用此書為教師所用準教授學之階段按課分列豫備教授運用之法附以參考及習問以便教師有所依據內地塾師苟應用此書兼參考教育學管理法則於小學師範思過半矣

- 第一冊 價洋四角
- 第二冊 價洋三角
- 第三冊 價洋三角
- 第四冊 價洋三角

初等小學習字帖

陸續發行

此帖與本館所編國文教科書相輔而行書中所有者無一不備書中所無者亦不瀾入以便隨讀隨寫可助記憶帖凡十冊亦備初等小學堂五年之用

- 第一冊 價洋一角
- 第二冊 價洋八分
- 第三冊 價洋
- 第四冊 價洋

商務印書館新編
初等小學教科書

最新

修身教科書

第一册
大洋一角

我國經傳多言修身祇以理境精深非幼童所能領會雖曰蒙養而實未嘗有所養也是書爲初等小學堂第一年前半年之用多取古人嘉言懿行之易於奉行者繪爲圖畫不著一字務令兒童見之不生厭倦教員就圖解釋涵養德性自能收效無

形

最新

修身教科書教授法

第一册
大洋一角

依教科書編纂每課均註明出處詳列教法教員得此固便指示即家庭教育亦可採用較彼廿四孝陰隲文有益多矣

實業

論林業與水旱之關係 錄乙巳二月初七日大公報

間嘗渡波羅的海。越來茵河。而游於普魯士之郊。見夫修柯鬱鬱。密葉披敷。蒼然蔚然。彌望無際。竊歎彼都人士。如其講求林業。不知其歲入之額。若何其巨也。既而東渡日本海。歷橫濱。經大阪。而屆乎東京。則夾道森林。萬柯一律。與在普魯士所目擊者。無差別焉。論者謂兩國之所以富強者。卽此乃其左證。雖然。林業於地理之關係。豈直無曠土。無廢地而已哉。保隄岸也。蔭行人也。拓利源也。吸炭氣也。資衛生也。皆其昭然顯著者也。而其利益之至。爲溥博而又隱而難知者。一曰禦水患。一曰免旱災。

山童土赤之區。霖雨旣降。山洪驟生。以其地之不毛。得以暢行無阻也。奔衝蕩激之所及。浮沙淺土。不能不隨刷而下。以泛溢於田隴之間。及其旣退。則禾稼已爲沙土所掩。而平日所施之肥料。復被其洗滌殆盡。而於是沃壤遽化爲蕪田。上腴倏變爲瘠土。此洪水之所以爲患也。有森林則細草豐苔所在皆是。而又有枯枝落葉。以充積於其間。微特水力所至。無浮沙淺土。隨之以行。縱或挾有沙土。以俱來。亦必在在停蓄。節節阻留。以殺其洶湧之勢。而戢

其。馳。驟。之。威。其。下。流。之。及。於。隴。畝。中。者。可。決。其。紆。徐。澄。潔。而。無。淹。沒。衝。刷。之。虞。也。故。曰。林。業。可。以。禦。水。患。

若夫旱災之至。人皆以為由於天時者也。而不知實由於地質。苟地質中含有多數之水量。則一經日光之熱。即蒸發飛越於空氣之中。為水蒸氣。是即所謂雲也。迨至水蒸氣出乎溫度之表。而觸乎寒度。則必仍凝為質點。以飄散而下。是即所謂雨也。惟有草木之根。能吸集地質中之水。以為其營養料。而不使之流走。故其水蒸氣常瀰漫於四周之空中。以升而為雲。降而為雨。人當盛夏酷暑之會。入森林中。輒覺涼氣爽肌。愴然如易一節候者。無他。以其內含有多數之水蒸氣故也。浸假其地數百里之內。林業不興。則地面之水。皆滲入地心。而無物以為之吸集。日曝愈久。土質愈枯。旱嘆之災。由是而作矣。有森林。則日光之熱度。愈烈。所發之水蒸氣愈多。水既由液體而變為氣體。復由氣體而反於液體。輾轉變化。循環不休。非徒森林有以自養。且其餘潤所及百穀。咸賴以生成。萬彙悉資其滋長。彼夫漠北沙磧之地。每數月不獲一雨。而南省林深菁密之所。不聞以愆陽見告者。即其明徵也。故曰林業可以免旱災。

之二端者。悉由西人所考驗而得。而為我農民之素所未聞者也。夫我國惟無人發明此理。

故一遇水旱。祇知授權於巫覡。乞靈於山川。致其力於虛無冥漠之鄉。以徼倖於萬一而已。抑知水旱之權。巫覡不能操之。山川亦不得而擅之。惟林業之發達與否。實與有密切之關係。蓋水旱之多寡。視乎林業之廣狹。以爲比例。彼西人之汲汲焉用力乎是。固不特爲開拓利源計也。人力之至。可代天工。格致之精。直侔造化。大矣哉。林業之關係乎。

夫如是。則我國之講求地利者。宜以是爲先務矣。我國東南多水鄉。而西北多陸地。秦晉隴蜀之間。羣山萬壑。間以坡陀。實爲林業最適宜之境界。喬木宜於高原。灌木宜於下隰。按泰西樹藝之成法。以種植之。每地一頃。可樹二萬零六百六株。計其資本。不過三十餘金。而每縣可以植樹之地。大抵不下千頃。以每頃所植。至二十年後計之。約可值價二萬金。每縣至少。當有二十萬金。其爲利之厚。旣若此。而又利賴普及。可以弭天災流行之患。可以致雨暘時若之休。我農民其好自爲之。慎勿輕易視之也。

論教無業游民宜多設工藝局廠 錄乙巳二月十一日漢口日報

國之貧。貧於民。民之貧。貧於情。貧且情。求其不爲非。而不得。求其勉爲善。而尤不得。而又重之以末俗之浮靡。積習之嗜好。一應酬之費。而故逞豪華。一日用所糜。而動形拮据。通都大邑。巨埠要津。無論已。問嘗過百餘戶之村落。其居民爲嗜好所銷耗。不數年而百存

數十戶焉。十存四五戶焉。又不數年而數十戶僅存十餘戶焉。十戶中僅存一二戶焉。其田地以典售而爲他姓所有。其子弟以好逸而與匪類爲羣。今試望不兵不農不工不買不衫不履。蠢然騷然。自別於四民之外者。非游民乎。極其遊惰之害。至飢寒交迫時。細之則行竊黑夜。大之則放會結盟。聚類呼朋。肆無忌憚。蜀粵土匪游勇之蔓延。大抵皆若輩混雜於其中。蜀粵如此。他省可知。特多潛伏而未發耳。說者謂民亂之階。始於官迫飢驅。吾獨謂官之所以迫飢之所以驅。實始於無業。無業之原因。實始於無教。今欲力挽頽波。俾之相生相養。相習相安。非疆吏嚴飭府廳州縣多設工藝局廠不可。泰東西罪人尙且習藝。何有於平民。女流且能作工。何有於男子。瞽聾暗啞。且各專恆業。何有於智慧聰明。患在地方官漫不加察。任其暇豫優游。疲茶嗜慾。無論其民本貧也就令家號素封。而有如上所云種種之銷耗。如木無本。如水無源。欲保其永。永不枯竭。也得乎。教民若何。宜勸工藝。勸藝若何。宜先籌款。今之興善舉。辦要件者。動曰款無從出。夫款亦何難出之。有一邑之中。每歲淫祀之需。無益之費。如神誕演劇。懸幡。焚龍舟。出會。朝山等類。最小之邑。亦費數百千金。大者尙不止此。誠提此款易而設工藝局廠。不費躊躇。立集鉅貲。延公正紳董以經理其事。聘精於製造者以充當教習。納無數之游民。食息寢處於其中。定以年限。必使之藝成而後止。兼編白話俗語爲之演說。以啓

其蒙而覺其贖局廠並附戒烟會凡有嗜好者務使一律痛除不數年中而民皆有業可執向之疲茶皆蠲暇豫優游者今一變而精神淬厲憤自強儼同具國民之資格西人能體華人之性質造成合用之器以進口華人何不可體西人之性質造成適用之器以出口耶一邑如是一省如是積之各行省亦復如是民不至更流於惰國不至再患其貧是亦中國圖強轉捩之一大機軸也惟是言之匪艱行之維艱督撫以綜舉大務而不暇察及瑣事地方官以催租理訟而不復爲民謀生至紳董多存私意而不能爲桑梓講公益稍有一二正大者退居林下又孰肯以清白之名譽受下流社會之風潮宜各省工藝局廠不多設各處游民仍蠢然騷然而充塞於路也強鄰見偏振作無人蒿目時艱頹風莫挽不禁感慨係之

鹽業改良後議

錄乙巳二月十五日新聞報
張謇撰

鹽業之必須改良也爲欲化梟以益課也梟化課自益而化梟有二法一使出產統一使出產大增統一則大禮必簡之道大增則菽粟如水火之道二者皆須自設廠聚丁始不設廠不能聚不聚則改良之說不能實行不能實行則不能觀效無效可觀而強聒以求衆人之信是鹽鐵論所謂以所不覩不信人若蟬之不知雪勢必各出其力以敗我說敗我說損我微耳舉數十年來委散於地之國權聽其不收而漸滅焉將必有人焉收之而爲我全國

之害此不得不盡吾力以圖維至於毫髮無可用吾力而後已而後可以謝全國人

往者既為之議略矣他之駁難我者率曉一孔之人耳禮記反古之道注謂曉一孔之人不知

蓋今惟曉一孔之人不知餘獨蒯公語我曰子說皆可行獨近場人食貴鹽運商須先繳全

價資本難繼二者須審計其言質實有理致退乃博詢之計學家得二解焉鹽本稅釐並征

產鹽之場皆與州縣同治可分鄉鎮編戶口聽商設店計口定鹽計鹽征釐店必由場給照

不一而足戶口一歲一編其非與場同治之州縣則征稅稅同而運脚以遠近而差猶他食貨

他食貨轉輸於出產一境之內者例無釐今鹽有釐釐不宜重以通州一隅論竈丁所費貴

值止每斤十文賤值或每斤五六文及轉賣三數十里有加貴至八九文甚有貴倍者故征

釐不為民病若慮姦民以釐鹽運稅地則戶籍店簿皆可稽考即漏亦僅矣岸商向亦合贊

前議由各商自立公司正為岸商計不失其業易公司之名而厚集資本可以謀一切之抵

制也向用民船運凡岸遠者累月而始周官之收稅與商之收本亦累月而始得今若商自

用輪以拖民船速可十倍則商利之轉亦速十倍即使就場買鹽納稅其資本或由貸稱而

來而十倍之速息可以抵之矣且一岸仍一公司主之可以因時消息不慮落價爭售之擁

擠更為之進一說則垣岸商可合為一大公司買鹽起運時納稅外可先付半價賣歸更付

半價或并俟賣歸付價如此則一公司自爲周轉本力更厚而決戰尤易於制勝願更質之
 劑公并計學大家

統一之計。即用舊法煎製。亦無不可。顧不參用新法。則狃於淋瀝。必用灰攤。灰必擇場之說。必不能統一。故參仿日本鹽田爲必不可緩。蓋擇場必取瀘氣易升之地。因乎天然。人又各取其居之近者而圖之。故散且散。則便於私賣。故煎丁皆堅持利散不利聚之說。日本鹽田。即瀘氣易升之法。法由人工。故聚聚則可久久。則瀘氣醞釀愈濃。事亦練習愈熟。是則大增與統一。正須合并鹽田。愈衆鹽出愈多。本愈輕而利益愈厚。山東今亦行之矣。不知較呂四試驗若何。要之時會所迫。民智開亦不開。亦開閉門之車。正不慮無必合之轍。

若夫運法不改。垣商尤困。向來運鹽之船。由屯頭承攬。屯頭取船戶之費。即在船價內抽扣釐頭。三十年前。一銀圓值錢一千一百餘。現止值八百數十。屯頭發給船戶銀圓。仍照三十年前之價。每圓賺錢三百左右。去歲船戶公議加價。展轉至今。兩淮公所。迄無定數。即使議定。無論若干。所加之價。仍係垣商虧折。屯頭之抽釐如故也。以運費論。雖有運商貼補。而轉江起駁等費。均須另外開支。是運商之貼費有定。而垣商之用費無定。一也。鹽法定章。每包重八十六斤。秤按十八兩三錢。并瀘耗虧折在內。近則各垣發交船戶。須九十斤。絲毫不能

短少。至十二圩過秤少數。由場號罰扣。船戶水脚。至多一半。餘仍垣商補足。所謂屯頭者。會無可言之勞。而坐享最優之利。徒使垣商被困而已。二也。事理易明。腐敗宜革。何如聽垣商自行承運之爲得乎。

路鑛通論 錄乙巳二月二十五日時報

今日之中國。莫急於救貧。此今日公認之理論也。救貧之要。著莫先於築路開鑛。此又衆人所共知者也。且不獨此而已。彼外人之日日垂涎於我。而謀欲得之者。推其意。不過欲取我國中利益之大端。如扼要之線路。著名之佳鑛。一一握其實權已耳。論是則今日之修路治鑛。不獨救貧而已。乃直爲救亡之策。使舉所謂扼要之路。著名之鑛。皆自我而創興之。彼族見無利益可圖。亦惟有廢然自止耳。

數年以前。中國之策時者。但言路鑛之利耳。而於所以籌款之方法。則猶往往主借外款。或華洋合辦者。至近日各省之輿論。乃亟亟以華款自辦爲言。此誠怵於福公司合興公司等之已事。而鑒及外人以路鑛殖權之害也。此亦可謂自動力之徵矣。然自辦非難。自集華股爲難。則請先言集款之事。

今者度支竭蹶。各省所同。欲言路鑛。斷不能仰給於官款。就令有之。亦必甚微。而無補於事。

然則集款必取諸商民。顧事有甚難者。我國富豪之家。本不多觀。卽有其人。要皆保守不逞。而乏進取之略。是故真有資本者。必不出其資本。以獨力任事。而歷來言路鑛者。其人半非殷實之徒。不過得有官吏之允許。然後出其憑狀。以邀集資本耳。以是之故。恆不得人之信任。而集款至難。就令創始之人。聲望素著。而爲衆人之所信矣。然當其集款之時。一切未備。其距開工動機之日尙遠。而其募集之款。亦必不能全數遽集。於是則彼此觀望。必俟募款已交大半。辦事已有條規。而後認股者或可踴躍。否則衆股未齊。著手無日。而遽望其先交股份。則誰肯以金錢聽人閣置者。此亦人之恆情也。然既彼此觀望。則彼此皆不願遽投其資。而集款終無可齊之一日。彼曰爲時尙早。何必先交。此亦曰頭緒尙多。不如從緩。蓋因觀望而遷延。愈觀望則愈遷延。此實中國集款任事之通例。不獨於路鑛爲然。而路鑛事大需款。尤殷。則亦尤不易集。以吾所見事之創議而無成。其坐此病者多矣。且路鑛之集款。更有不易者。假如以一千里之軌路。分兩端而並築之。至速非三年不能竣工。非四五年後不能通行獲利。若興築之時。遇有購地遷墳種種之糾葛。則尤不在此算內。至於開鑛之事。則又必以機器去其積水。鏟其石層。然後可以收效。更非淺嘗者可以見功。而我國人之投資本於營業事實者。其圖利之心太急。又不能洞見事情。一二年後未得分利。則意興嗒然矣。此

亦衆情不舉之一端也。

實業

五十二

五月

且事更有難言者。即使募款易集。其事克舉。然而失敗之數。則亦有出人意外而難料者。此等事則多故外國之於此等大工。必寬籌資本以繼其後。一有摧挫。則更謀所以挹注之。其任事之人。又復不撓其氣。如此。則必終有見功獲利之一日。然使中國之人。一遇此等事實。則非徒衆志渙散已也。勢必轉相告戒。傳爲口實。而他處之有路鑛等事。皆必受牽率之憂。此則集款雖易而亦有難於一試者矣。

且更有一說。中國國家往往於已成之局。謀欲奪其利以坐享厚益。而不恤經始之艱難。故稍窺世事者。戒於近日輪電等局之事。其他營業。亦不敢輕擲其資。誠懼受虧。則不蒙補救。而獲利則將被併吞也。

故如右所舉。則首在集款之難。款既集矣。獲利稍遲。則致疑沮。一有不幸。尤難再振。其成功猶不可必。此皆自募華款之棘手最甚者也。

然則自行集款。固甚難矣。必不得已。仍於外債求之。但使操之有道。或亦不致大害乎。則亦不然。請更陳其說。

言者曰。凡天下之大工程。無論以一國之資本。或非一國之資本。共經營之。而其利必歸於

有此工程之本國。蓋凡有一工程於此。其爲利益之實。不外三端。一、卽此工程也。二、備於此工程之徒衆也。三、因工程所獲之利息也。此三者其一與二。則本國獨擅之。其三則本國與所貸資本之國共焉。而其得用此工程之巨益。猶不列此。故美利堅人於其國中通行之鐵路。與其境內獨擅之鑛產。其初皆任聽外國人競投資本。未嘗有所分別也。今中國之言路鑛。必欲拒絕外款。是謂斬其一而亡其三。若是者。終必自遺其利而貽後日之悔焉。

或人之言如此。此亦近日一派之議論。而言之成理者也。然而中國之情事。則有萬不可以一概例者。蓋此等事。在法律完全主權獨備之國。則可偶一行之。以外人之在其國。必皆帖然受治於其法權之下。旣已投巨資以營業於其國。則必自願託庇於此邦。受其約束。而無辭。故雖或用外人之資本。而彼爲資本家之母國者。固不易得而干涉之。以侵觸本國之權利。又其甚者。則外人且因有資本營業之干係。竟入其國籍焉。故如美利堅者。乃眞具此資格。而可以翕受外資。獲其益而不被其損者也。使不揣其本而言。以中國之爲國。而欲一蹴以趨之。則彼外人之在吾國者。旣不受我之法權。雖一私人。且將挾其侵畧主義。以凌我按之近事。固已灼然不誣。路鑛所以興利。奈何反以徇害。持此論者。是猶欲以漏脯止飢。酖酒治渴。蓋必不可行矣。

藉外款以治路鑛。其患既如此。而以近日所聞某公司之原動力某氏者。且有引商力以弭兵力之說。其言可謂甚辨。然試思所謂商力者。有以異於兵力乎。吾恐干戈之與智力。雖異其用。而各挾其帝國侵略主義以俱來。則固事之無可疑者也。是故以英美籍之人而投其資本。則大抵其私人先抱此主義。迨其事既成。而其本國更推此帝國主義。以擴充保護之。而為之後盾。以法比等籍之人。而投其資本。則其國家直以此帝國主義相臨。而其私人則且若傀儡焉。是二者其不利於我中國。則同。而如後一說者。其禍尤峻。且速。然私人之抱此主義。固不若國家用此主義之易於收效也。以此之故。粵漢之事。遂至易美而為比。一言蔽之。則皆帝國侵略主義之作用而已。所謂商力者。固猶是帝國主義之變名也。其與兵力所到。固無殊也。然則外款之不能假借。更彰彰矣。

夫以救貧救亡二者言之。則今日之中國。誠不可不亟亟於路鑛。而官款無可言。內款不易集。外款不能用。是豈中國之路鑛。竟無可圖。而惟有束手坐視乎。以吾思之。蓋有兩法。而其一較難。其一尙易。請畧言之。

其一。當提中飽也。近者國家之求財。大抵以搜剔中飽為說。然中飽之資。既為百姓之所不應出。則固非官吏之所應有。亦非國家之所應取也。故凡有中飽之款。惟有由地方公正紳

士。從。實。清。查。以。合。宜。之。方。法。商。令。官。吏。按。數。撥。出。以。資。地。方。公。益。之。用。如。是。者。最。為。情。理。之。正。而。所。謂。地。方。之。公。益。者。則。以。施。之。路。鑛。等。事。為。先。近。聞。湘。人。欲。以。該。省。糴。穀。捐。為。購。還。粵。漢。路。票。之。用。實。深。合。此。義。第。恐。他。處。鄉。紳。不。盡。有。此。毅。力。耳。所。謂。較。難。者。此。也。

其。一。地。方。附。加。稅。可。行。也。各。國。稅。法。不。同。所。謂。地。方。附。加。稅。者。大。抵。就。國。家。徵。稅。之。物。品。而。附。加。若。干。以。為。地。方。自。治。各。項。公。費。之。用。此。法。最。為。通。行。今。使。中。國。各。省。略。本。其。意。於。通。行。之。販。賣。品。而。為。一。定。之。稅。者。不。妨。商。請。地。方。官。酌。量。加。收。以。資。地。方。一。切。興。措。之。用。若。有。路。鑛。要。需。尤。宜。先。資。挹。注。但。不。可。過。涉。苛。細。以。致。民。怨。耳。此。舉。有。三。便。焉。今。日。國。家。之。取。於。民。者。竭。澤。而。漁。而。為。之。牧。民。者。又。從。而。附。益。之。隨。時。加。徵。本。在。意。中。之。事。及。今。而。附。和。徵。稅。雖。近。苛。取。而。其。用。既。在。公。益。且。亦。可。以。杜。政。府。無。厭。之。求。蓋。先。有。附。加。之。稅。則。國。家。雖。欲。再。加。終。不。能。不。有。疑。慮。以。資。抵。制。一。也。中。國。度。支。向。無。預。算。決。算。諸。表。故。人。民。所。納。之。稅。不。知。何。用。然。亦。由。國。境。太。廣。中。央。政。府。之。收。入。取。於。此。者。不。免。用。之。於。彼。而。民。間。更。無。從。質。疑。今。以。此。等。附。加。之。稅。即。用。之。於。地。方。要。務。則。衆。視。所。瞻。更。無。疑。滯。目。前。以。之。濟。路。鑛。異。日。政。體。改。革。即。可。為。地。方。行。政。之。需。以。植。基。址。二。也。彼。為。路。鑛。之。代。表。者。使。其。資。本。而。為。自。募。則。貞。佞。不。一。私。弊。方。滋。而。出。資。者。或。力。量。散。弱。或。顧。忌。私。交。未。必。為。其。所。畏。若。藉。地。方。之。公。稅。而。治。

事。則。衆。矢。羣。集。一。涉。私。弊。身。名。與。之。俱。毀。人。非。甚。不。肖。未。有。不。懼。蓋。人。或。敢。於。結。怨。一。部。分。而。未。有。敢。於。冒。一。國。之。不。韙。者。以。資。箝。束。三。也。此。三。者。皆。藉。地。方。附。加。稅。以。治。路。鑛。之。便。所。謂。較。易。者。此。也。

是。二。者。擇。一。而。行。則。一。切。疑。義。皆。就。捐。除。若。使。成。效。漸。著。利。益。可。期。而。執。政。者。又。欲。從。而。奪。之。則。此。等。中。飽。之。款。附。加。之。稅。其。性。質。本。自。活。動。即。以。之。移。爲。他。用。毋。俾。並。奪。焉。可。也。

欲。徵。附。加。稅。有。一。要。義。蓋。凡。欲。得。某。業。之。附。加。稅。則。必。結。合。該。業。之。首。領。稍。著。名。望。者。一。二。人。陳。說。利。害。而。與。之。商。榷。使。其。樂。於。號。召。則。事。不。難。爲。也。試。以。近。事。證。之。湖。南。諸。紳。倡。議。加。畝。捐。以。濟。路。費。江。西。諸。紳。亦。倡。議。加。鹽。價。以。濟。路。費。此。即。所。謂。附。加。稅。之。類。也。然。湖。南。輿。論。未。聞。有。所。抗。議。而。江。西。商。情。則。若。有。甚。不。便。者。說。者。以。爲。湖。南。倡。議。之。紳。士。大。抵。有。田。盈。陌。自。具。大。戶。田。主。之。資。格。故。言。之。而。莫。違。而。江。西。倡。議。之。紳。士。則。初。與。鹽。業。未。有。關。係。故。也。觀。於。此。而。辦。事。入。手。之。條。理。亦。可。以。明。矣。

此。篇。所。陳。反。覆。申。譬。皆。欲。明。路。鑛。之。籌。款。孰。宜。與。不。宜。冀。任。事。者。之。有。所。擇。略。舉。大。凡。尙。多。未。盡。聞。近。人。之。熱。心。於。路。鑛。事。業。者。又。頗。以。鐵。路。彩。票。爲。言。然。彩。票。散。售。既。多。難。免。不。入。外。人。之。手。且。以。鬻。賭。而。興。鐵。路。利。未。可。知。而。其。害。先。及。於。政。事。是。亦。必。不。相。宜。者。也。故。因。論。路。

鑿而並及之。

商部奏京城倡辦鑿井推廣便民摺

竊維東南多水西北多旱雖地勢之使然亦人事有所未盡耳近畿各屬土地平曠無澗溪沼沚爲之潴洩數月不雨卽成旱象農民棘手坐視焚亢不復以人力稍施其補救夫補救之道在乎廣興水利而水利之興則以鑿井灌田爲尤便臣部考英人白爾捺井鑿工程所紀有所謂自湧水井者昔歐洲著名之工程家如阿賴果等鑿井之法初得自中國後乃稍變易其法用鐵棒錘之徑只數寸深約二三十丈另用竹管探入孔中使不爲泥沙所塞其水卽從竹管湧出套木桶數具以儲水用小機器汲之計一井之水潤田可百畝其水經化學家考驗並無鹼質蓋入地深也不似土法所開旣兼雜質逢旱輒涸然此但就開鑿初級之井言之若歐西各國常有費數萬金錢開一井深至二三千尺每日得水多至二萬餘斗者其補助工業農事尤不可思議日本全國旣傳善法鑿井幾徧民食其利臣璧在府尹任內延訂日本開井技師試鑿於順天五城學堂中果適於用臣部接辦工藝官局因立鑿井科傳習藝徒三十餘人年來開初級井數口民已稱便惟是執斯藝者非試習數十井不能得其法而試辦於平原復不如先辦京城之易爲力爰就城中人煙稠密之區接續開鑿藉

以廣招藝徒嫻習手藝將來藝成給予文憑分遣各屬其村莊中有願開井者就地取材利大而工料不費大河以北農田凡濬渠引河窮於設施者或於鑿井另闢一法維彼鄉民有不樂於從事乎已故大學士李鴻章前督畿輔曾飭各州縣勸民開井彼時應者寥寥雖州縣奉行不力亦由民間風氣未開今工藝官局開井科先於京城地面爲之倡數年後藝成推廣各處汲飲有益於衛生灌溉尤便於耕作似於國計民生不無裨益如蒙 俞允俟命下之日應由臣部咨行各衙門一體遵照一面飭由該局於京城中相擇官地次第舉辦逐漸推廣以仰副 朝廷勸工重農之至意謹 奏奉 旨依議欽此

商部奏在籍員紳創設筆鉛公司擬請准予立案保護摺

竊臣部於光緒三十年十月初十日接據江蘇在籍臣部頭等顧問官翰林院修撰張謇在籍安徽候補道許鼎霖呈稱中外通商以來中國資財流出外洋不可數計卽筆鉛罐一項各省銀元銅元局鍊鐵鍊鋼廠在所必需購自外洋歲溢鉅萬查江蘇鎮江府丹徒縣螺螄山地方所產筆鉛足供造罐之用當經前往勸明集股十萬兩創設開成公司此項筆鉛罐半係官局官廠購用請於新訂商約出廠稅未經施行以前暫免稅釐俟廠稅定後照章完納一次聽於中國境內行銷不再重征外洋需用此罐尤百倍於中國苟准免完出口之稅

則售價益廉外洋必爭向購取惟興利之舉創辦維艱撻奪阻撓均未能免請通飭地方文武照章保護並准專辦二十年即將該縣境內出產筆鉛等處由公司照時價核購以便擴充不得售與他人及售與外人等情呈請 奏咨前來臣等竊查筆鉛罐一項昉於英國麻良公司以之鎔化金銀銅鋼玻璃等類能耐配料侵蝕之力每罐可用八十次至一百次其製造之法中國素未講求局廠所需皆購自外洋日後推擴銀圓銅圓鍊鐵鍊鋼製造玻璃等事爲數尤鉅若不急思抵制誠不足以維商業而挽利權今該紳張謇等請創設開成公司意在振興實業開闢利源洵堪嘉尙擬准其立案在鎮江境內酌予專辦十年並由臣部咨商外務部准其於新訂商約出廠稅未經施行以前先行援照湖北織布廠北洋煙草公司成案完納值百抽五正稅一道概免重征俟新約開辦再行照章完納原呈所請暫免稅釐之處應毋庸議庶於課儲商業兩有裨益惟是開辦伊始民情多疑誠不免有撻奪阻撓情事應請 飭下兩江總督江蘇巡撫通飭所屬實力保護不得稍存膜視一面由臣部諭令該紳等按照臣部 奏定公司律切實辦理隨時咨報查核謹 奏

墾務大臣綏遠城將軍貽奏伊克昭盟杭錦旗報墾蒙地改收押荒摺

竊查伊克盟七旗於光緒二十九年春夏間陸續報墾惟杭錦一旗既允忽翻疊經奴才據

實奏陳並請將該旗貝子阿爾賓巴雅爾暫行開去盟長之任一面嚴飭遵辦奉旨允准在案該貝子自暫開盟長之後深自愧悔復經奴才派委西盟墾務局總辦知府姚學鏡綏遠城協領文哲渾前往開導該貝子頓悟前非出具印文將原報之該旗東巴噶中巴噶地東至達拉特旗界南至黃河西至商人王文善舊渠北至達拉特旗南界復行呈報認墾奴才當即派員前往驗收適值上年春間後套匪徒滋事指界之蒙員與收界之委員皆未能剋期履勘該貝子旋於三月內率同該旗協理台吉管旗章京及初次報地之梅楞棍布來城就議並將盟長印信交出力陳悔過情形奴才曉以朝廷德意務在懷柔但能效順輸誠必爲據情上達該貝子等歡欣而去四月套匪平復原派蒙委各員始同往地所逐一勘收東西長約二百三四十里南北寬八九十里至數里不等邊寬中窄形若蜂腰核與原報地段相符取具該旗交地印文繪圖貼說由局核轉呈送前來奴才稔知該旗地畝全恃渠水爲命脈與達拉特旗大致相同其渠租歲租章程亦照達旗辦法去年適後套大水渠租一概未收嗣據該貝子呈稱後套收租向係於青苗出地時驗其已種方收租價所報中東兩巴噶地甚寬廣若每年履畝定租既多繁擾更恐弊端百出所收亦有名無實請照開放各旗之例一律改收押荒仍照前奏以一半歸公一半歸旗並酌提渠費幾成呈請核辦又

請將應得常年歲租以一半報効 國家稍助經費等情奴才查兩盟各旗地皆封建原與察哈爾等處之隸於郡縣者情事攸殊乃該貝子悔悟以來異常恭順今日願照他處墾章徵收荒價是直以藩封之壤欲與內地同列版圖如此惴忱洵不可沒第事關創始不厭求詳復飭墾務總局西盟墾局西路墾務公司公同核議旋據該總辦等覆稱該旗改收押荒雖與原議微異然辦理既形簡易規制又可久常熟察情形毫無窒礙奴才遂採集衆議批定將來徵收押荒以二成提作修渠及各地商報効水渠賞費餘以一半歸官一半歸蒙其常年所入歲租亦官與蒙各半仍按年酌提渠費預備歲修札飭遵辦該貝子欣然樂從又將兩巴噶西界可墾之地約數千頃呈報併入前次所報界內亦經飭局派員驗收伏思杭錦旗貝子阿爾賓巴雅爾始雖誤信人言偶蹈淪盟之咎卒乃恪共臣職克蓋已往之愆仰見 聖主聲靈足使諸藩誓服奴才何敢因曾經奏撤盟長竟使下情不得上伸應俟地界收齊再行籲請 恩旨至所報各地既願易渠租爲押荒自應比照察哈爾蒙地暨王公報効馬廠成案請領部照發給佃種民戶收執以符定制謹 奏奉 硃批該衙門知道欽此

直隸總督袁奏籌辦工藝各事漸著成效分別臚陳摺

實業

六十一

乙巳

欽遵經臣於五月二十日奏覆推廣鼓鑄情形在案伏查商部原奏內稱多購銅斤加工鼓鑄既可流通市面而所得贏餘以之推廣津埠工藝局廠收養貧民尤於地方大有裨益等因臣默揣各國致富之源胥由商務而非講求工藝無以為商務之先驅況迭奉 諭旨殷殷以整頓工藝為急 朝廷於厚生利用軫念至深但此事非可空言貴有實力各省帑項支絀籌措為難惟銅圓餘利一端尙堪挹注以公家固有之利權開小民無窮之生計於事至便於理至公臣自收回天津即創設工藝總局選派員司提倡工業調查本省及各省物產兼及進出口貨情形歲撥銀一萬二千兩為經費三年以來由該局經營建立者四事一曰工業學堂以培養工業人才為宗旨額設學生一百二十名學分為四科曰應用化學科曰機器學科曰製造化學科曰意匠圖繪科分延英日各教員授課計開辦經費房舍書籍儀器用銀四萬六千兩常年經費需銀二萬四千兩續購各項機器需銀三萬五千兩一曰考工廠以啓發工商智識為宗旨蒐采本省外省外國各貨品依類列陳縱人觀覽分設會計庶務度藏考察圖繪各司主其事每月則演說工商各要理試驗理化各用法以廣人見聞每年則訪求各處工業製品比賽優劣以鼓舞獎勵之計開辦經費樓房貨品各項用銀二萬八千兩常年經費需銀二萬四千兩派員調查及續購品物需銀一萬兩尙需添建房

舍增置圖書需銀三萬兩一日教育品陳列館以濬發學識教育實驗爲宗旨羅列中外各種教科書籍儀器標本模型圖表分科陳設標籤貼說以備各學校管理者考覽諮詢其應用教育品節令漸次仿製並派員分駐外洋查考最新品物隨時購運館中附設藏書室及講堂俾各學堂教習學生休息其內來館講習計開辦經費用銀二萬兩常年經費需銀八千兩此後每年添購品物增廣房舍需銀五千兩一日實習工場以傳習手藝提倡各項公司爲宗旨備高等工業學生之試驗場兼參仿藝徒學堂章程爲各公司取才之地額設工徒二百名分染色織布及木金縫紉及化學製造各科每一科藝成即勸諭紳商集股設立公司現天津織染縫紉公司業經集股開辦外屬各州縣領機試辦並送徒來津學習以後公司愈多商力日厚當有成效可觀計開辦經費用銀一萬五千兩常年經費需銀三萬六千兩此後續增廠舍添置機器需銀三萬兩以上各事均附屬於工藝總局統由候補道周學熙分投籌辦日起有功共計開辦經費用銀十萬九千兩常年經費需銀十一萬九千兩預備擴充經費需銀九萬五千兩皆經臣飭由銅圓局餘利項下籌撥伏思 國家根本大計端在民生邇歲以來工商之利見攘外人吾民失業耗財何可勝計外國收我生貨製成熟貨轉售而來尙獲厚利況中土民數衆多工價低賤若竭力提倡推行各屬必能興實業

實業

六十三

乙巳

而塞漏卮此次北洋興辦工藝各事不過歲費十餘萬金且出自銅圓餘利並未動支正款而化游惰爲精良勵紳民使聯合此後逐漸擴充添助資本不獨惠及貧民實亦隱裨國計庶上以慰 聖主恤民之至意下以盡微臣守土之職司謹 奏奉 硃批著卽認真辦理務收實效欽此

直隸總督袁奏創設罪犯習藝所辦理情形摺

竊查前准刑部咨嗣後各省徒罪人犯毋庸發配概照所定年限收所習藝軍流人犯若爲常赦所得原者卽在本地收所習藝並以直隸向不安插軍流非常赦所不原免其解配軍流各犯應否卽在該省收所工作抑照定例發配應令體查情形奏明辦理等因臣因事屬創始不厭求詳節經督同司道悉心體查次第籌辦檢閱近年案卷直隸每年內外審結徒犯約有一百餘名軍流人犯除爲常赦所不原者仍照例發配外其常赦所得原者爲數無多自應與徒犯一體收所習藝以歸畫一至習藝所若按道分設直隸現有五道應設五所際此各庫空虛實難同時並舉惟有先就省城天津分設兩所以天津河間永平宣化四府遵化州並東西南北四路廳所屬及張家口獨石口多倫諾爾三廳之犯歸津所收留保定正定順德廣平大名五府易州趙州定州深州冀州五直隸州所屬之犯歸省所收留所內

員司夫役及解所各犯開辦第一年約共二百人上下兩年即倍其數雖一年之後徒犯逐有限滿而軍流各犯有自一年以至十年始行釋放者是以每所以能容四百人爲率兩所罪犯口糧開辦初年悉責成各廳州縣按缺分優劣分攤以後工藝獲有盈餘逐漸裁減其員司夫役薪水醫藥以及一應雜用暨成本各項津所則以育黎堂教養局原有經費充用不敷由賑撫局添撥省所因無善堂公款可撥由藩庫每年認籌撥付津所房屋係就教養局基址建造統共大小房屋二百四十一間廳屋二廠監所浴場醫室病室廚房廁所一應俱備惟津郡有巡警局罰充苦力人犯亦收所習藝故監所尙待擴充計共用工料銀二萬九千餘兩又油漆鋪陳並置備器具及員司夫役薪工暨一應開辦經費用銀三千兩先後由賑撫局照數撥給於上年六月間工竣開辦其省所房屋應就豐備倉擴充改建共擬建造及改修房屋二百一十六間規模悉照津所辦理實估工料銀一萬五千八百餘兩惟豐備倉前有工巡局設在其內現將該倉改建習藝所應蓋還工巡局房屋十餘間實估需銀一千八百兩亦經由賑撫局撥發銀二萬兩以資應用有餘則備員司夫役薪工之需業於上年十月間興工因冬冷春凍不便工作約須本年三四月間方可竣工至一應制度如建造房屋應合衛生之道而尤以便於防範管束爲要教導之法貴在寬嚴得當勸懲並施凡

此皆改良獄制之急務前經飭派天津府知府凌福彭赴日本考查獄制條陳東瀛成法極爲詳備經天津道等參酌東西法制擬定章程條規並令省所仿照辦理其工藝一事擬令精粗並習天津爲通商地面似宜精美省城風氣未開先事粗淺而要在因才施教就地取材以易於銷售獲利較薄者爲最易現在津所開辦數月極形整齊成效可觀省所自當擇善而從至天津等府廳州屬罪犯應解所習藝者已飭自本年正月起一律辦理保定府等府州屬罪犯應俟省所工程告竣再行飭解據藩司楊士驥臬司寶棻天津道王仁寶天津巡警局道員趙秉鈞會詳請奏前來除咨刑部外理合會同兼管順天府府尹臣徐會澧順天府府尹臣沈瑜慶恭摺具陳再承德府屬罪犯習藝所應由熱河都統臣自行籌辦合併陳明謹 奏奉 硃批刑部知道欽此

署山東巡撫胡奏遵設罪犯習藝所酌擬辦法摺

竊照刑部奏定新章行令各省通設罪犯習藝所由督撫體察情形妥議具奏等因當經正任撫臣周馥分行司道轉飭各府州縣遵照籌辦去後旋據各府州縣稟經藩臬兩司彙核詳稱以東省一百四十州縣分隸於三巡道部章令於各道先設罪犯習藝所一區似不如逕由十府三直隸州各設工所安插本省外省遣軍流徒等犯免致擁擠惟建置房舍購備

器具開辦之始約計用項共需銀一萬五六千兩常年經費如委員司事繕書匠人夫役薪資各犯口糧贖本亦非有二萬兩不敷開支值此庫藏奇絀勢難請撥庫項而罰鍰一項迄無收存之款亦屬緩不濟急前經分飭各府州將應建工所房舍祇可就原有閒署倉廩廟宇或購買民宅酌量修葺期於合用一面分行各州縣查明境內或積存公項或就地籌捐如非司庫正雜款目俱准其動用報銷再有不足概歸牧令籌解現在需用銀兩一時不克籌集濟南等十府先由附郭首縣代爲措墊濟甯等三直隸州自行墊辦並飭派府州同城實缺佐貳一員以爲工所專管官直隸州與附郭之縣爲兼轄官諸凡應辦事宜會同專管之員妥商辦理稽查彈壓勿稍疏懈每月工所用項由專管之員核實開支造送兼轄官造冊詳報其不敷之款冊報該管巡道分別核明轉報藩司按照州縣缺分等次攤定數目如下月應行捐解銀兩卽於上月中旬解足倘延不報解准由墊銀之州縣稟司扣撥遇有卸任亦准作雜交抵至於各犯學習工藝不外編織竹器條筐布帶毛巾草帽縵之類責成專管官督飭工匠妥爲教導其人犯原有專門手藝聽其所能一併發給材料製成貨物應按照市價出售收回成本酌給各犯餘利獎勵罰情用示勸懲但收所各犯類乏馴良從前循例編發到配散處一州一縣人數無多易於箝束今旣責令習藝集數十百弛刑之徒於一

隅難保無倚衆逞兇乘間脫逃情事防範不容稍疏管束尤爲非易部章旣以疏脫收所各犯之專管官處分及看守兵役罪名均照舊例辦理自當遵照本不敢輕議變通無如各直隸州暨附郭首縣公務殷繁勢難常川赴所管辦致有顧此失彼之虞不得不飭派同城府經州同或州判縣丞等官專司其事而事有專責設有人犯脫逃等事吏議綦嚴該員干繫處分不啻代人受過未免情抱向隅查獄禁衆囚扁鎖深嚴疏脫之犯百不一見管獄官扣足一年防守無失三名以上照例准其紀錄一次每三名加一等十二名以上加一級數多者以次遞加今習藝人犯起居得以自由疏脫卽在意中雖羈禁之斬絞重囚與收所遣軍流徒不無區別而管束之責事異情同部臣原奏亦謂罪犯能逃於配所豈不能逃於工所是已舉及防守之難自宜諒予甄敘俾免偏枯應請嗣後收所習藝人犯扣足一年並無疏失六名以上專管官紀錄一次每六名加一等二十四名以上加一級數多者再依次遞加紀級以昭平允仍由該管道府嚴密督查力求實際務期日起有功以收成效並呈章程十條詳請 奏咨前來臣維創設習藝工所教養各項罪犯旣可束其身心復授謀生之術實爲意美法良該司等所擬辦法章程均尙妥協並因專管之員責任旣重酌照有獄官經管重囚防守無失量予議敘係於整飭之中兼寓體恤之意相應請 旨敕部核覆施行現據

各府州先後稟報開辦自應督飭認真經理逐漸擴充如有未盡事宜體察情形再行酌辦
謹繕單恭摺具陳謹 奏奉 硃批該部議奏單併發欽此

計開 一各知府直隸州治無論城內關廂擇其原有閒署倉廩廟宇或購買民宅各立工
藝所一區至少須屋四五十間外築堅厚圍牆內立廠棚柵欄留備委員司書辦公及人役
各犯棲宿工作之所遇有桀驁不馴之犯嚴行監禁以免滋生事端 一所內事務紛繁兼
轄之州縣勢難常川赴所照料必須酌派該府州同城之經歷州同或州判縣丞一員爲專
管官稽查工匠夫役及罪犯工作等事隨時督率彈壓毋使生事滋弊再設司事一人管理
出入銀錢貨品料物散放工食口糧書吏一名繕寫公牘及登記號簿每人犯十名設看役
一名雇匠人一名傳授工藝仍以人犯多寡定匠人看役名數又門役二名專司啟閉不准
擅離違者責革更夫八名輪流守夜巡更兼充一切雜差 一工所專管官一員每月酌給
津貼銀二十兩以爲夫馬工食之需司事每名月支辛工火食銀十兩匠人每名月支工食
制錢六千文繕書一名月支工食制錢一千五百文門役更夫每名月給工食制錢三千文
人犯每名日給口糧制錢六十文其餘筆墨紙張油燭等費及墊發購料資本約計一府每
年需銀一千五六百兩各直隸州需銀一千二三百兩統由所屬州縣本境動用無關司庫

正雜存款或就地籌勸捐助養廉按月報解工所收用概不准請領庫款以杜推諉。專管之員防守一府一州習藝人犯多則百餘名少亦不下數十名設有脫逃等事例應開參如無疏失似宜酌給紀錄加級以昭平允已於正摺內聲請聽候部議至該員辦理工所諸事或勤或惰應責成該管知府直隸州隨時查察酌記功過詳報院司核其一年之內記功多者給予外獎其積記大過三次以上無功可抵者撤去差使另行委員接辦。一司事匠人如能教督有方成效昭著夫役人等辦事勤慎並無貽誤統由專管官隨時記功儻有怠玩儉安亦即記過年底彙核積記大功三次者聲敘事由酌獎花紅仍會同兼轄官轉報道府備查其記大過三次以上無功可抵即行更換情節重者分別究懲。一各犯每日早作晚歇不給燈燭亦不得怠玩儉安及無故毀棄料物違者責懲計一歲休息之日恭逢慶典並每月朔望暨冬夏至端午中秋各停工作一日歲底新年各停工二十日儻值嚴寒盛暑或風雨改常或該犯患病並准停工由專管官臨時酌定並於朔望之日由書吏宣講聖諭廣訓並衍說各種善書務使人犯環聽領會以發其悔過安分之心。一收所各犯類皆粗魯之人能為鑊刻鎔冶諸工未必多有且功精費鉅造就亦難開辦伊始宜以工本稍輕易於暢銷者責成匠人悉心教導將來各犯中習藝有成如堪拔充匠目即令輾轉傳授

酌給匠人一半工食毋庸另雇工匠庶節經費以昭激勸 一收所遣軍流徒人犯類多不逞之徒羣居一處難保無口角鬪毆逞凶生事應責成專管官嚴加約束每日早晚點名一次各犯於習藝之時解去手鐐收宿之際仍帶刑具如有該犯親屬赴所探視除實係本人父母妻子祇准一人進所在於棚欄之外對衆敘話片時即令出去其餘無論何人如有擅自攔入者立即拘訊提同看役一併嚴究 一工所人犯除係強盜搶奪會匪棍徒等項之外工作年限既滿准在釋放之列者屆時由專管官冊報州縣轉詳府道司報院核明咨部一面取保省釋並將本犯名下衣物及積存餘利全數點交領訖儻司事書役人等需索留難或平日凌虐罪犯尅扣工食口糧以及買賣工料貨物查有浮冒侵漁等弊係司事追款撤換情節重者照例究辦係書役分別責革嚴懲 一各犯收所之初由專管官詢其曾習何項手藝察其質性酌核賞本多則值錢五千文少則二三千文督同司事發給匠人物料轉交該犯學習初習之時最易折耗材料全在匠人教導得力俾知慎惜依製貨售錢扣還成本再有餘利先以三成發給該犯添置衣履五成由工所收存登記二成歸公備充獎賞將來該犯限滿出所查其積存錢物如數發還俾爲營生之資至工作年限未滿以前積存餘利遇有新收習藝之犯暫行借作賞本庶免另籌如人犯在所病故其餘利遺物移傳屍

屬具領倘查無屍親除將該犯殮埋之外所遺財物歸公登記備用不准司事人役隱射侵佔違者究處以上共計十條合併陳明

伊犁將軍馬奏舊滿營協領博貴等呈請撥荒開墾請 勅部立案片

再查特古斯塔柳地方遼闊舊有水渠三道歸額魯特蒙部管理自遭兵燹子遺僅存地畝荒蕪渠道淤塞龍口亦皆毀壞額魯特蒙民向以游牧爲生不諳耕作僅將三道渠修復渠身不長墾地有限光緒二十二年前將軍長庚撥發經費將二道渠修復調撥練軍興辦屯務歷年已著成效惟頭道渠工大費鉅修復艱難渠北地畝荒蕪甚多若不早籌興修無水灌溉殊屬棄置可惜二十九年正月奴才等於奏請酌復新滿營兵額整頓田荒摺內曾經聲明二道渠南至山脚止撥歸新滿營經營如該營兵丁力能開渠墾種聽其報明領地等因欽奉 硃批著照所請該部知道欽此欽遵在案現查二道渠以此地畝歸新滿營兵丁屯種尙屬有餘業已另片奏請改官屯爲私屯歸新滿營廣爲開闢惟舊滿營原撥巴彥岱一帶旗地無多近年生齒漸繁上年節省餉糈又復奏明裁退馬甲一百二十名均次撥地安插庶可自謀生計據該舊滿營協領博貴等呈請將特古斯塔柳頭道渠迤北至二道渠止迤南至南山脚止荒廢地畝撥給該營設法開墾查明該處地畝向由頭道渠引用特克

斯河水灌溉勸估修渠經費以及建築屯堡製購馬牛農具約需銀一萬餘兩當此庫藏空虛萬難請領公款如蒙准其撥地情願闔營籌借公款於來年春暖冰消即行分撥退甲兵丁及閑散人等購辦物料募雇匠夫分工修作乘時興屯惟該處離城寫遠初年興辦匠夫牛馬需用糧料各處購辦擬請將新滿營官屯本年收穫各色糧食就近撥發該管領用按照新疆折發估撥糧料價值如數繳銀還庫等情前來奴才等查舊滿營兵丁向恃錢糧爲養命之源不事農業上年因節省新饑奏明將官兵錢糧減成支放兩年以來各官兵養贍家口頗覺不支近年各省協饑欠解每難足額倘不綢繆未雨以後支絀情形殊難設想今該協領博貴獨能仰體時艱籌措經費修築堡清地興屯不僅爲闔營謀衣食之資亦可爲邊地開通風氣將來遷駐操防與新滿營屯兵丁及額魯特種地蒙民互相聯絡聲威漸壯則特克斯河邊地一帶亦可稍厚兵力擬懇 聖恩俯如所請 敕部立案俾得認真籌辦謹 奏奉 硃批該部知道欽此

河南布按兩司商務局會呈表冊振興實業詳文並批

案查商部所以咨取土性表之意原爲專備考覈起見而職局振興農工商三事亦即憑各州縣之所稟報以爲辦事之根本本司職道等綜核參觀竊以爲豫省風氣初開商業尙未

發達注重要點專在農工查各州縣農產各品以麥豆爲大宗次爲棉花又次爲麻靛煙葉藥材等類果木所出不少然除棗乾柿餅外別無製品不能行銷及遠林業以榆柳椿楊爲多他項樹木概屬僅見土桑雖間有種植然以之飼蠶絲率粗勁而乏光澤其汝州南陽一帶全恃柵蠶桑蠶之利尙未普興至沿河二十餘州縣沙壓荒地一望無際其沙層之厚者每至丈餘未易遽施種植腹地平原雖皆土脈腴沃然水利未興施肥化土之術不講以致歲率歉收一畝之田未獲得半之效至畜牧則僅供食用惟懷慶一帶土製羊皮行銷本省此外毛羽骨角等項販運漢口並未成莊此農業之大概現情也工產各品以綢緞紗縐棉布爲大宗其餘如禹州鈞磁南陽線扇濬縣錫器葉縣銅器永甯河內之竹器鹿邑榮澤之草帽辦皆係著名之品惟絲質不佳織品難與南省爭勝洋紗輸入土布之銷路漸微其磁器等類大率舊式相循若不設法改良實無以闢利源而籌抵制惟草帽辦一項銷售洋莊爲數頗鉅然據榮澤縣報告歷查銷數年減一年是非選料加工力求進步亦不免有滯銷之虞此工業之大概現情也農工如此商何以興職局自設立以來仰蒙憲臺畫周詳疊飭各州縣廣種樹木興辦水利而又遠購桑秧頒發各處既於河北建立農務實業學堂又於省會設立工藝官局蠶桑局通飭各屬籌設工藝廠習藝所凡所以提倡而振興之早者

已定遠大之方針建富強之基礎本司職道等遵循憲意隨時規畫務期地利日闢製造日精土貨日多銷場日暢既於各州縣稟報時各因就地之情形本有之物產批飭整頓倡導至如紡紗磨麵捲煙紡麻陶器開鑛煉城各貿易非設立公司不能集事者俱已分別勸辦半載以來雖未遽收成效而民智漸開商情鼓舞深知此等公司皆有實在利益徒以資本未充旋議旋輟將來觀感既久必有起而達其目的者至各州縣奉文以後雖有辦理因循然實能考究一切認真籌辦者亦已不少近經職局詳蒙批准設立勸工陳列所調取各屬已成製品其陸續運到之件似已式樣漸新稍祛粗拙之病似此董勸兼施次第推行必當有成效可觀以豫省幅員之廣戶口之繁物產之多鑛質之富轉瞬蘆漢幹路南北接軌枝路分布東西又有周口道口兩鎮爲水運之要埠轉輸利便商業日趨繁盛可知本司職道等惟有加意講求切實督飭以副憲臺振興實業之至意除再分飭各州縣將土性表按季造報以資比較外理合將彙呈第一次表圖說緣由及河南全省農工商三事大略情形詳請鑒核轉咨伏乞照詳施行

豫撫陳批 據詳已悉呈到表圖說兩分候分別咨存仰仍督飭隨時加意講求認真提倡務期地利日闢製造日精土貨日多銷場日暢以興實業而拓利源本部院有厚望焉繳

江蘇安徽江西查鑛局籌議查鑛章程

一公所應駐江甯省城業已設局開辦所有開辦日期及委員銜名薪水差遣出省川資業經分別擬章開摺另文報查 一三省鑛產甚多業由職所移請甯蘇皖贛四藩司通飭各府廳州縣逐細查明有無鑛產已未開採逕報公所惟查各屬間有先曾稟報之案應請飭承檢卷札發職所俾便據案分別往查 一公所現聘華洋鑛師各二人幫辦王主事亦精鑛學據報附近鑛產擬飭分班勘查以期捷速離省較遠之處則派華洋鑛師各一人同往互相考證職道須常川駐所統籌全局勢難分身週歷履勘應俟委員鑛師勘查確係美鑛再行親往覆勘化驗以昭覈實 一鑛師分赴各省查勘須有各省就地人員引導情形始能熟悉如差遣不敷隨時隨地擬酌委員紳如有派查之件亦擬隨時酌委事竣即撤以節糜費 一派華洋鑛師分赴各屬履勘應先行知各該州縣妥派差勇彈壓以免聚觀滋事一切川資食用均由公所發給不准絲毫擾累商民經過地方亦不得任意逗留致滋別事所有勘定鑛山如有民間廬舍墳墓概從其舊不得遷動以洽輿情惟恐窮鄉僻壤未及週知已會同各藩司出示曉諭所有示式另文申送 一各處查報有需時日擬就職道已經訪查確實之海州金鑛滁州銅鑛及江西贛縣之紫銅鑛先派鑛師分赴查勘庶幾開辦之

始不致虛糜餉項 一查鑛須辨者五事 一山色 二石紋 三草木 四脈形 五苗質 派員往查必詳審山形是否豐隆 石紋是否堅結 草木是否茂盛 見脈即蹤引求苗獲 苗則力求礮礮獲礮則務求成堂 果係脈厚質佳 即分條詳晰繪具圖說 稟由職所隨時親往覆勘 化驗確有把握之後 再行稟請開辦 一覆勘應帶華洋鑛師 並需攜帶小號化驗洋爐 俾得隨地化驗 以辨優劣 又金爲水母 五金所產之礮 皆須厚水 而後取鑛 鑛愈美 水愈深 人工車屏有需時 日應備洋爐 並抽水機器 各一具 俾資應用 一有鑛州縣誠恐或有遇事畏葸 匿不舉報之處 應請嚴定章程 地方著名鑛產 如敢故意隱匿 分別記過 示懲 以免隱漏 一三省勘遍之後 擬將驗過苗質及辦理難易情形 分上中下三等 詳列總表 呈請查核 以一脈旺 二質佳 三運道近 便四附近產煤 堪資鎔練者 爲上等 其運道不便 或需遠處購煤 鎔練者 次之 脈不旺 質不佳 或運道不便 而就近又無煤炭 可資者 爲下等 將來集股開辦 先從上等入手 以期確有把握 仍將派查覆勘情形 隨時先行稟報 查考

江西全省農工商鑛總局陳列所章程

一本所之設 專爲改良土貨 擴充商務 起見 凡土農工商 俱可按照本所啟門時間 入內觀覽 互相比較 詳其土地之出產 究其製造之精粗 某物價值 合宜 某路之銷行 利便 庶將來

實業界上日有進步 一本所貨物除本省所出盡行陳列外其外國外省之部亦均擇要購備以資考求使實業家洞悉吾省貨物何種宜仿效何種宜改良知所愧勵知所振興日新月盛孟晉無已此豈惟吾江之幸福即富強中國之基將於是在 一賽會爲實業進步第一要著本所略仿其例無論本省外省各收藏家製造家或存古制或競新奇隨大隨小均可備樣定價交本所代售並可代寄漢滬市場以廣銷路 分職 一本所專辦紳一人一切事務俱歸管理俱擔責任 一正司事一人專管各處解來貨物繕謄清冊交副司事陳列架上并督率工人一切啟門後責任事務與副司事同 一副司事一人每日早起拂拭架上貨物一次其各處解來之貨俟正司事記冊後分類陳列架上至啟門後則宜往復梭巡不得稍惰以致誤事 一粗工一名專工每日灑掃及一切雜役約一來復須將門壁貨架上下用水淨抹次啟門時各守兩所大門毋致混亂出入之方向 規則 一本所定於每日一旬鐘起五旬鐘止爲外人觀覽之期逾時閉門不許擅入 一觀覽人衆進出擁擠招待殊難門內懸牌指定出入方向以免混雜 一房內貨物星羅棋布無論內外人等毋許在此喫煙誤致損壞 一架上貨物繁多觀覽人等惟許雅觀不得擅自取閱欲細心考究宜知會司事往取以免遺失 一觀覽人等如有損壞物件及器具無論失錯故意

總須加價賠償 一所內非陳列之地若樓若廳各處不得停步遊行以示限制 一所內花木原供賞玩觀覽人等不得任意摘取 以上各條事經創辦未能完備如有應行添改之處隨時補入

開平鑛務局控案倫敦按察使佐斯君堂斷錄 上海中外日報譯 上海捷報

此案乃張燕謀君與天津之開平鑛務局以下即稱之為中國公司欲請堂上下諭聲明一千九百零一年二月十九號之約足以限制各被告並使之照約辦理因該約不能限制各被告故各被告與彼等之代理人以誑騙之術訂立一千九百零一年二月十九號交產業之約是以該約須當置之不理而請堂上聲明被告若不照約辦理則不應把持該移交產業之約之利益此外原告又向被告索賠移交產業之約乃係英文由上海古柏律師擬稿帶至天津此約聲明立約之人第一面為中國公司與直隸省熱河鑛務兼中國公司督辦張燕謀君及該公司董事德瑾琳君第二面為模恩代理人苛華君第三面為被告公司該約除載有他事外亦載有一千九百年七月三十號所立之某約其大意實使中國公司之鑛務及產業交與被告公司該約又聲明中國公司一切之債務概由被告公司擔當并被告公司應賠償中國公司云云至於移交產業之約所載產業其價值若干則余可不必再言觀一千九

百零一年七月十九號該公司會議時領袖人所言之事已可知之矣該約文業已譯出華文約中所載之人名以張燕謀君爲最重彼不諳英語又不諳英國合辦公司之章程又不諳英國律例所立之華英文對照之約除被告公司外已由兩面之人簽字又由張燕謀君蓋有督辦礦務之印章以代表中國政府並蓋有中國公司之印章立約之地係在天津至於所立之約能否在中國移交不動產業則余不知之余恐此事不能辦到余見英文之約第三款有言中國公司與德瑾琳君應允被告公司將所有各約悉行簽字並辦約內所載移交產業一切之事等語此事在中國律例應如何辦理則余不知各面諸人亦未言及此事雖余屢請彼等言及此事然彼等終未言及

至於移交產業之故實由商議創立公司所致余可稱此公司爲華英公司在英國創立意欲保護該公司之產業以免爲團匪亂時所出之事所侵害並欲收用外人資本整頓該礦商議移交產業之人一面爲被告模恩與其公司一面爲張燕謀君與中國公司張燕謀君常得久居中國執役海關之外人德瑾琳君之助張燕謀君亦曾訂立數約言及新創公司之辦法及其章程當時彼此應允新公司之資本須有一百萬鎊以一鎊爲一股又另以三十七萬五千鎊之股交於舊公司之各股東作爲產業之全價或其一部又須設立董事兩

班一在中國辦事一在倫敦辦事至辦理在中國產業之事則歸在中國之董事辦理張燕謀君則爲該董事之督辦總管各事被告公司則已於一千九百年十二月二十一號由模恩或模恩有關涉之東方公司註冊查公司章程最要之事乃在照約辦理若稍有更改則須照公司章程第三款辦理該款有言凡公司立約必須照所定之草約辦理該草約又須有二人簽字以免有弊公司之董事必須照約辦理等語目下之案並無此等草約審判此案之時又未將草約呈上是以余知當時並未立有草約一千九百年八月彼此商議之時已將一千九百年七月三十號之約辦妥其大旨實由中國公司之代理人德瑾琳君將中國公司所有產業交於被告模恩之代理人苛華君當時彼此聲明苛華君不過作爲新創公司之代理人而已

被告與東方公司由彼等在中國之代理人及上海之古柏律師迫令張燕謀君將中國公司之產業交於被告公司德瑾琳君亦勸張燕謀君照此辦法但張燕謀君不肯將移交之約簽字蓋彼所立之各款言及新公司之辦法章程之事者未曾載入約內故也張燕謀君視該約爲不能保護中國政府中國股東及其本身彼之所爲甚合於理余又知約內並未聲明將三十七萬五千股交於舊公司之各股東作爲購買該公司產業之價因此張燕謀

君與被告之代理人以及東方公司之代理人古柏君彼此極力相辯已有四日之久苛華君業已自認曾以各種恫喝之詞恐嚇張燕謀君但後因古柏君再擬一約載明移交產業約中所未有之款故張燕謀君始允照辦被告之各代表人曾告張燕謀君謂今所立之約以此爲準即使各事得以照辦故張深信此事遂將華英文對照之約蓋印此約華文英文各一份已由被告模恩之代理人苛華君復脫士君簽字又由張燕謀君德瑾琳君簽字以余之意則該約與移交產業之約其爲重要一也古柏君乃係上海英國律師公司人員之一彼乃代東方公司與被告公司行事該約與移交產業之約之稿乃係古柏君所擬定當時彼此互相爭辯後德瑾琳君代表原告即張燕謀君於一千九百零二年七月二十五號致函於上海古柏律師公司告知其事有不合之處蓋該公司係被告公司之律法官古柏律師等於一千九百零二年八月十一號復函云因欲保持閣下即德瑾琳君與中國股東之利權故訂立此約即一千九百零二年二月之約此約與移交產業之約同日簽字苛華復脫士兩君與本律師明認該約爲限制之約以便將舊公司之產業交出約中各款定必照辦本律師已知閣下與張大人之地位故必將閣下之函抄錄一份由下次郵船寄與倫敦董事而由彼等照合宜之法辦理本律師亦必指出公司若不照閣下所請者辦理則所關甚屬重要等

語據苛華所供之憑證其意亦與此相同復脫士所供者則謂彼之肯將約簽字實因約文中除彼此日前應允之事外並無他事此語殊屬確實余今已知約中各款乃此事之根基各面之人均已明白此約乃屬最重之約可使原告將其產業交於被告公司余又知該約各款被告並未照辦被告公司與其董事不認該約作爲可行之約又不肯照各款辦理直至出案之時據被告公司所供之憑證則可知彼等並非不認此事然時至今日被告尙以移交產業之約爲據而把持產業據一千九百零一年三月二十七號苛華君所作之書即可知彼以勢力強奪產業之契據也以余之意觀之若任由被告公司把持移交產業之約之利益而藉詞不照該約辦理卽如苛華與復脫士係無權訂立此等款項之人或被告公司若不改其方針不能照約辦理則實有背於公平之宗旨此等失信之舉實乃國中律例所不容在本公堂之內若有購買真實產業無論其已否接收若彼不照約行事則堂上斷不許其把持產業凡有以契據收取產業者則彼必須照所定之約行事此乃律例之所必然也余意亦可將此施之於本案故移交產業之約與同日所立之約實與一約無異被告公司因未嘗將該約之意詳告張燕謀君與中國各股東或不便照該約行事故反謂該約必無所用又謂訂立此約之代理人並非奉命訂立此約其後被告公司與被告模恩君不

肯照約行事而置原告於不顧故致有今日之案

被告公司與模恩君均已上堂辯駁一切余不用將彼等之所言詳細斥駁今張燕謀君與德瑾琳君前來本國在余之前供陳一切余料被告必甚有不樂之意張燕謀君業已受審德瑾琳君與其餘諸原告已由被告之律師詳細詢問當審判之時余曾言及被告公司並未將該約斥駁以余之意被告雖斥駁該約恐亦未必有成其後模恩之律師又謂不能斥駁該約此即係該約足以限制各被告也以余意觀之該約不能作為約稿余又不能下諭使之照辦余又恐原告雖向被告索得賠償但余今已決意定奪一千九百零一年二月十九號之約必足以限制各被告若被告公司不照原約辦理則不應把持移交產業之約中所載之產業若被告不於合宜之期內照約辦理則本公堂定必將各鑛與產業送回原告以免被告公司與其代理人並執役之人把持產業今此案之重要之處即原告已得成功也

余今考究原告所索取之賠償被告公司常謂因照一千九百年七月三十號之約立有一千九百零一年二月十九號之移交產業之約故中國公司一切產業須歸被告公司三閱月之後東方公司因與被告公司其資本名有英金一百萬鎊每一鎊為一股立有一千九

百零一年五月二號之約故允將一千九百年七月三十號之約內一切利益售於被告公司而被告公司遂將彼之一百萬股內之九十九萬九千九百九十三股交於東方公司作為實股東方公司又付英金二千鎊作為被告公司註冊之費一千九百零一年五月二號之約乃於五月二十五號在被告公司各董會議時蓋印其時以五萬股作為實股交於被告模恩君又以十五萬股作為實股交於東方公司各董已決意將三十七萬五千股交於中國公司之代表人 即與以三十七萬五千股交於中國公司各股東無異 又將四十二萬四千九百九十三股交於東方公司代表人即除以七股為註冊之費外均為公司所有之資本余知四十二萬四千股於會議時並未聲明乃係實股但余知彼等常以此作為實股因此原告遂有不滿意之心設使五萬股與十五萬股 合共二十萬股 作為創辦之紅股則無故以四十二萬四千九百九十三股與東方公司之各代表人作為實股余甚不明其何故據所供各證觀之則中國公司已被騙去四十二萬五千股實有大損於中國各股東而彼等理應得三十七萬五千股也此等股份不應虛設其價理應在原價之上蓋原告有云中國公司之股東所得售產業之三十七萬五千股定必得有利但所得之股其價大跌出於意料之外被告藉詞辯駁謂二十五萬股送於購買公司債票達五十萬鎊者作為紅股殊不知發來此等債票中國

各股東均不知之原告曾謂籌借此項大債實屬不必蓋所借之款內有二十萬鎊並未施用不過存於銀行屬於被告公司若果用此款則亦可以知無用將股票給與他人余知發出之債票并未售於外人不過創辦人與其友人將所有之債票全行購買而已余料此等債票與四十二萬四千九百九十三股之實股目下尚在創辦諸人之手一千九百零二年五月被告公司各董事會議之事甚屬奇異余尙未詳細查考其事總之此事未曾照例辦理余恐不能使之得直中國公司各股東因所得之二十七萬五千股其價大跌故向被告模恩君索取賠償但所索者必視其有無背約方可定奪該約已由被告模恩及代理人苛華君簽字者實無可疑之處余並未在約中見得有聲明不發實股之語余又並未見有不許被告公司爲實在之事發出實股之語至於頒發實股與東方公司實乃模恩君一人之責任余不明其故總之余不能使被告模恩或其公司當受原告所失一切之責任但余之判詞不能有損日後被告公司或代表被告公司出而上控之事或創辦被告公司之人控告他被告之事

原告律師當開堂詢審此案時請余更改稟內之某句余已許之此語見於索償之稟內但第十三次審判之時原告又請余更改謂德瑾琳君

余恐彼係原告之代理人

肯爲此事者實因誤

信一千九百年十一月九號被告模恩君與德瑾琳君之函應允更改某項之事所致且又應允將一千九百年七月三十號之約加入所改之語再行簽字因此等更改以致所出之事甚多以余意觀之此等事件與此案無甚重要但日後所出之案與此甚有關係亦未可以逆料余意此等更改無甚利益余料原告亦不因此以致受損日前審案之時堂上之人並未言及所改者足以限制各人原告律師又請余更改數語謂張燕謀君肯將一千九百零一年二月十九號移交產業之約簽字者實因一千九百零一年二月九號苛華君與德瑾琳君之函內有誑騙之語所致苛華君並非被告不過模恩之代理人而已余曾攷究索取賠償之稟第十七款之末句余料此等索償並非有意加入若該約足以限制各被告並可照約施行則原告並不因張燕謀君將移交產業之約簽字以致有損故余不能允許所請改之語余之判詞亦有斷不損原告再控之事

此外尙有索償一項即張燕謀君失去職位故須向被告公司索取賠償張燕謀君目下不爲中國公司之督辦余不明其故安在原告索賠之故實因被告不照該約某款辦理余料此堂諭下後該約各款定必照實施行否則被告公司不應把持其產業被告公司理應交還一切之費用但不能由該礦所得之資籌措之至於賠償余今暫不定斷以俟此諭下後

其結局如何再行辦理被告公司又須付原告之堂費被告模恩公司亦爲此案中人之一因該公司近日之舉動致令堂費因之加大故彼亦當出彼所應出之堂費余又再作一言張燕謀君並未有失信之罪或不合於法之罪也

各省農桑彙誌

直隸 臨城縣近設農務局一所官督紳辦四鄉各選公正董事就近招集村民研究農學凡平地及山內之宜於種樹者已植則加意保護未植則隨時增加並嚴不時砍伐之禁又每年記各農勤惰分別賞罰以資鼓勵其所植者聞以桑棉爲最多云 宣化府馬廠荒地前由該府太守招人墾種近又派人至山東招募租戶每畝每年繳錢百文應用牛犁子種均由官發給其利與官平分現應募者已有多人云

奉天 外務部郎中李厚祐集股六十萬兩擬在奉省設一墾務有限公司業經具稟商部請爲代奏當蒙允准並賞給四品顧問官

山東 濟南府及登萊州等處皆創辦材木培植會相各處土宜栽種樹木濟南府所設之會已經招集股本銀三萬金不許他國人購票已在各州縣從事種植約逾三百萬株之數 樗樹易生易培植置於上自食自熟工省利多謂之樗蠶近泰沂青一帶養者頗多春秋兩熟前湖南會調購樗蠶種子並詢取養蠶留種以及烘繭練絲織造各法近已咨覆湘省 招遠立農桑會後所有種植各法竭力研究大有起色各村亦均遵章仿行近招民之往各縣販售樹秧者絡繹不絕設會之效洵爲神速

河南 豫撫陳彼帥派委蠶桑局總辦余太守維清攜資赴浙省湖州等處購辦桑秧運汴佈栽 南陽縣潘大令振興實業甲辰春間官紳集股設立蠶桑局拓地一百三十餘畝並由山東購取椿蠶飼養試驗計一歲春秋兩次收得新繭四十餘倍現將所收椿繭分送各縣並刊椿蠶法程一書以冀推廣又以南陽一府爲河南產絲最多之處近復備價呈請農工局代購湖桑四千株擬仿興湖蠶改良汴絲云

江蘇 甯藩司前委員赴浙購運桑秧十五萬株現經購齊裝運來甯茲將桑株酌定數目分發各處計江南蠶桑所二萬株上元江甯各一萬株句容六合高淳等處各一萬株江浦溧水等處各五千株江都甘泉高郵興化泰州各一萬株儀徵寶應山陽鹽城各五千株各屬自桑秧運到後鄉民走領者頗不乏人

浙江 杭垣西湖岸濱水之山下地畝類皆荒僻無主近由職商陳某等議創畜牧公司集款五千金即就該地飼牧牛羊雞鴨等牲并墾闢荒蕪栽種果木以收自然之利具稟商務局求請立案繳租并廣傳日本牧養新法業奉照准開辦湖北 農務學堂前由東洋購回桑秧多株栽植梅子山北一帶以備學生考察藝術乃該處地址近已改爲銅幣局自應建造房舍所置桑秧未免拔棄可惜馮韻軒大令特請各紳分植學堂

湖南 湘撫端午帥蒞湘後見該處重山荒野千里無障特就城外隙地植柳三萬株爲合省勸但恐採伐無禁妄用斧斤遂出示曉諭並嚴飭警務局勇加意梭巡如有誤伐一株者即罰其補種三株警勇失察者亦罰如例 農務局購辦浙省湖桑來湘廣爲種植現已運到七十餘萬株起存北門外先農壇農務試驗場發領定價每萬株繳洋一百零一圓零售百株千株均可已由局憲通飭各屬勸民購取 湘鄉李孝廉葆元訂購湖桑橡樹各一萬株約同志擇地與社於南洲沙港子一帶購荒洲一區修築堤岸栽種桑橡烏柏女貞等樹開須栽至二三十萬株并擬設農學館於該處以開

風氣云

廣東 嘉應州屬自黃鈞選觀察刊佈興山利說帖廣爲勸導各處人民始知山林有莫大之利源於是已種植者極力栽培保護未種植者亦設法聯鄉試辦近年州中銷木甚廣松柴亦甚昂貴凡有林木者均得巨利云 興甯靈山徧地向無謀種植之利者甲辰冬興民學堂倡辦種植洋棉實業先行調查種植之法刊刷分送并代購棉種分給同人現邑人已爭購地試辦棉利之興或可從此而起矣 長樂學務公所某紳思廣興種植之利已撥款雇工於城西河堤一帶栽種竹木數百株爲民勸導并筵邀附城士庶申明禁令廣爲講勸以學務公款兼營種植云 瓊屬感恩縣種植頗有成效該縣李大令光字以勸諭推廣種植情形稟請督憲批謂該令辨別土宜廣勸種植閱稟爲之嘉慰仰仍隨時認真講求務使田野盡闢出產日富以爲利用厚生之助云

各省礦務彙誌

直隸 職商沈壽赴商部稟辦宣化縣雞鳴山一帶煤礦當經商部咨行北洋大臣轉飭宣化縣謝令查勘該山東西長十五里南北寬五里核與定章請辦礦地不得逾三十方里之數不符故再咨行直督轉飭照章勘定礦地并批飭該商另行劃清界限然後發給探礦執照 職商張鵬元等近稟商部試辦曲陽縣野北村煤礦請給開礦執照旋奉批云據稟即經咨行直督查覆頃准咨覆商等在野北村辦礦並無違礙資本亦經驗實請先發給探礦執照等因今據該職商等稟稱礦煤因未領照未敢銷售請免予探照即發給開礦執照等情查閱前後所稟各節核與礦章尙屬相符惟未經稟領部照先已開挖出煤與部章稍有未合第念辦理已經就緒著即照准發給開礦執照以示體卹云云 又商人張文璠周萬然等赴商部稟請開採阜平縣神仙山煤礦當由商部咨行直督查復勘明四址核與定章相符商部因即准

咨發給開礦執照 又商人孫進甲集股五萬兩赴商部稟辦曲陽縣白石溝地方煤礦當經商部咨行直督查復尙無
違礙亦由商部發給探礦執照准其開採

吉林 琿春府屬之天寶山銀礦前經華商自行開採獲利甚豐嗣爲美商公利公司與礦務局總辦訂立合同歸美商
承辦奉前長將軍批准試辦在案詎日俄事起迄未開辦當將軍以該美商所訂合同業已逾限故諭飭招集華股尅日
自行開辦

山東 華德礦務公司德人畢象賢近於金嶺鎮探驗鐵礦並購買地段以備臨時開礦除由公司派員前往金嶺鎮探
驗外並由畢君函請魯撫札飭路礦局知照週知

山西 興和廳公興長商人集股銀三千兩承辦白腦包村煤礦稟奉晉撫張小帥批准試辦先由商務局發給諭單以
爲該商承辦之據一俟招股數出煤暢旺由該廳查明稟請發給憑單以昭核實至所議章程暨請援照大同煤礦定
章按賦抽釐之處尙須由商務局會同籌餉局核明詳報飭遵云

河南 泌陽縣所屬多山向產水晶墨晶茶晶三種極爲潔淨無綿暑泌陽縣方大令鎮庚近以交卸回省帶泌陽石
多件稟謁陳薇帥呈驗並面稟歸官採辦 武安境內煤礦極佳以周莊和村爲最所出紅炭可鍊五金而長亭山一帶
亦多鉛礦礦務總局已飭議集股先招百股開採周莊和村煤礦逐漸推拓再開鉛礦業經稟奉撫憲批准刊布章程矣

浙江 臨海縣屬胡賓莊之山頭許及何村之道堂山打鐵嶺等處均係煤礦前經縣紳賀瀚藩王夢蘭等設立赤霞公
司稟准臨海縣給諭試辦嗣因土法開採未能獲利事遂中止至甲辰冬賀王二人重擬招股開採現已集得巨款到滬
購辦機器聘請礦師 紹興陶君澄宣等請開餘杭車口阪地方煤礦現已擬訂探礦章程隨繳照費銀五十兩呈由商

務局詳奉浙撫聶仲帥咨請商部核復頒給探礦執照 衢嚴溫處四府礦務前經高君爾伊與意商訂立合同設立寶昌公司由意商開採此案奏准已逾兩年迄未開辦外務部已有電致浙撫聲明將該約作廢

四川 敘永魏公遠銅鉛鐵礦甚旺現有萬君相廷稟請集股開採該處姜太守已允轉詳立案 越雋應碧雞山產銅甚旺因在夷巢無人往採近經澤觀察查明稟請錫帥發帑開辦聞已允准 羅江縣大霍山素有煤礦未開茲邑中士紳李某黃某等合資試辦所取煤質甚佳並聞可以取油

廣東 慶府屬開建縣產有金礦業經委員開辦產金礦山共分數處桶流桶北黎九黎十皆有昔年開採舊穴礦苗以桶流山爲最旺係屬石金委員在山設廠并以機器碾碎山石每日洗出金沙多或二三錢零少或一二分惟色甚赤暗成色較低現擬先辦桶流再行推廣云 肇城外二十餘里之處層巒疊嶂自西北宋公坑起迄東隅盤古廟止金銀銅鐵錫水銀煤炭等礦苗最旺近有農民陳炳如向將軍嶺附近山頂掘塚葬妻竟獲礦質不少後由人化驗銀鉛兩質成數最高遂集議糾合公司稟官開辦

各省工藝彙誌

直隸 天津考工廠係於正月初六日開場任人入覽計至正月底止共發優待票三百五十七名普通入場票四千七百二十九名餘四星期婦女入觀者四千八百五十九人該場陳列品之售出者共一百四品其中以天津習藝所爲多云

山東 諸城縣王君喬堂素具巧思現造成織布機一架以一人運動之日可織布二丈二尺即擬呈農工商務局考驗 河南 職商馬君希援等擬在河北集股創設廣益紡紗有限公司約需資本銀五十萬兩訂有招股章程十五條由商

部議員胡道翔林呈部核准立案 衛輝各屬所產葡萄甚佳輝縣李大令仿西法釀酒所製葡萄酒一種已送陳列所
清列甘美與洋製無異而價甚廉大令擬勸集商股推廣製造各種洋酒以冀開通利源 汴省火柴銷路甚廣近有人
集股擬設耀華火柴公司共集股二萬兩已稟商務局批准集議開辦 尉氏縣工藝廠業經開辦招徠本地年幼學徒
分習製造洋皂紡織羅布毛巾並添製木器毛刷等藝以圖振興

江蘇 寶山袁觀瀾孝廉遊日本回華擬訪照日本手織機布各紳糾資萬金向日本購定手織木機就學海書院設廠
延聘女教習二人已於三月中開辦

安徽 宿州居安省北鄙生計狹隘小民乏術資生其年力強壯者大都投營入伍迨由各省遣散回籍途失舊業致成
遊民該州牧近就署前舊有廢倉屋宇重加修葺設立習藝公所收管流民罪犯訂有章程多條稟經江督批仰皖藩核
飭遵照 安慶張某糾集股本在皖垣西門外四眼井地方租定房屋基地開設裕昌肥皂公司廠已於三月下旬開廠
懷甯陳紳亦糾集資本在蕪創設機器織布廠業奉商部核准專利五年云 皖人汪君華甫夙精疇人之術近創製
一種屏水機器機括皆用木製一人手搖之可抵十數人之功曾經試演靈便無比每架十三四元較之舊式水車價亦
相等

浙江 衢州僻處山隅不知紡織近有駐衢勸辦閩省賑捐委員萬方潤二尹稟請衢府勸辦紡織工藝糾集股本四千
元先行試辦名曰利濟公司購備紡車布機延請男女教習分往四隅先教紡紗次教織布俟有學成轉相傳授一俟工
藝大興再行擴充業經惠太守轉稟大吏請准立案

福建 福州商政局總辦與泉永道王觀察蒞廈後以廈地木器粗劣價亦奇昂漆器更無人製造因擬在廈創設工藝

廠先將木漆二項精心研究現由福州雇來巧匠數人并辦齊各材料招選良家子弟年歲合格者識粗淺文字者二十名入廠學習所需經費由保商局給發並委駱驥尹何二尹經理其事已於二月初旬開辦

湖北 近有萬君炳臣集資數萬在漢陽赫山左近設立局廠製造鋼絲以興利源業已稟請商務局轉詳鄂督立案

長樂縣鶴峯州等處民人近學得製紅茶新法擬將茶葉收買成莊製成上等紅茶銷售外洋已由漁陽關地方紳耆爲首招股興辦即在城內租屋辦理一切 鄂垣益利織布廠聘請湖南竹匠仿造日本桌椅鏡架等物已成多件形式精雅頗合時用惟初造時考校未精本較鉅而價稍昂

湖南 湘省工藝學堂近已改爲製造局所仿造日本佩刀尤爲價廉物美撫憲已飭尅期趕造發各營弁領用

四川 四川高等學堂學生山陰陳潤之近用新法製成白墨以爲學校教授必需之品已稟准商務局立案保護商務局允准特製商標以示區別

廣東 粵督岑雲帥以皖省清節堂織布機器精美電磨全副機器並布樣郵寄到粵近已發交廣府工藝廠飭令按照布樣機件攷求仿織查皖省所織布樣係分柳條胡椒眼斗紋各種花色現工廠先將柳條布製造數疋再行核計成本酌量定價 張弼士京卿前擬倡辦振益公司製造土敏泥並赤磚瓦因製造各情尙待考察未遑集股開辦今京卿返自外洋於前項機本工師製造各要端均已探悉其詳確有把握遂即照章舉辦共招六千股每股洋一百元所有詳定章程及製造機器各圖式業經刊釘成冊以待認股者取閱 廉州府知府籌集款項暫借東山寺設立工藝廠延聘工匠在廠內教授無業游民及輕罪犯人已派紳董委員開辦云 嘉應周丞輝浦關心桑梓振興工業近邀集陳明經次修在州城倡設織布公司其機器擬做日本木機式樣該公司現集有股銀數千金一俟織機造就即行開辦云 歸善

縣劉大令宅心慈善凡監屬內繫縲人犯情罪較輕者各分別案情定以羈禁年期即就所屬之室教以粗工手藝隨時驗察現已分別舉行云

各省魚鹽彙誌

直隸 長蘆運司陸都轉因庫款支絀急思整頓鹽務而鹽務與漁業關係頗鉅非辦漁業公司則鹽務斷難起色因擬定試辦章程稟明直督奏開辦

山東 在籍王侍郎錫蕃經升任周玉帥奏派創辦漁業公司甲辰冬間在煙臺招得三十餘萬金今又回黃縣集股五萬餘金足可敷用聞近已開辦矣

江蘇 通州呂四鹽業張殿撰等擬大加改良提造洋鹽以求抵制現請王季同明經在師範學校化學處分化鹽質較之日本所產有過之無不及云

各國礦務彙誌

韓國 遂安金礦開採權已經韓外部特許日英美三國業於二十二日照復三國公使擬訂條約 意大利向韓國索取金礦利益一事嗣由意使與韓政府協議其條款四條一自立約簽押日起所需礦地由意國公司自行選擇以兩年為限二礦地面積須足十二英方里三礦內利權以二十五年為限四意公司將來以礦中所獲餘利每百分抽二十五分歸韓政府韓國旋派李在國為全權大臣與意使協議此事允其在韓開採一礦 韓政府新近查出礦山一百二十七處以金礦為最多計京畿道二處忠清道十一處全羅道九處慶尙道十五處江原道十三處咸鏡道四十八處平安道二十五處黃海道四處又平安黃海江原慶尙各道鐵礦最富平安道咸鏡道之白煤礦銅礦尤佳

實 業

九十六

五月

日本 日本現未得庫頁島即擬定將該島租於美人五十年美人按年償日本羅布一百兆元開辦該島礦務並可享
海中利權該島中諸事皆為美人掌管日人不得干預

脫蘭斯哇爾 南非洲脫蘭斯哇爾地之普利米亞礦內近有人掘得鑽石一枚重三千零三十二卡拉實為世界內之
最巨者云

婆羅洲 南洋北婆羅洲所產鑽石之礦苗現已經專家研究發明謂其泥質甚佳與鏗白蘭之藍色泥質相髣髴
在南非洲距華伯盾五
百里其地產鑽石

按
白蘭

商務印書館出版
字典類

華英音韻字典集成

洋裝 每部一册 價洋七圓五角
布面

企英譯書館編校○共集字語十餘萬言注以發音標其讀法繼以英字注釋華字譯義並綴文法字類音韻以英儒韜納耳本為宗譯義以英國羅布存德本為主並加增訂附圖千有餘幅異物奇器一覽便明末附英國假借他國俗語解義減筆字解記號彙釋及中西地名表全書一千九百十四葉鴻博精密昔所未有侯官嚴先生謂為獨出冠時世所寶貴非過譽也

華英字典

每部一册 洋裝布面 價洋一圓二角半
華裝洋面 價洋六角
連史紙

本館編譯○鄭君其照會輯華英字典頗便學界願世人尚嫌缺略茲特增益二萬餘字全書計四萬言釋義詳明注詞網羅雅并以文字聯綴成句以便選用附錄減筆字解各種記號有志西文者不可不手一編也

袖珍華英字典

洋裝 每部一册 價洋一圓
布面

上海南洋公學教習胡文甫先生編譯○詔興學堂習外國文字者益衆而英文為尤本館先輯華英字典集成華英字典兩種猶不足以供學界之用乃酌刪繁重輯為是編全書約四萬餘字製成小冊納諸懷袖最便翻檢嚴侯官先生賜序謂取了大義期於捷速簡當誠知本館之意矣

商務印書館
日俄戰爭
圖

日俄戰爭寫真照相圖

第四號已出
定價每冊
大洋二元五角

日俄開戰以來其一切勝負情狀各報章無不記載詳盡然百聞猶慮終不如一見之為實本館有慨於此特倩東京美術學校能藝之士用最新之照相法就其實地圖其實事計一巨冊共圖一百數十幅凡兩軍臨陣戰爭現狀纖悉無遺俾披閱是圖者如身歷其境一目了然至裝訂之精妙猶其餘事

日本維新人物志

洋裝一冊定價壹元
洋裝二冊定價八角

日本維新人材輩出或主尊攘或主革新殊途同歸要無二致彼邦宿儒岡本監輔精通漢學兼擅史才今著是書以餉吾國時會所至豪傑必生取而讀之其先導乎

代理總發行所

上海棋盤街中市

商務印書館啓

分售所

漢口 商務印書館分館

北京 公慎書局

廣東 新書報公司

隨處寄售

商務印書館出版
國文類教科書

文學初階

初學堂用

卷一卷二卷三卷四每册一角
卷五卷六每册一角五分

紹興杜亞泉著○書分六卷自淺入深循循善誘始以一二字相聯綴導其先路繼以三四字成詞句掖其進步依次遞進如升階然篇中詞句淺近意取明晰俟期童蒙易悟附圖數百幅凡飛潛動植服飾器用等類靡不惟妙惟肖首卷並列教授諸法尤便講解學生約半年讀一册足敷三年教課之用

馬氏文通

每部八册
價洋一元五角

丹徒馬建忠著○馬眉叔觀察精通臘丁法蘭西文字會惠敏文集紀其在法國學校卒業考試情形可為我國言西學者之先進矣是書專論中國文法疏解詳明開數千年未宣之秘觀察自序謂積十餘年之勤求探討方成此編可想見其下筆不苟今承書主以是書歸本館專印專售現售馬氏自印石印本

漢文教授法

每部二册
價洋六角

偉廉主人譯輯○作文之學中國向少法程初學恆以為苦是書備採古大家名文辨別體裁區分門類由何法而段法而篇法逐一講明條理清晰教授之法此為捷訣

伊索寓言

每部一册
價洋三角

國縣林紆侯官嚴培南嚴燦合譯○伊索產自希臘距今二千五百餘年是書藉草木鳥獸問答之言語寫人情世態使人知所勸懲泰西各國學堂無不譯成本國文字用為課本是書據英文本譯出詞筆雅雅足稱原書聲價林君並逐誤附加案語發明真意旨深詞整附圖數十最資啓發誠少年絕妙之教科書也

商務印書館出版
歷史類教科書

學務大臣審定
中國歷史教科書
中學用

每部二册
價洋一元

本館編輯○學堂科目莫要於本國歷史此秩分爲七卷歷朝大事無不備載繁簡適當斷制謹嚴可爲現時中學教科善本

最新中國史教科書
高等小學用

每部二册
價洋四角

餘杭姚祖義編輯○上起五帝下迄兩宮回鑾下詔變法之日凡分兩册共二百四十課約十萬言文辭雅馴體例精當至敘述國朝事實立言得體無一毫時下囂張之習並附歷代圖表尤便檢查

國史初級教科書
高等小學用

每部一册
價洋三角

本館編輯○凡分三卷一上古史自太古至戰國一中古史自漢至隋一近古史自唐至今撮要提綱有條不紊展讀一通可以瞭然於四千年來之大勢文詞亦簡潔名貴足稱史筆

學務大臣審定
西洋歷史教科書

每部一册
價洋五角

日本本多淺治郎著出洋學生編輯所譯○書凡六編首古代史二中代史三四五皆近代史六最近史條理井然首尾貫串每事皆摘舉綱要列爲款目尤便記憶地名人名均附注原文亦便查檢

交通

書英國修改濬浦章程後 節錄乙巳二月十一日新聞報

黃浦為海上交通之樞紐。商務之利賴其急。宜修濬以資利便也。久矣。僑滬各洋商以中國海關所收船鈔移作別用。不依各國通例。即以此款修濬河道。怨言朋興。辛丑議約時。各國全權大臣遂以修濬黃浦一事。納入第十一款。並議定修治黃浦河道局章程。列作第十七附件。此約宣布後。江督劉忠誠。滬道袁觀察。皆深以為慮。蓋照約辦理。則滬道祇為該局委員十餘人中之一人。見和約第十七條之甲。及招商局員。第十七條之乙。不可不察。凡中國主權所可及者。不過十之二三。是黃浦全港。自龍華港至揚子江。第十七條之丙。凡中國主權所可及者。不過十之二三。是黃浦全港。自龍華港至揚子江。紅色浮標止。第十七條之丙。皆與各國共之。非我所有也。於是自認濬浦全費每年四十六萬兩。而欲廢此第十七附件。魏午帥繼之。另議辦法五條。咨請外務部交各使商辦。夫欲廢全權大臣所定之約。至難也。然各使已允修改。惟先要以中國必有的款可保。繼要以另訂章程耳。其所以然之故。實非因中國之一再懇求。而以第十七附件第三十所載籌款之法。非各洋商所樂從也。不然。此約訂定三年矣。各洋商苟願照約納捐。早已集成鉅款。

交通

三十一

乙巳

稟請駐京各使據約力爭何慮乎中國之不肯交出半費而蹉跎至今尙未開辦耶內情如此。而中國適欲悔議。於是英國遂定修改濬浦章程十二條。要請中國與各國另訂專約。其第一第五第六第七第八第九各條均與主權無礙。蓋即中國之所欲也。而我之所不能不慮者厥有二端。

一、中國以期票二十張。每張四十六萬兩。交公使會作保。俟中國每年將現銀四十六萬兩撥作濬浦之用。而各該國領事以爲河道工程均係勤慎堅固。始准每年註銷一張。即第六十

二、各該國駐京使臣如以爲此項工程非勤慎堅固。則仍照第十七附件辦理。但第十七附件中之第三十所載捐款皆可豁免。蓋可仍執中國之期票。每年向中國索銀四十六萬兩。而無須各商捐助也。即第十二條大意

夫曰各該國而不曰各國則是各國領事之中有一國領事不以爲勤慎堅固即可將本年期票不還使中國全年所費四十六萬擲之東流而再按期票向中國索銀另辦也。則是各國公使之中有一國公使不以爲勤慎堅固即可仍照和約附件奪去中國黃浦之主權而款則仍由中國獨任萬一各國之中有一國借端挑剔則中國既失主權又受巨罰內外大

吏力爭三年者所爲何事耶。

章程第二條。中國所用修濬黃浦之工程師。須由各該國駐京使臣多半應允。是則所聘工程師必爲名家。不慮工程之不能勤慎堅固矣。章程第十十一條。全費由中國獨任。交之以期票質之。以的款。是則經費斷難少欠。亦不慮工程之不能勤慎堅固矣。而必要求此二端。以啓他日無端之交涉。何耶。

夫不予中國以收回主權之利。則必照和約附件辦理。照和約附件辦理。則附件中第三十條。籌款之法。爲各洋商所不願。欲爲兩全之策。仍用附件之三十七條。而廢去附件第三十條。則必暫許中國以收回主權。而隱伏禍根。以爲他日仍奪我主權之本。用心可謂狡矣。願吾外交諸大員。勿墮其計中也。

四川總督錫奏川漢鐵路籌費開辦議定集股章程摺章程附

竊維鐵路興築固難籌費尤難。然若集借外款。應者爭至。則亦未爲甚難也。惟川漢路工上年奴才在京與兩湖督臣張之洞再四熟商。均主自辦。曾經奴才屢疏陳請。川省士紳遠邇同詞。亦皆力請自辦。但計里四千有奇。計費五千萬以上。中國招集民股。最爲難事。川省地居僻遠。耳目拘隘。昔爲鄰省辦鑛等股。寸效未睹。至今人多畏之。驟欲集數百萬股之多。此

誠難之又難者也。奴才督飭司道及該公司並與在京在籍諸紳往復熟商，惟有開示誠心，祛疑惑之端而破庸俗之論。一則將修路關係全川之故利害得失詳明曉諭，一則民間恆慮出資後事或輟於半途，款或移於他用，茲將公司內官款民款悉作股本，無論異日有何項急需，決不提挪。一則自辦者即不招外股，不借外債之謂也。而士民猶恐持之不堅，將來中外紛歧利權侵損，茲當首嚴其戒，期於始終一致。如非中國人之股公司，概不承認。經此定議以後，稍明時務之人汲汲焉不俟終日，即竅敗寡聞者亦不似從前以建軌爲駭怪。該紳等咸請公司酌擬集股章程，選舉端人分途廣募，並請仿照歷屆辦理積穀等項，按租出穀百分取三，意在輕而易舉，積微成巨。該公司又請在重慶府城試鑄銅圓，撥其餘利充作公司股本。綜此數項，雖尙無實在確數，然按年皆爲有著。此外如有可籌之款，不涉苛細煩擾，尙擬陸續興辦，籌費既有成議，審路考工，又不容緩。水陸之險皆在川鄂接壤之區，應從宜昌開工，先能修至萬縣，即可避峽江覆溺之患。商貨頓易流通，軌料均便輸運。電商兩湖督臣張之洞意見亦復相同。將來勘路興工，購料諸事當再會商。張之洞悉心籌畫，通力合作。一俟商定另行專摺。奏陳謹 奏

謹將川漢鐵路總公司集股章程繕單恭呈 御覽 第一章集股總章自第一條起至第

十條止 第二章認購之股自第十一條起至第二十一條止 第三章抽租之股自第二十二條起至第三十五條止 第四章官本之股自第三十六條起至第四十一條止 第五章公利之股自第四十二條起至第四十六條止 第六章付息總章自第四十七條起至第五十五條止 第一章集股總章凡十條 第一條川漢鐵路係 奏明自辦川省紳民皆自願籌集股分懇請不招外股不借外債是以專集中國人股分其非中國人股分一概不准入股並不准將股分售與非中國人以符 奏案 第二條凡入本公司股分之人即係承認本公司章程一切均應恪守定章不得妄生異議 第三條本公司以庫平銀五十兩爲一股每股填給股票一張將來支付股息紅利及一切開支均照此平各州縣分局均由本公司發給庫平五十兩砵碼一分以歸一律 第四條本公司凡有入款無論官款民款一律作爲股分按股填給股票俟全路告成之後停止收股即將自開辦之日起至路成之日止動用款項合計股數作爲實在成本假如用銀五十萬兩即作一百萬股 第五條本公司股分 奏明專爲修築川漢鐵路之用無論地方何項要公不得動用此項股本 第六條集股之法約有四端一認購之股即以已資入股者二抽租之股即按租計穀抽收者三官本之股即由 國家庫款撥作股分者四公利之股即係本公司現時籌款開辦

及別項利源以餘利作爲股本者以上四項均各另有專章 第七條本公司股票無論官款民款均按周年四釐行息自收銀之下一月初一日起算另有付息專章 第八條本公司俟路成開車之後將所收搭客載貨脚價按年總結一次起除本年應支各項及各股應得四釐息銀外先提十分之一作爲公積以積至成本十分之五卽行停止其餘仍作十成以三成報効 國家以六成作爲紅利分給公司股東以半成作爲歲修以半成作爲花紅獎給鐵路在事員役 第九條本公司每年收集股數動用款項均按年列表榜示登報布告仍刊印多張以供衆覽開車以後並將公積報効紅利花紅等項詳細列入表內榜示期限詳載第四十九條其本公司每月收支帳目按月造冊詳報並於門首榜示惟祇能開載省城公司進出之款其各州縣分局收支之款造報先後不齊未能備載祇能由各局按月造冊稟報公司一面自於本局門首榜示周知 第十條本公司所定籌款章程若將來有應行增減之處應隨時會商總董副董及本省紳商集議酌定 第二章認購之股凡十一條 第十一條凡官紳商民自願入股冀獲鐵路利益者卽作爲認購之股辦法如下 第十二條本公司集股以五十兩爲一股凡認購股票者卽按每股五十兩之數向本公司總售股票處及各州縣所設代售股票處購取或交紋銀或交銀圓均聽其便 第十三條本

公司總售票處即設在成都市城岳府街總公司內其分售股票處均由各州縣附設分局以便各處入股之人就近購票 第十四條本公司開辦伊始利益尙未顯見認購股票之人自不免意存觀望必賴有人提倡勸集方能踴躍從事應延訪在省公正紳耆作爲集股總董副董並飭各州縣選派地方紳衿商富夙負衆望者作爲勸辦川漢鐵路股分董事 第十五條凡勸辦股分董事及并未充董而能勸集股分數在五千兩以上者酬給銀五十兩一萬兩以上者酬給銀一百兩勸集愈多者以次遞加如願領股票不領現銀者亦聽其便 第十六條本公司專爲保守利權惠商便民而設遇有疑難事件自應博訪周諮公司一切事宜均隨時會商總董副董辦理其各州縣分局勸辦股分紳董遇有應議之事准其直達公司凡屬股東如果確有見地不妨條陳聽候抉擇惟不得干預本公司用人行政之權以免築室道謀事權旁落諸弊若公司在事人等及各州縣分局員司暨董事人等有舞弊情事但入有股分者皆許指實證據稟請確查懲究如敢挾嫌誣陷訊明照例反坐 第十七條凡勸集股分五萬兩以上者彙案 奏獎五十萬兩以上者專摺 奏獎五百萬兩以上者 奏懇破格優獎以示鼓勵 第十八條認購股票之人祇准取息分利不准提取本銀儻一時需錢使用准將股票轉售與人惟須將承售之人姓名住址詳細報明本公司

交通

三十七

乙巳

換給股票若距省路遠卽在各州縣分售股票處所報請換給股票亦無不可仍由分售處隨時報明本公司註冊查考惟祇准售與中國人儻轉售或抵債與非中國人本公司概不承認股票作廢 第十九條本公司股票商民購取後如有遺失卽赴本公司報明所失之票係何號數何年月日在何處入股領取已付過息銀若干現於何處因何遺失詳細聲敘並邀同殷實紳商公具保結聲明日後如有糾葛歸承保人是問本公司查對存根底簿相符准予補填給執如在距省較遠之處亦准報由分售股票處寄呈本公司核明補給惟均須由失主將遺失原委股票號數登諸報章聲明無論何人拾得作爲廢紙如有糾葛惟保人是問俾衆周知以杜流弊其抽租及官本公利各項股分一律照此條辦理 第二十條此項股票紳商士民旣均認股川省官員亦當分等按年認股以見官民合力舉辦一律按數填給股票 第二十一條凡川省商賈應一律議章勸令入股領票或按年攤認或一次總購均聽其便儻能於自認之外邀集股分較多並准照第十五條第十七條分別鼓勵 第三章抽租之股凡十四條 第二十二條凡按租抽穀入股者卽爲抽租之股辦法如下 第二十三條抽穀辦法以湘省紳士所議按租均抽之法最爲平允現擬量加參酌並仿照本省上年初辦積穀及辦團辦捐成案變通辦理凡業田之家無論祖遺自買當受大寫

自耕招佃收租在十石以上者均按該年實收之數百分抽三假如收租十石者即抽穀三斗一百石者即抽穀三石以次遞加照算無論公產廟田一律照抽其收租不及十石者免抽 第二十四條按租抽穀無論多寡均隨時填給收單儻照時價核計數至五十兩者即將收單繳換股票一紙其不及五十兩者聽將收單自行收存俟積成股數再行換領股票如願添繳現銀換領股票或轉售與本縣之人湊領股票均聽其便惟凡係因抽租入股者無論何人均應遵照第十六條章程不得因有抽租股分干預本公司路權 第二十五條此項按租抽穀之股數至五十兩已領有股票者自照股票計息章程辦理其不及五十兩僅領有收單尙未換領股票者一律照給息銀每年由各分局將何鄉何人應得息銀若干接鄉繕具清單分貼各鄉俾衆周知於付息之月持單領息由經管之人即在收單內批明何年月日付息若干字樣 第二十六條按租抽穀路成之日即將抽穀之股停止遇有別項派捐不得援以爲例 第二十七條按租抽穀應責成川省各州縣自光緒三十一年收租之日開辦選派公正紳董按鄉稽抽均由各州縣於奉文一月內酌擬辦法稟報本公司核定總以不假手胥役以杜騷擾爲主開辦之時另定細章飭發各州縣遵辦 第二十八條抽收之法先由本公司酌定冊式札發各州縣照式刊刷多本分發各鄉派辦之紳董團

交通

四十

五月

保將該處共有田土若干何人田土若干上年收租若干如上一二年係大豐大歉之年不能為例者即再推上一年以期得中本年收租若干均按大春計算或穀或雜糧或乾租逐細填明其收租不足十石之戶一並開列註明照章免抽呈由州縣選派妥人復查如有與上年租數大相懸殊者尤宜追求所以相懸之故所查如均屬實即照册榜示該處定期抽收其中儻尙有訛錯許各戶自行陳明一面將各鄉呈開應抽總數先行彙造清册稟報本公司查考遇有地方水旱成災收成不及三四分者即將被災地方本年租穀停收 第二十九條按租抽穀若取本色既多儲運售變之煩又恐經手之人將升斗高下其手易滋流弊自應按各鄉市斗改收折色以期兩便統按該處新租上市之日價值作為定價或銀或錢均照該處向來市面行情辦理以期因地制宜便而不擾仍由該州縣將開收日期折定價目稟報本公司查考 第三十條各戶完繳抽穀折價即隨時填給三聯收單其收單格式由本公司酌定札發各州縣先期刊刷俟將各戶租數查定於單內照册填寫加蓋印信發交各鄉紳董團保收取掣給收單彙交城中公所 第三十一條各州縣將按租所抽股本督同經管紳董隨時批解本公司兌收不加平水火耗其解費運腳並准照津貼章程開支並將收單存根及查報租穀清册一併解送本公司磨對 第三十二條各業戶應抽租穀若敢違抗不完即由經理之紳董團保稟

請州縣官提案究追以爲吝惜私財阻撓公益者戒 第三十三條此項抽存租穀股本均由地方官紳互相稽查鈐制除本公司札飭撥付款項之外無論地方何事不得動用分毫儻有虧短挪移或延擱不解均由本公司分別詳請記過撤參追繳以重公本 第三十四條各處經理抽穀之紳士團保於開辦第一年辦理得法查報公平收解踴躍准由地方官擇尤稟請給予外獎或賞功牌或給匾額以後如經辦三年無誤准給外獎一次一段路成准擇尤 奏獎若自開辦之日起至全路告成之日止始終在事辦理得宜毫無貽誤准詳請按照異常勞績 奏獎以示鼓勵 第三十五條各州縣收解此項抽租股本限定十一月掃數如辦理得法一無騷擾貽誤首先全數收齊報解者准由本公司立予詳請外獎實缺者卽行調優署事者或予留署或予調署其全數收齊報解在十月以前者實缺詳請記功候補詳給酌委以示鼓勵若遲延不解或抽收不力者亦卽分別詳請記過撤任 第四章官本之股凡六條 第三十六條凡以官款撥入公司作爲股本者卽作爲官本之股辦法如下 第三十七條官本之股亦以五十兩爲一股按股填給股票自本公司收到所撥銀兩之下一月初一日起算周年四釐行息路成之日照股分給紅利 第三十八條官本所得股息紅利均按年解歸原撥之衙門作爲公款存候撥用如由藩庫撥出者息利均歸

藩庫如由鹽道庫撥出者息利均歸鹽道庫餘均照此類推 第三十九條現由藩庫撥歸公司之寶川局鼓鑄存本銀二十八萬兩即作為官本之股 第四十條凡撥作本公司官本之股無論何項要公需款均不得向本公司提取股本 第四十一條凡借撥存放生息公款祇能作為本公司借款仍照原放息數按期計息一俟股本充足即先將借款提還不得以借款作為股本以免利息偏重致損商本之利 第五章公利之股凡五條 第四十二條凡因本公司現時籌款開及別項利源以餘利作為本公司股本者即作為公利之股辦法如下 第四十三條公利之股雖其事本因鐵路始行議及開辦究與鐵路係屬兩事祇能提取其利作為股本不能即據其利為公司所私有是以名為公利之款仍按五十兩一股填給股票 第四十四條公利之股每年應得四釐息銀及路成後應得紅利均按年照數提存會同各該專管之員報明聽候撥作地方緊要公用 第四十五條現擬試辦銅元業經本公司會同機器局總辦詳定提借存放當舖鹽局公款銀一百萬兩並在票號借銀五十萬兩在於重慶設廠試辦所得餘利除照當舖鹽局原認息銀數目按季報解並提還票號息款外其餘全數撥作公司股本仍按五十兩一股掣給股票新設之廠暫歸公司管理收支帳目另行造冊按季詳報並移明機器局存查不與公司出入款項相混以清界

限而免膠轕仍俟股本充裕即將重慶銅元廠撥歸機器局管理 第四十六條此外如製軌之鐵墊路之木行車之煤皆係川省出產若因開辦鐵路由公司撥借本款開採其中質料有非鐵路所需或爲鐵路用有餘剩者自應隨時轉售所獲餘利亦歸公司路成之後起除借動公司原本儻尙有餘存亦作爲公利之股惟川省所產之鐵之木之煤能否合於鐵路之用採取有無利益仍當細加考察再行詳辦 第六章付息總章凡九條 第四十七條本公司息銀無論官款民款統按四釐行息自收銀之下一月初一日起算製有息摺凡有入股之人填給股票即隨發息摺一扣惟股票以五十兩爲一張息摺則無論入股多寡均按人發給一摺假如某甲入股銀一百股即給某甲股摺一扣載明股銀一百股每年應付庫平息銀二百兩餘均仿此 第四十八條本公司開辦在光緒三十年之十二月以後均以每年之十二月爲付息之期無論總售票處及各州縣之分售票處均在此月內付息以歸一律其有入股尙未及一年者均按月除閏攤計所需息銀即在收存應解項下截留支付抽租之股一律照辦 第四十九條付息既以十二月爲限結帳自應在付息之後以後各分售股票處限正月內將一年收付之帳結報本公司本公司於每年四月內將一年收付之款列榜曉示登報布告路成之後即將每股應得紅利數目隨榜揭明以便各股

東按股支取 第五十條本公司在各州縣設有分售股票處每屆付息之期在何處入股者即可就近在何處付息 第五十一條本公司股分每股每年計祇息銀二兩各州縣分售股票處用人無多誠恐付息之時平色高下未能劃一易滋糾葛現由本公司刊刷付息鈔票每紙一兩發交分售股票處按股發給隨時兌取若願領現銀者亦聽其便 第五十二條此項付息鈔票若得息之人以之完納錢糧釐金關稅均一律照收不准推託刁難州縣釐局稅關等處收受之後如積成整數寄至省城公司取銀備作解款以省匯兌運解之煩者亦聽其便 第五十三條入股之人如將股票全行轉售他人者須將息摺二併交與買主赴本公司及分售股票處報明換立息摺給執若未屆付息之期息銀應由售主買主自行劃算本公司不能代為分割 第五十四條入股之人如將股票轉售並未售盡者售主買主須同赴本公司及分售股票處報明將本主息摺批明於某年售給某人股票若干仍存股票若干另立息摺與買主分執以後即照數分取息銀其未足一年息銀仍由買主售主自行劃算 第五十五條入股之人如將息摺遺失照第十九條遺失股票章程辦理

駐華英使薩道義致外務部修開濬上海黃浦章程照會

修濬黃浦一事本大臣曾於三十年五月初九日以貴國現擬新章各節自應咨報本國等

語照復貴親王在案茲奉本國復文囑爲照復於左據稱海關稅餉三十餘年之內已爲外國借款及庚子賠款之抵若將此項撥歸他用本國何能應允然此舉既由中國政府情願自行辦理諒有他款可撥且中國政府欲將和約第十一款第二段及附件第十七一律廢止另易辦法務須先將所擬辦各節登入另訂之條款其鄭重之處視與公約無異本國政府方能襄助竊以爲此項另訂條款首端應敘大略如下 辛丑和約所設黃浦河道局及該局應辦事務并應收款項各節中國政府現欲另定辦法自承其工并認全費各該國使臣亦然應允另定辦法云云 本大臣查除本年四月二十六日來文所載各節外另擬數端均爲保全工程捷速妥穩起見如能首肯本國政府即准本大臣與貴國商定辦法所擬各端條列如下 一所有改善及保全黃浦河道并吳淞內外沙灘各工統由江海關道暨稅務司管理黃浦江面之巡捕及衛生驗疫等事仍照辛丑和約未簽押以前之章程辦理 二此項條款畫押後三箇月內中國政府選擇熟識河工之工程司員將其姓名咨明各該國使臣查核使臣中多半應者政府即行委派酌辦倘開工後工程司出缺其選擇查核應允委派各節仍照前法辦理 三凡立合同辦理河工購買材料機器等事均須邀商公同投標以最宜者得售 四每三箇月須將河工所用各款開繕清單呈各該國領事官查

交通

四十五

乙巳

核 五凡新築駁岸馬頭并安設活馬頭及河面停泊躉船各事務須由江海關道及稅務司允准方能舉辦 六凡泊船處所江海關道暨稅務司均有取捨之權并有權設公共泊船之處 七濬河各工非由江海關道暨稅務司允准督修不能興辦 八凡改善保全黃浦河道及吳淞內外沙灘各工所應用之地江海關道暨稅務司均有購買之權如照此議酌有租界內外之地段宜於採用即按上海洋涇濱北租界章程第六條 A 字辦理地價即由業主本國之領事官及江海關道會同稅務司并領銜領事官各舉一人斷定 九河岸地段前若因改善河道之工增加淤灘應先儘連界各該地主願否買用地價仍照前條斷定 十河工全費由中國國家一律承出 十一條款簽押後三箇月內中國政府應將期票二十張交與領銜駐京大臣收存每票四十六萬兩查明某款爲實由簽押日起每屆一年一票期滿後上海各該國領事以河道工程均係勤慎堅固報明駐京領銜大臣由領銜大臣將是年期滿之票交還中國政府註銷 十二如簽押後六個月內中國政府所出款項不足舉辦工程及購買此巨工足用之材料機器等物或無論何事各該國駐京使臣如以爲此項工程非勤慎堅固則除以上所存之票不廢外可將此新立條款註銷之意知會中國政府并可要求無論中國是否派員充當河道局董事及除附件第十七第三十條所

載該局進款有外國地產船隻貨物征抽各節作罷外仍照辛丑和約第十一款第二段及附件第十七辦理將擬設河道局之權重行掌握一似新條款未曾定立者各該國使臣即能將以上所有未曾注銷之期票如數呈收抑或斟酌工程應用情形於市面出售 以上各節足見本國政府甚願玉成貴國之意將成章更改另定新法較行愜當合行備文照會即希速行見復須至照會者

鐵路總公司與福公司商訂河南道清鐵路借款詳細合同

第一款 光緒二十四年四月初一日即西歷一千八百九十八年五月二十一號山西商務局與福公司訂立晉省之孟縣平定州潞安府澤州府平陽府五處煤鐵合同又光緒二十四年五月初三日即西歷一千八百九十八年六月二十一號豫豐公司復與福公司訂立豫省懷慶左右黃河以北諸山各鑛合同該兩合同均經遵照光緒二十四年閏三月二十七日 諭旨由總理衙門簽約准行在案查該兩合同第十七條云應准福公司稟明巡撫由鑛地建造鐵路接至幹路或即逕達水口福公司前於一千九百零二年開辦豫省修武縣煤鑛並會稟明豫撫准由鑛地建造鐵路至衛河之水口曰道口鎮現經英國駐京大臣請將該路歸中國鐵路總公司辦理與外務部商明由督辦大臣與福公司商訂合同

澤道鐵路現分兩段一由道口至清化鎮左近計長九十零半英里一由清化鎮至山西澤州左近約長三十八英里左右其道口一段由福公司承辦現已將次完工現在商訂合同專為辦理此段鐵路起見至由清化至澤州一段現經商定且待福公司在澤州一帶定期開辦鑛務後再由督辦大臣與福公司另行續訂合同籌款建造一切按照此次所立道口至清化鎮鐵路章程及正太鐵路合同參酌辦理 道口至清化鎮一段價值連車輛以及福公司已用之款悉照華工程司所估之價並查照憑單應付之款係英金六十一萬四千六百鎊現為寬籌款項俾於車務尙未暢行之時作為辦理行車各事經費及借款利息經督辦大臣訂為七十萬鎊即借票七千張每張一百鎊每年按五釐行息名曰一千九百零五年中國 國家河南鐵路五釐借款 第二款 由以上之七十萬鎊內發票六千八百二十九張每張一百鎊照票面之數按九扣核算合英金六十一萬四千六百鎊以還上云已用之資本此票即於鐵路交與中國之日交福公司其利息由發票之日起算福公司當時將起初行車至交路之日止所有未經載入估單內之創辦行車及預備陸續一切行車需用經費開呈單據請總公司核算其行車經費除將行車進款扣抵外如有不敷之數彼此議定各認一半又由一千九百零五年正月一號至交路之日止其資本應得利息共計

若干一并由餘剩之票一百七十一張內仍照票面之數按九扣核算付還福公司以上指說二款之數後如尚有餘剩則歸總公司備用倘交路之後行車進項不敷按期發還本息亦可向福公司續借 借票內應刊之文附錄本合同第一專條由出使英國大臣代中國國家簽押 息票應按票面所載數目核算訂於每年西口月一號又口月一號在倫敦用金錢核付 所有到期已付息票應由福公司按照號數次序彙齊交中國出使大臣點收其費由福公司認出 第三款 此項借款應計賣票之第十年起分二十年贖還每年由倫敦福公司按照本合同所附之表作為附件抽號拔還章程辦理抽號之期應在每年正月之第二個禮拜二日第一次抽號之期應在一千九百一十六年 每次所有抽出票號應刊布於四種日報中由福公司出費 第四款 凡抽出借票應照票面數目在下次應付利期上如數以金錢還清 應還借票當黏繳所有未到期之息票倘有短缺則即核計短缺者所值之數在應還之票本內如數扣除借票利息即於所指還本之日停止計算 已還借票應由福公司按序彙齊交中國出使大臣點收其費由該公司認出 第五款 在一千九百十六年以前中國 國家不得擅增每年贖還借票之數或將借款全數還清或改借款之名在一千九百十六年以後中國無論何時可將借款全數還清福公司贖

務期限未滿之前不得將運載礦產之鐵路腳價奇增以致福公司礦務生意有損而福公司於總公司按照他路運脚公平議定以後亦不得藉詞貶抑致總公司拔付本利有礙

第六款 所有應付息票及應還借票當以英金核計由倫敦福公司或該公司所派經理之銀行付給 第七款 本合同所訂借款之付利還本乃由中國 國家自行以所有之進款擔保外又經中國 國家准中國鐵路公司言明以此段已成之鐵路進款除一切辦公費用及行車各費外其淨餘者當首先留備本借款付利還本之用且此節辦法已另載於中國鐵路總公司與福公司所訂之行車合同內此合同與本合同聯合爲一 以上申明留備進款乃專指息本一項之用不復更改至借款全數清還爲止 第八款 行車所得之實在餘利由中國鐵路總公司點驗登記後准福公司兌換金錢務令中國 國家及中國鐵路總公司大爲便宜所兌換者以足數下半年應付之款爲度此餘利仍接續提存倫敦福公司總行至借款全數清還爲止所有每下半年之付款事宜至少可於三個月前即有把握凡各銀行代存此等款項務必代爲生息俾於中國鐵路總公司極有利益 按照合同每半年付利還本或運費用錢各所需之數當先期二十天於各銀行代存餘利之款內劃出開支 第九款 中國鐵路總公司欲於此項借款表其結實可靠之意願將此

段已成之鐵路作爲頭次抵押給與本合同所訂借款之借票即該鐵路及車輛料件行車進款是也此等專行之抵押是給與福公司由該公司代爲購執借票之人允受如果中國鐵路總公司未能按照本合同所定條款辦理福公司得在上文所指之鐵路及物業照其一切應有之事權 第十款 前條所載與中國 國家原有責成如第七款內所載云云不相妨礙設此段鐵路行車所得之實在餘利由中國鐵路總公司付交福公司於每次到期之三個月前兌換金錢如有不敷應付借款本利中國 國家即應設法彌補以足換金錢付還借款本利倘有以上不敷情事一經該公司知會中國 國家應於下半年付款之期前十四日按照所需之數以現款或他款付給福公司俾得兌換金錢以湊應付之數 第十一款 福公司於中國鐵路總公司或中國 國家所補湊項內及時按照前期所付之款如數劃撥以備下期應付之數 第十二款 福公司并分任此項借款之銀行中國 國家按所付利息之數酬以用費每百之二毫半即每萬金鎊給以二十五鎊又借票抽出還本或因增還票數而提前還本亦按所還之數酬以每百之二毫半此項酬費係在行車之餘利內劃撥如有不敷即由中國 國家設法彌補 第十三款 中國 國家允認保全並設法保全本合同所載借票應享利益并永准借票及息票以及因此項款所有進

出之事概行豁免捐稅 第十四款 到期息票如五年內不來支取其款則爲中國 國家所得至已經抽出應還借票則以三十年爲限凡執此借款借票之人身故後該票即按其人本國繼業之例由繼業者承受 付利還本之事不論時局和戰均當照常辦理並不論執票者爲友國或敵國之民均當一律照付 本借款借票倘有遺失被竊被毀等事即須呈出憑據中國 國家如查得憑據可信呈請者確係失票之人即當允准福公司另印借票補給其費由該公司出 第十五款 中國 國家應飭駐英京出使大臣咨請並移送案據於倫敦之銀錢公會使此次借款得在該處銀錢公會估價賣買 第十六款 鐵路所用之地基由借款項下付價所購之地先由福公司將地主正契交總公司核查總公司即照正契鈔冊由該地管轄之地方官蓋印存留總公司備案仍將正契由總公司送交福公司收執並於正契上面加蓋不得售賣抵押戳記因合同期滿或借票贖完之後須由福公司將原業交還總公司執業是以合同期內福公司不得將地契轉售或轉押轉抵與人 第十七款 此路利權及合同係與英國人福公司訂立該公司務當按照本台合同應允各款辦理並不論明暗均不得讓售別國人民其辦理該路事務亦不得假手別國人民如違犯此條即由中國總公司另招他公司接辦並辭退福公司福公司亦無索賠補之事

以上所云不關礙他國人民購執福公司股分票或此次鐵路借款票其轉相售賣與否任執票者之便 第十八款 此次核算已用各款內有創辦測繪經費並第二段亦已由福公司略勘將來勘定如何報明督辦大臣其費用已付入第一段帳目之內 第十九款 所有修理該路及行車需用機件材料皆歸福公司代為定購但該公司自當盡心辦理並須極其公道當先開單商准總公司督辦大臣乃得發單往購並經約明凡中國自能製造機件材料一律料質價值不向外國定購其盛督辦所管轄之工廠鑛局更得應享儘先承購之利益其質料價值按照在外國所購運到中國者一律核計_{所謂價值者是外洋廠價之外加運費並保險是也} 第二十款 中國 國家或中國鐵路總公司與福公司倘有爭執情事由中國外務部大臣一員與英國駐京大臣評斷倘以上兩位亦有意見不同則由中國外務部大臣並駐京英國大臣公同另請一公正人斷定 第二十一款 本約照繕兩分一存中國鐵路總公司一存福公司倘有疑難之處查對本約以英文為憑 本約應經合例之人奏請中國 國家批准俟 批准後由中國外務部照會英國駐京大臣存案以便福公司遵照上訂各款切實施行以上應行各事於畫押一箇月內均須照辦

各省航路彙誌

山東 青島各公司輪船俱往來上海天津煙臺東洋等處其餘小口皆不能通近擬成洋行新租一芝罘輪船約載千餘噸專走青口海州鹽城潮河等處

江蘇 駐鎮日總領事照會常鎮道署謂據日商大東小輪公司稟稱今議推廣商務按照中日商約第三款暨內港行輪正續章程由華歷乙巳四月初一日起自鎮江開駛小輪往經揚州寶應淮安以達清江浦各地設立本局並在瓜州邵伯高郵界首汜水豐橋等處各設分局懇請照會貴國地方官照約一體保護請即查照云云 自清江西端至海州之板浦鎮向有運鹽河一道計長二百餘里年久未濬節節淺阻淮北三場運送綱鹽頗形不便近經兩淮運司恩廉訪籌撥的款分段挑濬已於二月上旬興工以利鹽運

安徽 華商普安公司新增小輪一艘名鴻運者由蕪湖行駛大通安慶往來貿易已稟請蕪關稅司轉致關道轉知經過地方官妥為照料保護

江西 彭澤縣歐陽觀察新設江安輪船公司於九江往來湖口彭澤華陽東流安慶等處

浙江 甲辰冬間有法商莫尼諾擬開設滬紹輪船公司經外務部咨浙阻止近復一再要求不已浙紳孫秉彝徐維則董學琦等為保全利權起見集股三十萬創立滬紹行輪船公司業向香港訂購輪船一艘載重一千噸名曰紹興即日來華由上海往來紹興上虞之滙海所再在滙海所用小輪通至小泗埠頭三江城等處

福建 龍巖州僻處萬山離漳三百餘里陸路崎嶇行旅不便而該處土產極多如紙張木植茶葉等類祇以運道未通不能暢銷有一水路可通行程較省而中間山溪大石林立嗟呀險峻船隻難行近由該處紳等公請廈臺富紳出資十

五萬用外洋開河機器將河中大石轟炸再以人工剷平庶船隻得以通行貨物易於輸運聞富紳已允出資十二萬惟開河後出入船隻須歸其設局永遠抽收船捐貨捐以酬還其開河資本至所抽之款擬以二成報効國家已稟請各當道開辦矣

廣東 粵商新設榮業輪船公司向外洋訂購淺水輪船二艘來往西江三水梧州香港各埠 黃埔擬開商埠已有成議茲聞張弼士太僕議聯合外埠華商招集巨資在該處設立航業公司云

各省鐵路彙誌

直隸 蘆漢鐵路工程將次告竣此路自北京起經河南以達漢口中間繞越三省自北京至黃河北岸計長六百二十啓羅米達每啓羅米達約合中國一里十之八自黃河南岸至漢口計長五百十五啓羅米達綜計全路約長一千一百五十啓羅米達沿途所過處大半係平坦之地惟中間當豫鄂兩省交界處山嶺盤曲稍有險阻故在該處最高一山下鑿有車洞黃河南岸之一山下亦鑿有一洞此外工程之最鉅者莫如黃河上所駕之橋梁此橋計長三零十之三啓羅米達高二十米達每大小環龍共一百零二節南岸已造成二十節北岸造成十節平時河水深十米達水漲時深十四米達惟河底多係沙泥故甚難築造現有意比英法奧五國工程師五十名及中國工人三千名在彼日夜與築五月內當可告竣聞此外尚擬添築由直隸正定以達山西太原之枝路云

山東 德人在東省所營鐵路由青島至濟南者今已造成尙擬自濟南造至沂州府一條又由濟南至德州一條均已開工又擬由德州造至順德與蘆漢路相接俾山東全省得以大氣包舉其深謀遠慮如是如是

山西 晉紳渠主政本翹近議集股開築太原至蒲州鐵路經稟由晉撫批准開辦

交通

五十五

乙巳

湖北 漢陽兵工廠與無烟火藥廠相隔甚遠茲聞兵工廠總辦桑誠瑞觀察鋼藥廠總辦汪子雲太守互相會商擬設鐵路一道以達兩廠而便運送物件 某國商人請修襄漢鐵路屢經外務部拒絕近擬先自設法開辦襄陽至荊州一段餘俟集股推廣

湖南 湘中粵漢幹路開各紳已決議即行開辦長潭一段公舉龍侍郎王祭酒等十人內分總辦副辦等名其開辦經費擬在賑捐餘款項下提充按照潮汕鐵路萬銀一里計之則長潭一段尚不及百萬其推拓長岳及衡郴之路則俟岳州銅幣局開辦後酌提贏餘以爲辦路專款

廣東 張弼士太僕自商部奏派督辦廣慶工路礦事宜後即在靖海門外設立總公司現以廣州東門外起至黃埔地方須先造路一段以便將來與粵漢鐵路接軌云

西藏 英使要求川藏鐵路計由成都起經打箭爐接修至駐藏辦事大臣所駐劄之巴脫吾城經外務部復以藏約未定應從緩議云云

各省電政彙誌

山東 督辦電政大臣前會定路電謂凡鐵路所設之電線辦法章程飭令各鐵路公司遵辦在案近東省膠濟鐵路公司謂該路全係德人股本與中國各路路殊不能全依原章辦理特另擬章程如下 第一款 (甲)官商各報寄至無中國電局或離局太遠之處由鐵路代收轉交附近電局接遞(乙)寄往各國電信若無電局或離局太遠之處鐵路無法辭絕不收(丙)鐵路代遞商報由青至濟無論遠近每字五分(丁)未詳(戊)電局交鐵路代遞之報亦無論遠近每字五分(己)電局鐵路往來電信帳目每屆月終錄單互送核算無須派員稽查 第二款 膠路一帶中國已設電桿無須借桿懸

線 第三款 原章有向車站借屋一款公司不能應允 第四款 原章有借用路線一款亦不能應允代收報價照
戊條核算 第五款 原章修線工員火車免費一款亦不能應允運載電物照山東章程官物作四等貨收價若由此
運被每車重十五噸有兩車餘車價九折五車餘八折一月有五十多車七折一百多車六折查有私貨照價罰五倍須
電局承認 第六款 全照原章辦理

福建 日人荻野氏近議招股在鼓浪嶼設立電話計畫已成其發電機擬置西洋墓園附近架設電機過海連絡廈門
加入者每人每月納費八元

湖北 武漢為全國中心點鐵路繁興商賈薈萃大吏特議添設武漢各要津德律風水線以期消息靈通其款即由武
漢初用此線各處撥用已由經理電話委員朱大令購到器具不日開辦

湖南 辰州府城向未通行電報近經電政大臣札委彭太守念宸前往設局督同工人樹桿掛線已咨請湘撫轉飭地
方官認真保護

各省郵政彙誌

京師 郵政總局新定新聞紙掛號章程如下 一所有在中國境內刊登華洋報紙日報旬報或月報定於按期發出
不出一月者其報上載有刊發日期及號數次序刷印於紙張之上外皮非以木板布皮或別質所訂成者皆可於刊發
所附近之首局內掛號稱為新聞紙類 二新聞紙請掛號者須寫信與郵政局總辦信內載明(甲)報之名目(洋文
或漢文)(乙)主筆人姓名(丙)在何處刊發(丁)何日一發(戊)每次發出若干張(己)如該報已經刊發者送樣一
張或數張 三如經郵局允准掛號之新聞紙嗣後即將下開字樣(大清郵政局特准掛號認為新聞紙類)登於發報

日期及號數之同行上若照以上之章程辦理本總局方准按郵政寄費傳遞其餘仍按書籍或刷印物類郵費傳遞
以上章程已於二月二十七日實見施行

山東 青島德國郵局近在膠州街報館西邊開設分局

江西 江西內地除南昌南康府吳城樟樹豐城吉安贛州南安萬安新城建昌府撫州府廣信府河口玉山貴溪等處均已開辦郵政分局其他如李家渡許灣進賢東鄉安仁弋陽臨江府峽江新淦南康縣泰和信豐龍南各處亦有設立信箱分局者其餘各處均未設立茲北京總郵政司特飭九江郵政司派人前往景德鎮一帶開辦分局旋由該郵政司選派供事王顯理前往開局云

廣東 潮州汕頭開設郵局以來各處極力推廣惟由潮州達嘉應一路僅大埔三河設有分局來往信件均須由揭陽轉嘉屬之登坑傳遞頗為不便近特於大埔之高陂豐順之隆隍二處添設分局潮嘉信件可由此直達較省周折云

各國航路彙誌

日本 某測量部近於門司洲北端探獲暗礁二處其一在古城山北七十四度東距離五釐五分二水深二尋四分之三沙殼墳之浦後燈北三十三度伍分西其二在古城山北七十八度二十分東距離五釐四分三水深三尋沙殼墳之浦後燈北三十一度西是亦航海者所宜注意也

韓國 駐韓日使近向韓政府要求開放韓國沿岸航路而攫其徵收稅金之權凡外國船舶欲航行韓國沿岸者千噸以上徵稅金三十元千噸以下及百噸以上徵稅金二十元以一年為期給予准其行駛之執照一紙期滿再徵現韓政府尙未允許韓人中亦多反對云

英國 英人施溫得因商船經過蘇彝士河納稅太重議在紅海另開第二運河以便輸運各資本家與議者僉望此舉之速成開工之期當不遠矣

德國 諾伊脫汽船公司向僅有汽船二艘曰蒲林士希基司曼脫曰蒲林士瓦迭麻其航路係以希脫尼爲起點經布黎司賓德領新格尼島及荷領巴突比亞各地而至星架坡茲聞此航路俱已作廢另於日澳間開一航路即以上所舉汽船兩艘航行其間查此新航路仍以希脫尼爲起點經布黎司賓德領新格尼島諸港以及香港神戶而至橫濱定期每六禮拜航行一次計希基司曼號載重三千三百零二噸瓦迭麻號載重三千三百二十七噸各抵馬力二千五百匹其在日本之經理公司爲愛基阿林士商會

美國 美國考察航業之報告業已呈上議院該報告擬欲出資補助各郵船並設法獎勵美人行商於南非洲與東方

各國電政彙誌

日本 東京至佐世保近設一德律風約長一千英里

韓國 韓國通信院於日本郵便局會議將韓國郵電全數交付日本郵便局永遠管理業已簽定合同

荷蘭 荷國議院議准將西貢及防鐵納克之電線與荷蘭電線相接以通至防鐵納克及加拉巴島之巴達維亞

澳洲 澳洲設電須越太平洋水程既遠事煩費鉅經營兩載短少十餘萬金近由三議院會議每年願給與津貼所失工資九分之一此線工程務期陸續加增直達倫敦使兩地消息靈通而後已

交
通



六
十

五
月

宗教

論中國前途當用何種宗教 錄乙巳四月初八初九初十日中外日報

宇宙之間。天人之際。凡諸一切。可以二義括之。一造物自然之事物。一人心假設之理想而已。造物之自然者。如聲、光、化、電、名、數、質、力等皆是。此之爲物。生於自然。智者能紬繹之。不能增損之也。人心之假設者。如拜、蟲、魚、土、木、巫、術、禁、咒。以至仁、鴉、亞、士、四、吠、陀、釋、典、六、經、兩、約、奉、蘭、皆是。此之爲物。出於述作。天下能共信之。不能共見之者也。由前之說。是謂科學。由後之說。是謂宗教。古者科學力微。不足以關繫於社會。種種社會之根原。皆在宗教。晚近歐美之民。其於科學。證解愈深。遂能確然證實各宗教之譌。於是宗教之信用失。而科學之勢力彰。自拿破崙第一以來。卽有斯像。至達爾文種源論出。舉世之政家學者。望風承流。無復再持同異之見。宗教至此。幾於持毛髮以禦洪爐矣。然求其所以成立破壞之故。則曰。科學之說。實事也。驗之萬事萬物而皆然。宗教之說。虛詞也。望之不可見。聽之不可聞。捫之不可得。人心之例。必取其所自以爲真者信之。其崇科學。抑宗教。不足怪也。雖然。科學之理。惟其真也。則自有大力者主之。無論受造者之知與不知。而其例之行也。自若。以達爾文之勞。而對

之於造物主。此真莊周所謂一蠹一蟲者也。不甯惟是。天行之虐。非人所能堪也。是以古之仁聖賢人。本其智仁勇之德。以發爲反抗天行之說。其用意至美。其用力至苦。冥心獨造。一往不返。幸而天下後世有宗其說者。而後優勝劣敗之理。有所扞禦於什一。強者不至甚肆。弱者不至滅盡。則人類之幸福多矣。今必據科學之真。以攻宗教之託。順風而呼。何所不可。但慮乎宗教一去之後。則天演之勢。浩然無所抵制。譬如大水。勢本莫制。卽築堤堰。未必爲功。而今乃撤堤堰以媚之。必無幸也。崇科學。去宗教。其理何以異是。由斯以談。則人羣不可無宗教。其理可以決定。所當研究者。何等風俗。當用何等宗教耳。今我中國。其腐敗至於此極。無論行新法。行舊法。無不可見其腐敗之情。識者皆知爲人心使然。若人心不變。則萬事皆不可爲。然世間萬物。有何物能改革人心者乎。則宗教而外。更無別物矣。至於中國之人。心用何種宗教。可以補救。則固今日一至要之問題。而吾人之所當討論者也。今先明中國今日之社會。係用何種宗教化成。然後舉今世界通行之宗教。一一研究之。以觀孰與我國之病症相宜也。

案中國人現行之教。大別有五。

一天師道。其書卜星相白蓮八卦

把等邪教皆從此分

支

二儒家。

三佛教。

四回回教。

五基督教。分羅馬教 德教 兩派

以上五教。惟回回基督教二教。其奉教之人。與別教不相混。其儒釋道三教之人。則難指定其爲何教。就中釋道二教。尙可辨別。惟儒家爲最難。蓋儒教雖名爲中國之國教。然中國人並不篤信其教。各經教之人無不談笑其教主之遺蹟。此各教所不敢也。其故蓋自恆以四書始。士大夫既如此。其女子與下流社會更可想見。然既不能實踐孔教。而不學無主之心。際乎詭得詭失之世。決不能有所倚賴。於是用天師道以補其缺。天師道者。集成於三張。張道陵 張衡 張魯其實導源。方士爲中國之古教。在孔子前。孔教行後。方士之爲社會所信用。曾無所改。直至於今。未有移易義和團之起。與張角無豪末之異也。佛教東來。其大乘之理。高深不易解。乃自成一專科。二千年來習之者。寡其小乘。乃化合於天師道。泯然無間。今觀中國女子與下流社會。無論稱何種鬼神。均曰菩薩。卽此之故。故中國儒家無單純者。其中必含道釋二家之雜質。自天子以至於庶人。其名無不被服孔子。而生死之際。又無不用釋老爲冥福。卽其證。

宗教

二十一

乙巳

也。夫宗教之爲物也。如機器。然輪槓相維而求一。所制之物。如以一羣而雜用數。宗教則必就其與本俗相宜者用之。而失其相維之用。其所求之物。終不能達。而社會必日退。此宗教公例也。中國既雜用數。宗教故有宗教與無宗教等。且各得其弊。更不如無宗教焉。於是二千數百年以來。與孔教原理相差彌遠。浸至於面目精神。截然別爲一物。而流俗相沿。仍以孔教稱之。至於今日。多有致疑於孔教者。夫以空穴來風之義。例之孔教。誠不能無遺議。然平心論之。則今日之局。亦非孔子所及料也。今分秦漢以來之儒者爲三時代。而世運之隆污。亦可見矣。

一、秦漢兩朝爲神甫執政時代。

二、三國至隋爲名士執政時代。

三、唐至目前爲舉子執政時代。

所以稱爲神甫時代者。爲其人篤信宗教。多神秘之談。名爲孔教。而實含有雜質。非純乎其爲孔教。其狀最有似乎羅馬教。故亦以神甫稱之。自荀卿董仲舒劉向以來。兩漢三公。大都經生。甚至皇太后皇后亦俱受經。經文愈重。經解愈奇。金丹玉女之言。不啻若自其口出。惑誠惑矣。然而其人舉事發言。俱有定向。終必達其經義之目的。而止。故漢人事君攘外之規。

亦最爲足觀。三國以後。瞠乎不及。則神甫之澤遠矣。

所以稱爲名士時代者。魏晉之大臣。大都出於貴游子弟。有文章。有性情。而迫於暴君亂世。不能範我馳驅。不得不託於酣嬉淋漓。苟爲自免其始。以爲明哲保身而已。其後乃成爲風俗。若不如此者。則以塵俗目之。夫以此輩爲政。政自不舉。然其人究有所爲。有所不爲。貪鄙無恥之風。此固王謝弟子所不肯出矣。

所以稱爲考生時代者。此輩入官之初。不以師傳。不以門第。惟以烏合之衆。決一日之命。即可得之。其不學無行。遂爲歷史之冠。由揣摩考官之意。推之。遂爲逢君之惡。事由尅忌。同列之意。推之。遂爲排擠異己之事。由一朝富貴。驕其妻妾之意。推之。遂有荼毒天下之事跡。其生平患得患失。無所不至。總之。無一非場屋中之面目而已。此習創之者。韓愈其後。成爲風俗。幾幾乎取孔子而代之。然其去孔子之道也。已不可以道里計矣。而元明兩代之暴主。又不啻大盜以舉子而輔。大盜欲其官。天下致太平。固必無之事也。

至於本朝。默觀聖祖世宗之聖意。未嘗不深薄此等人。而以爲宗教之精微。不在此。然其時天下初定。滿漢之見。未融不能不撫循之也。逮乎今日。與外國相遇。圖窮而匕首見。而舉子之技倆。遂爲天下所窺竊。以爲舉子之運。終矣。然舉子之運。既終而代之者。若并舉子。

之學識而亦無之。則世道將不可問。故不得不別擇一最宜之宗教。以爲中國前途託足之地。而後人心之弊。乃有所革。而政治乃可得而言也。

天師道者。此我國之至古亦至通行者也。然其道之有礙於國家進步。更何待言。行孔教耶。此固我既行之國教也。然而流弊如此。

行佛教耶。行天主教耶。行耶穌教耶。此固他人所曾行以致富強者也。然而自我行之。則於外交有牽涉之故。似亦不可。

然則莫如別倡一教爲愈矣。然此事待其人而後行。非吾人之所敢知也。

然則莫如孔教改良矣。然改良孔教。必擇其本有者而表彰之。擇其本無者而芟蕪之。不能擇其本有者而諱言之。擇其本無者而厚誣之也。此亦有待於聖人之亞者。

論中國議派專使與教皇訂約事 錄乙巳四月十三日時報

昔白圭之論貨殖也。以爲趨時若鷙鳥猛獸之發而後可。近日外交之事。亦何獨不然。機會之來。稍縱即逝。使非急起直追以赴之。則千金一瞬之時期。有不可復得者。如今者議派專使於羅馬教皇政府之事是已。本報前日政界紀聞會記呂尙書海寰因各省教案棘手。動成交涉。故於日前奏請選派專使。前往羅馬。面謁教皇。議行新約云云。此可謂得要之言。聞

商務印書館出版類

英國詩人吟邊燕語

每部一册
價洋三角五分

閩中林琴甫先生善譯小說膾炙人口母待贅言今又譯英詩人莎士比亞筆記為歐洲詩聖其所著述梨園演唱至今勿衰此為其詩之紀事凡二十則先生一一為製新名其目如下肉券喇悍變誤情仇令神台靈徽醫諸獄配鬼詔環證女變林集禮爾仙槍珠還黑誓婚詭情感賜引全書約五萬言光怪陸離實近出說部中別樹一幟者也

福爾摩斯案 中案

每部一册
價洋二角

是書紀英國一女子父官印度既歸忽不見歲歲由郵局寄來明珠一顆後又得一匿名信邀往戲園女約福爾摩斯同往既至有車相迎福與女登車至鄉暗某甲知女父已死且知女父與甲父同在印度及寄珠之故又往見甲兄至則甲兄適死福斷為一木足人及印度蠻人所刺後於江上偵獲兇手而此案原委遂明後此女與華生行偕老之約情節離奇靈麗實偵探小說之傑出者也

環遊月球

每部一册
價洋三角

是書紀美國格致家數人欲游行月球造一極大之礮配用合宜之火藥彈子測準月球軌道三人入居彈中攜帶種種需用之物既放礮後彈子飛出三人就彈面玻璃窺視見有無數奇異景象後彈路稍斜不能入月而相距極近環繞一周盡見月中真相強旋墜落海經人撈獲三人出彈備述所見題曰環遊月球之由日本譯本重譯而出文字筆雅深無比實科學小說中之別開生面者也

商務印書館出版類

奪嫡奇冤

洋裝一冊
價洋五角

此亦偵探小說也但其踪跡之奇離結構之新穎實可謂於各種小說而上之書凡四十四回其間曲折與衍使人迷離莫測若讀至四十回時斷無能料此案之結果者迨卒讀一過殆未有不拍案叫絕者也至其中法官聽斷之和平詳審包探辦事之神奇機警義夫烈婦之感情真切足以涵養國民之性情增長吾人之見識者尤多吾願世人焚香置酒以讀之

空中飛艇

每部一冊
價洋二角五分

是書為日本押川春浪君所著以高尚之理想科學之觀察合而成之一名目歐戰爭久為日本學界所歡迎飛艇之事雖優孟之旨然亦為中事也○書本由明權社發行現板權已讓歸本館并此聲明

經國美談前後編

每部一冊
價洋五角

是書演希臘時亞善與齊武二國志士之事久為學界所賞讀初出版時僅有前編未成完璧本館覺其全稿成前後二編以餉世之愛讀此書者

佳人奇遇

每部一冊
價洋七角

是書早已流行海內惟原本由報中陸續附印今彙為一編庶成完璧

商務印書館出版類

各國憲法略

每部一册
價洋五分

日本某某著出洋學生編輯所譯○憲法為近世界立國之原最緊重要惟各國成書卷帙繁多綜括非易是書旁徵博引事簡義全前凡七章分載憲法之淵源後附國家思想異同之要詳列細目朗若掌文學者觀此一斑足駭全豹

各國國民公私權考

每部一册
價洋五分

日本井上毅原著出洋學生編輯所譯○民權之說蓋觴泰西界限不明流弊甚重是書詳載公私權之界限與其作用而各國之異同古今之沿革無不備列洵我為國今日救時要書也

明治政黨小史

每部一册
價洋五分

日本東京日日新聞原著出洋學生編輯所譯○國家不患有黨而患無政黨者其宗旨不同其徑術不同而其愛國之必則一也日本自明治維新改革政體而政黨以立國亦以強我國則戊戌變法以後新舊黨人互相軋轢而國家卒受其禍讀此可以知所返矣

商 務 印 書 館 出 版 類

農

話

每部一本
價洋一角

通州陳啓謙述○自海上和譯農報以來報冊已衰然數百帙然皆士大夫之農學非農夫之農學也陳君有鑒於此萃自丁慈壬之農報度中國所能行者遂以俚語命曰農話刪繁就簡提要鉤元意在可以實行也我國中有耕讀之志者盍一觀之

德國工商勃興史

每部一冊
價洋六角五分

法國伯羅德爾著日本文部省譯本館重譯○德國工商之業至近年而益盛不知幾經培養始能臻此地步是書歷舉其所以致盛之由不外於國家保護學校教育我國近來重視商務提倡工藝凡為學者不可不參取研究也

萬國商業歷史

每部一冊
價洋六角

英國器賓著日本林曾登吉譯本館重譯○交通日便商戰日烈鐵路輪舟往來駢集而由古迄今以及各國互相關係之遠非深加考察無以通曉處此商戰之局固當知其已然尤當審其所以然中國商業之不振亦由過事無從考察耳爰再譯印是編以資參考

已有旨交外務部查核辦理。記者竊恐外部當局一或偶不察於此事之有益。而仍有多一事不如少一事之成見。互於胸中。則其議之行否。將不可必。用是不憚辭費。略述其時機之可乘者。冀以堅外部諸公之意。而壯其志焉。按羅馬教皇之權。在歐洲中古以還。勢稱極盛。列國皆奉命承意。於外交政治上。或時賴教皇之一言以定從違。其權力之範圍。固不獨行於宗教已也。然自意大利復國與拿破崙三世敗績之後。其勢蹙乃寢衰。然其擁尊名。如故。其握教門之全權。亦如故。列國國都無不有教皇派駐之專使。以辦理一切教務之事焉。則教皇對於宗教界之主權。其完全無缺可知也。乃於去歲忽有與法國政府衝突之舉。幾至斷絕交際。頗聞其事之起因。實緣法國今任內務大臣某氏。其幼時本在教會所設學堂讀書。然於此等學堂之規制。與其宗旨皆非所善。故自入政府以來。於教門權利。每多檢束。而教皇政府亦坐是深憾之。勢成積久。遂幾至破裂交誼。今雖勉強調和。然法國禁閉教會教堂之例。上海其外禁例既已實行。則法蘭西共和國與羅馬教皇之關係。斷非昔比。固彰彰矣。此事無與於中國而實為中國抵制教案間接之一大機會。考法國政府。雖與教門積不相能。然其對於在東方之傳教士。則以外交政略之故。猶未必遂改其保護之心。而教皇則因上文所述之故。深有恫於法人頗有自行管轄不願他國國家干預之意。且近日教士之

明見事理者亦以在中國傳教之齟齬歸咎於國力保護之無益蓋基督教於明末之時初入中國即頗受歡迎莊烈帝嘗命其太子入教取名爲君士但丁至我朝開國之初則神父輩且得密備顧問洵賞崇官當時無國力之保護而其見信於中國人若此乃至今日則傳播愈甚而反對愈深與其初入中國之時適成一反比例則國力保護之有益於教門與否其證甚明彼教中人至近年亦自覺之故於以國力保護傳教之舉往往不以爲然者此也此等消息皆最近且確之要聞而實爲中國消弭教案不易多得之機會使能利用此機會慎簡其人以充使命徑赴羅馬與教皇左右直接相商妥訂傳教通例然後由教皇政府播告各國以通行之則以後中國教案不獨可以漸少即不幸有之而既純然爲宗教之交涉與國際交涉之問題無與則損權蝕利之事或庶幾稍愈乎記者畧陳近事之大概如此以爲當軸考證之資至於教約訂後之利便諸端與夫詳悉之條理諒呂尙書原奏當已盡言之故不復贅。

佛界風潮 錄乙巳二月初四日漢口日報

佛入中國二千年矣。以南北六朝時代爲最盛。唐宋迄明。迭有盛衰。至於本朝。則幾乎息矣。今世之所謂禪門律門。曹宗天竺。緇流戒衲。雖復在在皆有。類不過奉持經卷。手弄香花。

胡跪讚禮。爲生人乞福。爲死人懺悔而已。求其能知佛說之宗旨。釋理之精奧者。億萬中曾不得一二焉。卽求其能誦華嚴。參禪語者。亦千百中不得一二焉。甚者厭梁肉。溺酒色。嗜鴉片。舉足以敗毀梵行者。無不至焉。間有善於此者。亦惟營貨財。治生產。淫土木。交顯貴。以張其勢力已耳。所奉行。所皈依。所營求。所參悟。志心頂禮。無一不與俗人同。古儒者喜言關佛。佛在今世。似已烏非烏。鵠非鵠。無待於關矣。其在勝地名山。古剎精舍中。偶有粗解文辭。略通筆墨者。人亦視爲罕異。珍同玩物。位置之高下。亦可見矣。雖然。自表面視之。固若衰息而中國國民之陷溺於其中者。幾合四萬萬人而莫之或遁。其貽害甚烈。流毒甚遠。積病甚深也。蓋自佛氏有禍福報應天堂地獄之說。於是人皆驚於虛空。有信心懺悔。放刀成佛之說。於是人皆敢於爲惡。有無罣礙。無恐怖之說。於是人皆樂於不事事。而絕愛羣之心。有色卽空空。卽色之說。於是人皆輕知重悟。而無強立之精神。流衍千數百年。遂成此日腐敗頑鈍。忍辱含垢之老。大國民論者。乃集矢於政治之專。學術之敵。吾則謂佛氏之教。實隱肆其毒首尸。其咎焉。試觀東漢以前。朝野上下。文物聲明。人人有強毅特拔之概。冒險進取之行。繼深鑿幽之思想。神工鬼斧之技藝。國家政策。生人事業。誠無讓於條頓民族。魏晉之間。佛禍未深。猶有古意。自茲以降。日見凌夷。揆之天演公例。歷年愈久者。渣滓愈淘。汰精華愈顯露。

警諸春。揄播揚。穰秕益淨。何以神明貴。胃每況愈下。莠稗叢生。一至於此。是乎謂非貽害流毒。積病於佛氏。吾不信也。近者歐化東漸。內外交通。三十年來。我國屢受大創。國民知識。豁然始開。政治學術技巧工藝。初知棄舊圖新。改良求進。而一爲印證先世歷史。不啻佛氏所謂明心見性。返本還原之義。竊以爲我漢魏以來。二千餘年。佛氏之害之毒之病。庶幾懲之創之。革之治之。將借歐化爲良方藥石。收中國無量幸福。拯國民於水火乎。不意大海風潮。奔騰澎湃。雲譎波詭。變化萬千。怪狀異形。又發現於佛氏之界。信乎道術日高。魔難環起也已。據近日各路報告。杭州龍興寺租作工廠一案。當道以日領事干預之故。意在調停了事。此一事也。涪州天寶寺僧佛源。前至重慶。稟請出洋游學。近又稟請招徒同往。有司試其師徒文理甚佳。已許轉詳請准。此又一事也。汕頭去歲。有日本僧人。開設教堂。竭力推廣。近復於澄海等處。添設分館。規模闊大。以廣教務。此又一事也。觀此三事。佛氏之禍中國。其未有艾耶。中國之民之陷溺。其如水益深。如火益熱。耶。夫日本僧人之奉行佛教。談理豎義。皆不及中國諸大師語錄之精。而其惑世誣民。則又過之。當茲中國國民迷悟初啓。人人懷新。並具崇外思想之時。而以其佛說。來相誘煽。尤易歆動。所謂以無厚入有間也。加以日本國家。多此傳教一途。將必利用之以爲僥導。浸淫日久。中國僧徒。皆將歸伏於日本保護權力之下。

抵抗祖國。欺凌同胞。勢必與耶穌。天主。福音。聖公。諸教會。同出於一途。中國愚民。多一仇教之門。官府多一交涉之路。此之爲禍。雖巨。猶爲有形。若其無形之禍。則有不可勝言者。已中國之迷信。佛教。幾於十人而九。前所云。驚於虛空。敢於爲惡。樂於不事事。輕知重悟者。既已統貴賤。智愚賢不肖之倫。歸於一治。自瀏陽譚氏以佛附耶。懷新志士已羣附其學。說以相提倡。今再助以日僧演說。傳習。縱或不爲天堂地獄轉輪之說。而無窒礙。無恐怖。色空之說。必不能免。必至於人人皆願斷種種心。若嫉惡心。若怨懣心。若難忍辱心。若樂世法心。憶世法心。若羨慕心。若善感心。若纏綿心。若諸種種心。苟斷其一。卽虧一分國民之資格。卽不能強立。卽不能愛羣。苟至於斯。則中國國民。將求爲牛馬爲奴隸。而不得可勝畏哉。可勝畏哉。嗚呼。中國今日。方將以歐化主義。培養二千年前文明之根。而佛界風潮。忽又震動搖撼。而莫可遏焉。天乎。天乎。其真無愛我中國意乎。

江西九江道札德化縣分認保護洋人財產教堂文

案查前奉撫憲札開。照得時事多艱。謠言滋甚。報紙消息。諸多訛傳。誠恐內地伏莽暨匪黨游勇。借此煽惑。妄思作亂。亟應預爲防範。並保護洋人財產教堂。倘有奸徒造言生事。卽行嚴拿懲辦。等因。當經本道通飭所屬四府督飭各縣。趕將警察保甲團練等事。切實整頓。一

面會營分撥勇丁前往教堂附近地方或租民房或設卡房常川駐紮晝夜梭巡如有匪徒造謠生事隨時嚴拿究辦在案九江自開埠通商以後教堂林立從前沿江一帶民教多事九江城內外各教堂迭經各前鎮派撥兵丁分駐防護近年鎮標營兵先後裁汰所存無幾本年續備前軍奉飭分別裁併常備前軍又係專事訓練預備征調本道再三籌畫九江南門城內設有美國同文書院一座育嬰堂一所該處迤南向設卡房前營駐兵五名迤北設有卡房後營駐兵五名城內倉巷有美國聖公會一所迤南又設有婦幼醫院一所該處緊靠後營遊擊守備兩署本道署後有英國教士洋房一所現派親兵在左近駐紮鎮署西邊洋式教堂一所鎮署相距甚近各該處教堂洋房或設防兵或離衙署較近自應分認巡查以均勞逸除向派兵丁駐紮卡房仍由所管各營照常派兵駐紮外其餘各教堂洋房擬請以附近何署即歸何署保護城內正街建有洋式化善堂一所城外正街設有福音堂一所該處均係鬧市且已設有警察巡勇擬即由警察局添派巡兵一名在該教堂門首站立隨時防護城外新關間壁建有天主堂一所該處係英國租界本難派兵往駐且洋街巷口及招商局碼頭向各設卡房一座擬照從前辦法仍由九江鎮各派營兵數名常川駐守防護以上各處無事之時責成附近官員兵役力任巡查遇有口角滋鬧立時勸散倘聚集多人

形將滋事立即分報在城文武各官各帶兵役馳往彈壓此外鄉鎮教堂應由縣遴派妥幹丁役責成地保鄉董協同認真約束嚴密防範時事艱難凡我寅僚各宜力圖補救和衷匡助庶幾消弭隱患綏靜地方此札

浙江會稽縣通報棍徒唐有銀等冒教毀寺勸明獲辦各情形稟

竊於本年正月二十五日據卑邑距城四十里之平水村顯聖寺僧定昌仁昌呈稱伊寺前遭僧福林佔住當蒙訊斷伊等遵於去臘初十日回寺管理本年正月正在邀議交盤不料僧福林永康等於昨二十四日復糾唐有銀趙雲鶴等讒擁來寺僧仁昌見兇逃避被將寺內金剛及哼哈韋馱各佛像肆行毀壞擄去物件僧定昌因往蕭山邀請六支派僧回寺駭見佛像被毀並聞揚言僧福林等背將寺院產業私行串盜喊叩勸辦等情據查此案先於光緒三十年十一月間據監生陶瀛等呈控顯聖寺僧裕修抗據不出伊與陶潤等檀越延僧祥林住持於初六日同送進院次日遭僧裕修并仁昌等糾衆持械將僧祥林毆傷並據僧仁昌以伊師裕修在日鑄寺醫病將顯聖寺交伊及僧定昌暫管俟明春期滿公舉接任突於初六日有前犯驅逐之僧福林同徒祥林率令陶阿祥等來寺吼稱現奉檀越住持復於初七日有唐有銀等糾黨蠻將僧定昌擒去並將寺內錢米什物牛隻搶擄一空暨旋據

僧定昌以被僧祥林與唐有銀等擒至泰甯寺勒去空白紙三張畫押脫回等情先後互控據經驗明僧祥林額門右額手背臙肋受有木器等微傷一面提到兩造質訊供詞各執惟寺既空懸未便無僧管住查僧福林曾住該寺犯事被逐未便再令住持而僧裕修係於光緒二十五年三月經其派內各僧公舉稟奉本府出示曉諭接住有案可稽照章六年限尙未滿且當年糧賦均其完納因經斷定仍准其徒僧定昌暫行代管並准收取是年租息給示前往限滿於該寺前僧湛然名下六支派內選舉道行誠篤之僧呈候詳請本府核定接管一面仍候催在場唐有銀等到案再行訊辦在案據呈前情隨即移准卑縣縣丞向煦代往勸明移覆核與僧定昌等所稟情形大致相符詎勸後又經風聞該寺復有被棍冒教毀擾情事並有寺內雜物多被搬往天主堂之語即勒原差提到唐有銀及僧永康稟訊前來隨即提訊據唐有銀供係伊與陶姓均屬寶嚴寺即顯聖寺施主因上年被該寺控經發押遷善所有嫌所以將寺獻與天主堂由僧人出賣係伊作中等語質之僧永康稱無將寺獻賣與天主堂情事供甚兩歧餘均狡賴正在分別責押間有天主堂會司鐸及謝司鐸先後爲唐有銀來縣面求取保經卑職以唐有銀本係地棍曾押遷善所限滿釋放之犯乃敢冒教妄爲若不嚴加究辦誠恐棍徒效尤益甚將來衆情必致歸怨教堂一旦有事地方官從

何保護之言覆絕各司鐸尙無他詞惟經縣丞向煦復往查勘及卑職亦親詣勸明該寺竟被該棍徒等復將寺內所有佛像肆行毀拆大半已非完全大門以內各處門窗匾對及一應器物亦多被搬毀山門內貼有天主堂告白一紙大致謂寺產已立契據招檀越僧人未到者補押之意門外所植多年松樹亦被砍倒十六株甚堪駭異又經搜獲簿據二本內有面開天主堂者兩本一爲零用一載佃戶已立賃契之名開晉昌銀記者一本略載砍工帳並據差獲被控唐有榮一名帶同回縣訊供狡展據此卑職伏查顯聖寺爲卑邑最大叢林幾及千年載在志書攸關名勝況於康熙四十六年 敕賜爲寶嚴寺 御書匾額至今共仰乃唐有銀等輒敢勾串不肖教民瞞背天主司鐸諸人任意毀壞佛像搬擄器物藉係距城偏遠種種妄爲殊不成事且該寺田山產業頗爲不少據供投獻天主堂偷屬非虛關繫甚重雖現在並無來縣過割等情但恐日後再被該棍欺朦竟成其事亦難預料近來地方不肖人民往往勾串天主教民藉端生事民情怨讟已深此天主堂謝司鐸以教堂勸人爲善並不干預詞訟等情函請本府轉飭示諭其亦必有所聞甚可想見現當顯聖寺被毀一事紛紛傳說衆情甚有不平之概誠恐愚民無知將來出而爭鬧釀成事端何堪設想卑職忝任斯土責無旁貸甚切杞憂愚昧之見惟有仰乞憲恩照會主教轉致卑邑天主堂司鐸

預爲查察阻止免再擾而安地方謹稟

續訂浙江甯海縣教案議約

爲續立議約事前因光緒二十九年八月間王錫彤在浙江台州府甯海縣地方糾黨焚毀天主教堂戕害華教士教民並焚搶索詐各縣教民房屋資財物件業於光緒三十年四月全行議結嗣因前約第七款內應緝董一兆等七人未經拿究復於本年三月間續議五條作爲結案第一款嚴州府屬開教首犯濮振聲永禁在省王壽元麻兆蘭二名應按初訊確供永遠監禁不得釋放第二款紹興嚴州處州各屬教案應緝教案罪犯有未了者應請撫憲嚴飭府縣遵照結案議約緝拿辦理完案第三款前任甯海蕭慶增業經革職應請永遠本省不准服官差委與已革提標中軍叅將周友勝一并從寬開釋第四款朱教士國完致命可慘除照結案議約飭令地方官與教士商酌在城外相近山上擇給塋地一塊約計二畝厚禮安葬外應請撫憲再於奏請懲犯摺內聲明死事之慘以示旌褒並由地方官立碑墓前以垂永久第五款董一兆願懷智王成滿黃四連陳瑞菊李杏林周飛熊七人應請撫憲嚴飭地方官速傳到案取具的保以後永不再有仇教情事照會教堂允行無事並由七人共出洋四千元罰充善舉交由教堂經理即將七人從寬免議以上五款均

係彼此妥議繕成五份面同畫押以一紙存法總領事衙門一紙存甯波天主堂一紙呈浙撫憲一紙存省城洋務總局一紙存甯紹台道衙門各備查核合立議約存照 浙江全省天主總主教趙副主教田教士孫奏派總理浙江全省洋務即補道許甯紹台道高候補同知周簽押 爲再立副約事前桐廬知縣劉肇甲於甯海教案雖無干惟念境況甚苦可請洋務局總理於上海一帶爲謀一差立此副約各執一紙存照

江西贛縣議結天主教民會衍優被族燬屋合約

贛縣正堂張天主司鐸金徐爲會同議得光緒三十年十一月江口塘教民會衍優在教堂報稱被族會尙燁等阻教革族焚燬房屋經教堂致函報縣拘究一案當時經縣訪勘會衍優住屋一所被火焚燬屬實並未延燒鄰屋是否該族放火燒燬雖訊無實供惟刊刷會衍優黜族革條阻教不爲無據而情罪非輕本應重辦姑念一族至親免其深究准由該處紳耆調處賠償了案茲將賠罰銀款事宜繕訂合同條款列後 一教民會衍優房屋被火焚燒是否族人焚燒雖訊無實供惟該處族人刊刷會衍優黜族革條阻教不爲無據而情節非輕姑念一族至親免其追究罰令該族長會尙燁等出洋二千元給與會衍優收領作爲賠償房屋物器等件之資准其完案 一教民會衍優胞兄會衍倚因被火倉猝之間疑爲

被焚自經勘驗並無形迹迄今尙無下落應趕緊找尋由該族賠償房屋之二千元內撥出洋銀二百元作爲找尋之費日後會衍倚無論尋無下落不得再向族內過問以免支節

一傳教久已准行載在條約並無禁阻今會姓族人會尙煒等刊刷會衍優黜族革條意在阻教實屬有違約章現今該處族人頗知悔悟自願在江口塘地方由教堂看得購買合式闊大地基一處送與本處天主堂爲公業建造天主堂倍服傳教體面 一除賠房屋器物等件外尙有遺失之契券准由該教民邀同出業之人查明開列清單補立契紙送縣查係屬實印稅以資執據補契先於該業處所寫明失契補立緣由插牌告白一箇月無人阻論即將契紙補立送縣聽候查明印稅 一查得江口地方民情固執風氣未開宜由縣申明條約出示曉諭飭令刻石碑樹立江口塘俾得家喻戶曉以期永久相安 一陳鳳曾衍徵係案內有名之人雖查無主唆情由未傳確訊仍應集案飭令出具不得阻教切結以便一併註銷方昭平允 一會衍優族內與衆照舊有分之大小產業及祠內春冬做公堂分胙一切均如常照股派分宴酒與合族無異並不得強其因從教不拜木主黜令無分等情致釀爭端 右議七條務宜照辦作爲了案繕立合同彼此親書花押蓋用縣印各執一紙存照

江西贛縣大湖江教案議約

爲會同議約事大湖江教民陳子元上年憑中契買陳昌金房屋轉賣與天主堂辦公正值清界之時旋有武生陳啟麟等集族多人將教民陳子元捉入祠中逼令誓言悔教并勒贖退房屋當時陳南壽生毛公蟲即陳冬斗等輒敢將陳子元毆傷揪扭落河斃命旋經驗明確係致命腦門等處填格附卷通稟在案例應迅速懲辦幸承天主堂志在勸善是以和衷熟商姑念鄉愚初犯分別從寬議擬應辦事宜繕立合約條款列後 一款教民陳子元寃因奉教致遭慘死情堪憐憫議應立碑石二方一豎於大湖司衙署前一豎於陳姓祠內 一款該陳南壽生毛公蟲乃下手兇犯議由縣先行提懲枷號示衆再行收入羈禁合力幫毆之立森立松陳鐵皮三人議應由縣立行提責枷號示衆後羈禁五年再行察釋 一款武生啓麟士恩乃主令禍首雖訊無實據係屬一族紳董不能遏止殊有坐視之罪議應由縣先行斥革衣頂嚴加管押如能悔過自新仍由縣商准教堂會同察釋 一款教堂所買教民子元房屋除再行照契插牌清界外議應由縣蓋印契交給天主堂管業聽便建造堂宇該姓人永不得異言 一款該姓所議各款妥辦後理應由該紳耆迎請徐司鐸前詣該墟傳教該紳等務宜優禮相待以昭尊敬 一款徐司鐸前往大湖江時議應由縣或委

員或親行護送妥爲保護以示貴重免滋事端 一款議將教結之後迎接徐司鐸之前議應由縣先行出示曉諭并查照傳教明文條約逐一重新申明務期家喻戶曉以釋猜疑而安民教 右議應辦事宜各款務定迅速照辦作爲併案了結繕立合同條約彼此各款簽押蓋用縣印各執一紙存照贛州府贛縣正堂張贛州府洋務局委員胡贛州府天主堂司鐸徐

各省教務彙誌

浙江 湖州民教爭地釀成交涉一案近經洋務局總辦許道鼎霖來滬至美副領事白保羅君並佐尼干律師處開議善後辦法當已議結並開許道當即電請浙撫速飭宗守即日來申轉赴湖州定立界石 紹興城內大善寺係闍郡公產近有賭棍高百齡等串同教士勒租寺地致成民教交涉經本地紳商電致同鄉京官轉告樊主教當允電致浙主教轉勸勿租一面仍請紹守維持以保公產而免交涉 甯紹毗連之奉嶧兩縣境內近有頑民仇視教民糾衆滋擾由教士電至杭甯告急除派兵役馳往各教堂所在地駐守防護外洋務局即派員前往會同府縣查辦相機行事妥爲解散 湖北 黃岡縣屬倉子埠吳野磯地方係吳姓聚族而居有著名土棍吳均山者斂資玩燈按戶收錢教民某不允出資彼此口角吳遂將某細綁並將住屋拆毀當由倉埠巡檢明二尹率勇彈壓將某釋放一面通稟上憲核辦 英國福音教士施伯斯君近在漢陽縣屬沌口地方設堂傳教稟請該管領事照會關道轉飭該縣照約保護 湖南 武漢各國教堂近因長沙開關商埠相率遣派教士前往廣設教堂并由各領事照會鄂督湘撫飭屬照約保護 距湘省六十里之靖港鎮水陸交衝市面繁盛向無教堂近有法國牧師戈德白君特設福音堂一所並有分教士李

秀廷常川駐堂洋務局因飭知營團會同碼頭司巡檢一體保護 前桂陽縣監生何提旺以痞棍何新甫奪木指控衙署該棍心怯潛赴廣東仁化縣央懇華教士劉讚新持牧師嘉禮士名片至縣說情經該令婉言拒却旋劉又復來由何新甫私將縣署前朱斌元房產盜賣與劉開堂傳教除經縣官查明諭禁外並詳鄂督聲明何新甫係當地痞棍此次私盜他人房屋出售如果開堂傳教將來難免不滋事故應請札飭諭禁等情當經張香帥據稟札飭江漢關道移咨江海關道照會駐滬德總領事轉飭該教會約束教民毋任越界滋事

新疆 近有俄教士隨帶蒙古人四名擬在迪化購地建堂傳教疆撫潘中丞以關外回教人多仇視異教動輒滋事斷難相安電致政府請向俄使聲明電令該教士毋庸建堂云

廣東 日本僧人自在汕頭開設教堂以來極力推廣潮州各處多分設館地傳教澄海城南關外望美地亦已設立教堂而佛山一埠信者尤多已在福甯里建築教堂云 饒平縣黃崗地方有雙刀會匪林能豐等毀搶該處教屋五十餘間并有一教民幼女被擄聞上憲已飭嚴拿究辦

期五第誌雜方東

宗
教



四
十

五
月



商 務 印 書 館 出 版
類 史 歷

法國波 留氏原著
日本中島端君譯漢

俄 羅 斯

第一、二、三編 全

第一編定價洋四角 第二編定價洋四角 第三編定價洋六角
是書為法國學士會員波留所著先論俄羅斯地勢氣候人種次論俄人性情氣質以至社會政治宗教縱橫評論凡事物之可考者固無不載即委巷謠俗民間疾苦外國人士所不能知者索隱闡微窮極真相中肯綮導窾卻如庖丁解牛豁然洞然有志經世者得此書讀之於俄國形勢俄人情態一指掌間自有餘師全書三編約二十萬言歐美諸國競相傳譯聲價甚著日本專門學校譯為和文原名露西亞帝國本館特請日本精通漢文之中島端君秉筆譯文再請通人校訂潤色文筆雅暢無滿紙沙石之憾

商務印書館出版
各種教科書

學務大臣審定
論理學綱要

每部一册
價洋四角五分

日本十時彌著江陵田吳焯譯○論理學吾國舊譯辨學近人侯官嚴氏以其學精深廣大譯為名學方與本義相副是編譯自日本故仍其稱原書條理井然便於教授本館特聘湖北全省學務處參議官田伏候先生譯為漢文句辭字酌務合原意而詞旨曉暢亦能不為原文所束縛

學務大臣審定
教育心理學

每部一册
價洋三角五分

日本高島平三郎著江陵田吳焯譯○教育程度必以心理為衡否則躓等以幾必傷學者腦力求為反損我國教育近始萌芽各學堂學科程度亟待參酌故斯學尤關緊要是有著者自序謂力求平易便於自修因伏候先生亦謂為從事教育者不可不讀時代本館特譯詞達理舉足供教授

東西洋倫理學史

每部一册
價洋六角

日本木村鷹太郎著本館譯○倫理學為德育之大本大學堂新訂高等學堂章程首列人倫道德一科可知其要是書彙集東西洋各家學說東洋共三十三人西洋共三十二人名論畢載可謂倫理學之大成矣

泰西學案

每部一册
價洋一元二角

桐城王闓金廣周流同編○是書輯泰西學術各家凡四十人皆膾炙人口著作極多其發明之理論實事為後世學者所祖述稱引者書中記錄極詳凡研究學問者實不可不備也○書本明權社出版現版權已歸本館特此聲明

雜俎

光緒三十一年四月中國事紀

▲為記者知此事之見於是日也
▲為記者以見報之在是日也

四月初一日。△修律大臣伍廷芳沈家本奏設法律學堂。
 △商標註冊。因各使爭執意見。再展期六個月開辦。△俄
 政府聲稱庫倫以東蒙古草地及伯都納以西。均為中立
 地。兵隊往來轉運等事。已電令停止。初二日。▲電諭閩
 粵督撫。通飭各屬。預防內亂。實力保護教堂及洋商。△電
 飭署粵督岑春煊嚴禁商人運煤。接濟俄艦。△湖南常備
 軍兩營抵通州。開赴溝營子。△美商倍次擬承辦浙贛鐵
 路。浙撫孫毓汶飭商礦局轉飭杭衢嚴三府紳士集議。
 初三日。▲以廣東巡撫張人駿釐剔粵海關積弊。歲增入
 款四十萬兩。交部從優議敘。初四日。▲以鹿傳霖調補
 吏部尚書。仍兼工部尚書。張百熙調補戶部尚書。▲以趙
 爾巽補授盛京將軍。▲賞廂白旗漢軍副都統練兵處軍

雜俎

政司正使。劉永慶以兵部侍郎銜。署理江北提督。所有江
 北地方鎮道以下。均歸節制。而以原署江北提督潘萬才
 改署貴州提督。△桂撫李經羲電請將廣西膏捐。仍歸桂
 省自辦。免由宜昌統收。奉 旨著柯逢時酌辦。初五日。
 ▲御史錢能訓劉彭年奏請飭令刑部籌給津貼。復用刑
 訊。奉 旨交議。△駐俄使臣胡維德。電告周勝有案犯人。
 已與俄廷商允。照奪去一切利益。罰作苦工。監禁八年之
 例治罪。▲德使讓外務部聲明該國並無欲在山東擴張
 權利之事。初六日。△俄兵一隊至通化縣。迫放囚犯四
 名。並擄縣令北去。初七日。△署粵督岑春煊因病陳請
 開缺出洋就醫。奉 旨賞假兩月。毋庸開缺。△法人允中
 國在廣州灣設關收稅。派兵緝匪。而索修築鐵路為酬。拒
 之。△兩江兵備處奉署江督周馥命。飭各營一律添設軍
 樂隊。▲上海紳商大會於商務公所籌議抵制美禁華工
 辦法。嗣後本埠及各埠紳商。咸集衆會議。皆主禁用美貨
 之說。初八日。△川督錫良奏提督馬維祺擊敗贍對土

四十九

乙巳

卷五

番斬獲甚衆。△駐法使臣孫寶琦奏請添派各國駐使以重交涉。並請特設女科。初九日。△日本政府通告。明認趙爾巽爲盛京將軍。△長沙市民電請外務部拒絕洋商在城內開設行棧。初十日。▲德國兵艦駛至海州外之連島。派兵登岸。暨旗測量。外務部嚴詰德使。△庫倫大臣電奏請准達賴喇嘛展限十日。於四月十四日由庫倫起程回藏。如再遲延。即降旨嚴譴。奉旨依議。△外務部通飭各省嗣後發給洋商稅單。應將不得出入海口字樣改爲不得運至非單內所指地方。以符約章。△旅美商人公電外務部。請嚴拒華工禁約。十一日。△飭福州將軍崇善嚴守船政廠。以防俄艦侵犯。△吉林將軍報稱俄軍闖入吉林。佔都統衙門及各局所。至今不肯撤退。又縱兵擾害。拘禁官員。當電駐俄使臣胡維德。令向俄廷交涉。十二日。△飭商部會同直督袁世凱督飭盛宣懷認真整頓蘆漢鐵路。並由商部稽查一切出入款項。△滇督丁振鐸請自開雲南省城商埠。經外商兩部核准覆奏。奉旨

五

五月

依議。△電飭新疆伊犁吉林各將軍巡撫厚集兵力以守中立。△滇督丁振鐸報稱。法國擬在蒙自等處設立民政局。請力拒之。▲有輪船名雷波者覆於甬江。溺斃四百餘人。十三日。▲以黃忠立補授廣西左江鎮總兵。△俄使要求外務部許其從貝加爾湖上流築一鐵路至庫倫。以與東清鐵路聯絡。△勘定江甯德日租界。△河南新野縣民聚衆抵抗學捐。並拆毀縣署。十五日。▲奉旨廣東補用道李準。著以總兵記名。署理廣東水師提督。從粵督岑春煊請也。▲外務部定瀝關運煤出口照運米辦法。防接濟戰國也。十七日。▲修律大臣伍廷芳沈家本會奏擬定變通盜竊條款。奉旨依議。十八日。▲署粵督岑春煊電請外務部力拒美國華工禁約。△浙紳士會議。拒絕美人倍次承辦浙贛鐵路。△山東洋務局委員及高密縣巡視員。因勘膠濟鐵路地址。與德國委員會商於高密。彼此衝突。被德兵毆擊。致有死傷。十九日。▲上海清心書院因抵制美國禁約事。一律退學。二十日。▲政府聞

雲南匪徒勾通贖對土匪作亂。當電令滇督剿辦。△俄國署使。以日本將置韓皇於日本國內。請為詰問。△署江督周馥。因美國武員。有各國兵船進中國口岸。有無限制之詢。飭金陵關道核議辦法。△湘紳設立粵漢鐵路局於長沙。△法教士攜洋鎗隊二百名。至福建之惠安縣教堂接事。二十一日。▲以余肇康調補江西按察使。連甲調補山東按察使。▲以馬進祥補授四川北鎮總兵。△駐美使臣梁誠電告滬商。謂前遵部示擬稿送美專禁工人優待別項。美不全允。△上海各洋廠。以製造局六廠改為船政局。並承攬修造商輪。有背前約。因聯倡抗議。請各總領事轉告江督。咨請商部飭令照舊辦理。二十二日。▲諭飭各省振興商務。保護回籍華商。遇有奸商倒欠訟案。認真辦理。▲商部奏紳商承辦勸業銀行。請予獎勵。奉旨。前太僕寺卿林維源著賞加侍郎銜。來京督辦。▲俄國運艦六艘駛抵吳淞。△練兵處電催各省速辦陸軍小學堂。二十三日。中緬通電續約查押。△俄國署使迫我外務

雜俎

部。速將劃定蒙古中立地界一事。明白回答。▲上海會審委員屠作倫違章稟提體面華商楊允之。滬商集議於商務公所爭之。旋由原告律師稟將此案註銷。▲鄂督張之洞聘日人松平康國為政治法律幕僚。二十五日。△法使向外務部要求三款。一會勘國界。一派兵檢巡租界以外。一關南甯為租界。▲日使因中立問題。向外務部警告。△電飭各省實行。欽定陸軍營制。二十六日。▲以陸嘉穀補授長蘆鹽運使。▲開復戊戌案內故湖南巡撫陳寶箴及伊子吏部主事三立原官。從護贛撫周浩請也。△外務部侍郎聯芳赴俄使署警告。勿侵犯中國中立。△滇督丁振鐸電告永北麗江各處土番仇教倡亂。已派兵赴剿。二十七日。▲又有俄艦兩艘駛抵吳淞。二十八日。△政府以俄艦游弋江浙海面。飭江督周馥浙撫鼎彝認真防備。一面飭出使大臣向各國聲明中立。△雲南留日學生電請外務部峻拒法人要求在蒙自等處設立民政廳事。二十九日。署江督周馥被參。奉旨交張之洞

五十一

乙巳

雜俎

查辦。▲停泊吳淞各俄艦。一律下旗。歸我約束。△外務部
電飭滇督丁振鐸川督錫良。勿許英人包辦滇蜀鐵路。
三十日。有德兵二三千人。以操練爲名。在山東之沂州
登岸。



五十二

五月

掌曰。不意吾兩人所踪跡者。竟同爲是人。既爾。吾曹速覓之。撥尙猶豫。約曰。賴華非漫言者。彼固謂兇徒在此。於是攜燈出。約啓後室戶。曰。入覘之。甫入室。有光熒然。怖不前。少選。復舉武。突見有繫於壁者。狹面而陷目。鐵絙環腰際。見約撥入。大笑若怪鷓鳴。又舉兩手。蠱蠱指天。背有榻。燈一。懸當其顛。一几橫前。毫素具焉。約咨嗟。益心折賴。卽出小鑰付撥。曰。用此釋其繫。君捕得之。挈以往也可。撥大喜曰。君意誠若是乎。蓋撥志高廣。務樹名。嗜榮譽。今以犯界彼。俾享其功。宜其大樂。約曰。君速釋之。母令同侶見如此。則若輩僅知君捕得此犯。不知其他。著於報。孰不奇君術而偉君才耶。約閱世深。知好名之輩。欲得新聞紙數語獎讚。不惜出性命購之。其樂虛聲。喜標炫如是。撥曰。君勿爲外人道。當如教。曰。君勿疑。吾必不與聞。偵與禽皆歸之君耳。翌晨。余將回倫敦。君來。可伴爲從未見余也者。曰。殆訂約歟。曰。然。撥卽啟鑰。絙落。置榻。緊持其體。犯靡頓無禦力。撥曰。如此人。何鎖爲。約曰。將鎖絙付吾。君伴爲以他術入。不知有鑰也者。且母令汝伴多見吾。君亟先出。吾當繼。請與君別。於是撥挈犯出。衆亦散。約還寓。出囊中紙。展閱之。蓋於繫犯室几間收得者。茲列其文於下章。

第十二章 里末自述

及格里末。余本名也。後易爲維禿白里。命在旦夕矣。及未暝時。自書所爲以諭來者。知余所

以不得其死之故。近余主海四丁酒肆。一日晨起。得一函。來自培克司山。署賴華字。以欲多購酒。令余躬詣彼。議其值。心怛怛懼且疑。復念盲人耳。何畏。先是。余嘗與賴遇。視賴容漠然。然彼又烏知余易名白里。且其目不能視。海四丁居人所共知者。必不能識余。又復何慮。意遂決。乘十時四十分之火車。至培克司山。抵賴舍。賴起。逆面蒼白。蹙然若結戚不能釋。余不覺自悔此行之果。賴曰。爾爲誰。胡來此。余曰。君不嘗作書趣某來耶。曰然。入議之。余舉武前門闔。賴卽以一物觸吾鼻。味達腦。知爲吾向所用以中人之哥羅方藥也。憶以此藥中賴。迄兩年強矣。今倉卒不及備。至爲盲者所中。卽奮欲跳免。而驟眩不自持。束手仆。冥然罔覺。比蘇而驚視。則已閉一室中。室虛。周以幕。戶牖皆嚴扃。頂有燈。一榻陳其後。前列短几。寫字具悉備。以修鐵繩約余體。鍵諸壁。憶是具。乃余二年前在克立却路資以困人者。且繫賴亦以此。不圖今日。乃躬食其報。念之毛戴。俄聞椅動聲。則賴據其上。目睽睽視余。絕非盲者。始知墜術矣。而賴閒閒吸菸捲。微笑慰余曰。君勿懼。此君友所也。余聞言。惶汗若瀉。此語蓋余數以調受繫之客者。賴曰。君憶吾先室乎。余益股栗不能答。曰。何緘默乃爾。賴是時神觀蕭然。意暇甚。口菸而語曰。君曩者何以語余。亦憶及否。賴言次。以椅近几。掌支頰。目光銳甚。曰。及格視吾。其諦視吾。計君生前所見最後者。非吾耶。吾崇齒報齒日報日命報命之義。新約有言改切有

勿以人傷汝。汝命而亦。吾所欲君視吾面者。使知吾言之由衷也。昔拜君哥羅方及鐵繩之貺。心竊耿耿。媿不腆無以益。仍以此報君。實惟恐負大德是懼。吾無以娛吾生。吾厭世已久。心塊然早埋於爲爾所戮之婦墓。所以不卽辭世者。以君厚我之恩未報耳。余噤不知所答。舌如膠上。膠者然。賴又曰。及格。此壁實親爾。爾無與離。飢若渴稍稍爲爾苦。爾終得慈悲之天。來取若命。願若毋躁。余覺口乾欲裂。曰。弄人太甚。賴笑曰。吾善記憶。前在買山里。吾常謂君有弄人之才。吾愚拙。何敢望君。猶記君語。吾曰。練肺亦佳。今吾亦以此語若。傍室無居人。卽大呼歷數小時。無聞者。或海鳥啁啾答之。吾傭僕一老漁。且重聽。卽巨燬燃其前。距耳不一碼。彼亦無從覺也。余固知賴智者。必不肯於人聞處。爲險事以自貽戚。賴曰。爾首上之燈。能然八小時。逾此則熄。爾將束手坐漆室中。非余故窘若。貯油僅止此耳。距此一小時。余將遠客。此居當固鍵。賃期以一載。期內無有權能入此者。我以此告若。令若安心。一年中無復有人能擾若。余至惶急。欲善辭而哀。冀一線原。度無說足以動之。不如已。賴曰。及格。爾罪重。死不足蔽。惜吾不能謀一較慘之刑報爾。今特以爾所施於人者施之。爾亦憶昔何以待吾。及何以待吾婦。爾以吾盲。吾於吾婦遭戕之慘狀。並爾伏壁之兇狀。固常懸吾心目間者。余轉目視壁隅。及憶買來剗刃。體大震欲踣。賴曰。爾於黑暗中。試思爾何以入此而戮吾

婦魂而有知。必嬰爾身。索爾命。余自覺耳鐺然若鑿擊。心怳怳。不復能聽。惟仍不作乞憐語。知賴必無垂憫意。但瞑目齧齒。以遣恐怖而已。賴曰。及格。十二月後。或有入內覓爾屍者。吾不能豫言爾屍何狀。蓋有鼠在。余聞語。恍惚中若有磨牙而掉尾者。纍纍千百。集余前。愈益悻。賴曰。室故饒鼠。皆赤眼善齧。自陰溝來。且不窮。八小時後燈滅。必先羣至。以破若岑寂。於是起立。攜冠於手曰。及格。我幾忘與爾言。爾後有榻。前有書具布列。無異在克立却路者然。爾欲述爾一生歷史。可速從事。十二月後。誰識爾面耶。吾無餘言。吾往矣。余大呼曰。止。似此謀斃人。脫案破。刑章不爾道。君遽敢弁髦國法耶。賴微笑曰。及格。爾猶未留意吾言乎。吾所以不即去者。徒欲見爾受應得刑耳。吾去。戶扁閉。無復能入。爾欲脫繫。大難。勿妄想。此際余雖不言。而五內崩沸。慘迫哀苦之色。自知不復能藏匿。賴似有憫狀。徐曰。及格。吾事了。吾復何言。有一事。蓋以利他人者。吾尙欲料簡之。此後我殆無意於斯世矣。言已。立少選。還察余一周。乃啟關。側身出。扉砰然闔矣。聞履橐橐向外。旋聞閉外戶及下鍵聲。天乎。余竟長此而終古乎。緬固。徒手不能斷。欲脫繫。必先破壁。壁堅甚。不得已大呼。聲嘎。無應。姑坐。若鉗鑽之被體。心齟亂。惟哀呼聖馬利亞。耶穌余生平雅不欲事求禱。禱自此日始。禱已。復呼。覺頭目暈眩。腦氣驟沖。逆度不久當狂癲。及此燈尙炯。思力勉可自措。盍書余所以繫此之由。特須

數小時耳。即捉筆自述。室中隱有聲戢戢。背若有瞰者。髣髴見買來之日。視余甚猶惡。恐燈滅。必索命。如賴華言。即不爾。絕飲食。必死。吾死。鼠必肥。愈思愈慄。書至此。燈焰漸縮。天乎。吾何忍以餓死。即以手扼喉。暈復蘇。煤氣盈室。知油盡。幾不能辨字。余亟欲續寫之。似有人影出左右。其買來乎。姑置不察。仍疾書。燈益暗。又聞聲。若有異。我

第十三章 英領事證文

惜哉其未書竟也。約置紙於案。歎曰。賴華先生之復仇。亦詎奇甚矣。曾數見罪人之名有心疾者。余接之。多如常人。今察此法人。腦氣已紊亂。恐畢生不得復。度翌晨探長無從究底蘊。警局醫員見之。恐亦窮於推研。即商於府。亦第派醫復視。並文達內務部。詢究竟。他日廣澤養瘋院。即里末終身所也。至此案本末。莫或宣明。猶數年前一可畏命案。曾搖倫敦東部。幾震全英。後捕一人。曰鉗克。稱賣魚郎者。亦病顛。固繫迭翰。歷時卒莫得其情實。約且思且束紙收之。復念里末之顛。不識賴知其有此變與否。或豫知其然而爲之也。亦太忍。余雖不役於警察。以日報目之義。則余不敢奉。雖然。賴何以許我三日後寓書。且賃期儘本季之末。英按

人訂契。僅以一年爲限。且有半年一年。數年者。不等。何謂一年內。無或有權以入其室。尤奇者。余歸家時。接海四丁拍賣行書。索渠室鑰。函詢得復。知儲物當悉斥。以其值呈中色山克司之內務部。交某醫院。

小說

七十六

五月

存以養病之不能愈者。可知賴意特欲困苦之。彼能耐。則落警察手。不能。則瘋院中增一席矣。雖然。賴亦未長慮耳。脫里末不自書端末。且神識如故。將持何據而證其爲兇犯耶。此據未據。不得謂非弱點。吾知賴必迫於復仇而未慮及也。抑更有莫測者。培克司山人。皆稱賴爲盲著書家。憶石末警局初遇。目炯炯無異。後過余居。視瞻若常。安得謂盲。疑不能解。約將臥時。思此事不置。卽梳卸服。忽衣囊中露函一。角有保險郵章。始憶賴華書也。噫。幾忘之。亟就緘取別紙讀。麥監脫祕密案。至此始大白。中簿紙數葉。有官印。另紙一。亦鈐其上。文曰。

年月日。著述家賴華來謂予曰。今有人誤捕。定縲首刑。而罪人固在。願自首。此案係一無罪人之生死。君必證之。余哀其言。卽與偕至麥格而拿路之三十三號室。時英醫愛特華。考泊脫而亦在。相與環立查爾士孟禿客之臥榻前。查疾雖革。腦力尙強。出數紙。乞余蓋印。并言力疾書此。出自願。恐死亡在即也。余受而記之。甲至庚。紙皆有押。爲查手簽。余證其爲手書無疑。其證人愛特華。考泊脫而。及李吃。賴華手押。皆余目擊。查久困熱症。不至五分鐘。卽溘逝矣。買山里英領事毛白。來非子毛立司立。據後年月日同前。暨領事押。及官印。至首罪文。則列下章。

第十四章 查爾士首罪文

余病臥買山里。奄然垂斃。余非畏死者。惟頃有所見。使吾奇駭。余得熱病。五星期矣。醫者謂行將不起。吾今晨閱英報。知惠廉白克。以斃路山。當纒首。不知斃路山者。實非惠廉。惠為吾友。其私友妻也。固無所逃罪。乃以吾故而誤罹死刑。吾何忍。及吾一息僅存。用書首罪文。上英國之內務部。余自姑亡後。受遺賞。得因以為所業肆之主。肆分設在買山里者。約每歲往。期以一月。七月間。余當往。值余婚未久。而買山里適痞。余戀戀。雅不欲行。要不能以私眷棄所業。欲與婦偕。又以彼地痞方盛。何可令犯險。不得已留婦於家。婦軀孱。且日即羸弱。恆晏起。躁而善恚。余常以此寡歡。獨身去家時。念之益鬱鬱。後婦寓余書疎且簡。以其多病不耐。益憐之。計旅居一星期終。未得書已四日。心愈惓惓。擬以銀行假日返。事方殷。不得舍之去。且營業者多遠客。倘惟家之眷。業必弛。人且薄之。以此復踟躕。繼思倘日夜行不休。往返不越二日。尚無害。決然作歸計。於星期一晚抵倫敦。是日為銀行假日。即馳輪至家。寂不見婦出。大詫。蓋先已電告故也。繼念彼或病。致早臥。投鑰。啓戶入。徐舉趾。慮驚臥者。柔聲呼曰。路山勿怛。余歸也。無答者。益愕。出火柴。著煤氣燈。出闔外戶。回見一紙遺地。檢視為小簡。則先一日致孟禿夫人。謂電函在郵。速取。嘻。豈余電耶。駭惑不解。乃近梯連呼路山。仍聞無

聲息入前室。燃燈四矚。見風呂花二。垂瓶頸。色焦然就萎。景懷寂。觸目心顫。吾婦豈已絕牀上耶。燭入寢室。榻曠。衾褥雜疊無條理。聞禮拜堂時計鐘已十二下。視室內鐘。則止久矣。余癡立思索。旋偃於牀。忽手觸紙。就燭讀。字迹識爲惠廉書。乃約余婦至華立格而逆旅之二十三室。中有昵辭。余此時兩臂欲裂。舉體肉若互相掣曳。氣薄胸。迸湧不可闕。嚼齒格格。亟欲甘心於吾婦而後快。以其背予而私惠也。是夜不復能就枕。嚮晨。熄汽火出。早無由僦車。犇良久。得一四輪車。駕驅之。至站。火車未發。余焦灼不可狀。遲一時許若永日。俄車行。余隅坐默然。惟圖手斃婦耳。比至。亟覓華立格而逆旅。登樓。未遇一人。瞥見署二十三號字。啟扉入。仍闔路正擁衾臥。面向內。聞戶響。轉而外視。驟覩余。若無限怖畏。容死白。余跳據其體。兩脛壓衾。復拘其兩臂於衾內。使不得轉掉。搗抵。手扼其吭。竭力不稍弛。俄面紫敗。目凸。舌出。吻。知氣絕。始釋手。時余憤已消。即欲出。聞戶外有婦人行而歌。及闔扉與箕帚置地聲。度其已入他號室。亟闔扉出。復輕掩之。循梯下。是日晴。旅客必皆早出遊。故無與余遇者。即乘汽車往倫敦。易快車。至巴黎。抵買山里。思此案祕甚無知者。孰知惠廉白克竟以此而被逮也。書至此。英著述家賴華先生憫惠之無辜而被罪。特過而詢余。余即以首罪文付之。渠往延英領事。非子毛立司來。余許以面爲畫指也。查爾士孟禿客自述。

終

商 務 印 書 館 出 版
各 種 教 科 書

理 財 學 課 本

每部一册
價洋五角

美國華克著上海顏惠慶譯○我國財政因乏非人工物力使然實與財政者不知計學公理故也是書取計學精要之義逐條指出最便初學揣與顏君留學美國多年精於彼國語言文字故能取深奧之理而達以淺顯之詞誠理財學之階梯也

中 國 通 覽

每部一册
價洋五角

本館譯輯○各國學校皆有本國法制一門誠以學為民者不可不自知其國也是編即據此意編輯成書凡我國地理官制政體時事風俗民情無不詳載門分類別井井有條讀之於本國之事可明大要

新 說 教 授 學

每部一册
價洋一角五分

日本橫山榮次著本館譯○今各省皆設學堂而師範未立猶之帆檣未備而欲駕舟以航海也其教育之不能適宜無待言矣師範學堂不易獨立而教授之法盡人宜知是編首緒論二教授之目的三教授之材料四教授之作用為教習者果能會通而仿行之亦可收師逸功倍之效矣

讀 書 法

每部一册
價洋一角

日本澤柳政太郎著本館譯○凡十章一讀書法之必要二讀書之歷史及其性質三讀書適宜之時四專心讀書五選書專精六專精書選擇之標準七寫勝法及暗記法八撮要分法及解法九讀書之分量十讀書法雜論名言議論足資借鑒閱之可知開卷之益

商 務 印 書 館 出 版
問 答 書

中國歷史問答

詳載中國歷代史事自上古迄國朝上下數千年間依次敘述瞭如指掌並設為問答俾易明瞭實史學中最新最善之書每本洋二角五分

世界歷史問答

研究實學歷史為先但欲貫注古今於紀事編年等書中尤以問答體者為易明晰此編分上古中古近世一切大事無不備載每本洋二角

普通博物問答

是書發明飛潛動植聲光化電一切原理窮奧極微推究盡致設為問答詞旨簡明最合格致教科之用每本洋三角

地文學問答

地文為天然科學研究地理者不可不知若空中之水分陸界之組成生物之分布皆格致學之最要者是編詞簡意賅允推初學善本每本洋三角

生理學問答

泰西各邦莫不以研究生理為學術之要為衛生之源是編討論營衛出顯入微尤便推闡允宜家置一編以為強固形體之助每本洋二角五分

富國學問答

富國之學為當今急務是書取一切理經衍為問答無理不達無蘊不呈盡人能讀教授初學尤宜每本洋五分

學校管理法問答

歷舉一切管理學校之法簡明詳備今各省學堂多起爭端實由管理未盡其道取閱本編當知改良之策學者受益不少每本洋二角

商務印書館新編
算學類教科書

洋裝布面
共兩大册

代數一術為格致底理
中學要科舊有譯本非
缺而不全即繁而寡要
且閱時已久其法未免
陳舊本館特請山陰謝
君洪賚取美國最新中
學教科之本纂譯是書
綜其專長凡有三事簡
要不煩完備無缺一也
起手合法引人入勝二
也設題新穎習之多趣
三也刷印鮮明洋裝精
緻猶其餘事各處學堂
及有志獨修者試取用
之

中學堂用
代數

每部定價
二圓四角

高等學堂用
微積學

微分積分術為算學上乘吾國習算之
士久已講肄嘗苦書籍之寡不足以資
研究美國績學士潘慎文先生前著八
線備旨代形合參二書久受學界歡迎
今復纂譯此編付本館印行以備高等
學堂教科之用其書價值無待贅述卷
首論微積學源流可補疇人傳之遺末
卷以微積推科學要題為最新最捷之
法各學堂及自修之士均當奉為寶笈
也精印西裝布面金標全部一册定價
一圓六角

商 務 印 書 館 出 版
格 致 類 教 科 書

最新中學生理學教科書

洋裝布面每册
售價大洋一元

奏定中學堂章程第三年第四年課程均有生理學一門本館曾得美國史砥爾新著原本淺顯易明切於實用條目清晰圖畫精良特倩名手譯為漢文全書二百七十餘頁共附圖八十五幅內有着色圖三幅尤為精妙

最新中學物理學教科書

洋裝布面每部一册
售價大洋二元

英儒巴克爾謂進化之功藝學居十之九而政教之力不與曾哉是言今欲開吾國民智非人人稱述格致之理斷無實益是書為美國最新教科之本本館特聘素精格致之謝洪賓先生譯為漢文理詞辭達待未會有全書共五百餘葉為圖四百八十有八誠格致書中之大觀也各省書莊均有發兌

中學物理學

力學一册 價洋一元
熱學一册 七角

我國所譯物理學以製滄局所譯之物理學上中下三編為最詳然專門科學之書非教科之本是皆為新會伍昭辰先生編輯先生留學英國大學有年精通理化蒐羅西國名家著作纂譯成編陸緝付印圖畫精美為學堂教科善本而搜羅宏富疏解詳明尤為專家參考所必備○磁學現已付印不日出版

叢談

衛生儀器 各國學校衛生器具。一為攷查光度。其器為一圓形中開方。每一大方縱橫五小方。前橫一長鏡。可低昂。開方器後有指南針。校準高下偏正。對光所入窗。即有日影射在開方器面。視光所占幾分。即知得光幾度。二為顯微鏡。用以攷查空氣中微生蟲。三為一銅架。架上一橫管。右有銅管下垂。別用一長形管如蠅狀。塞其下端。納入下垂之銅管中。左有長形顯微鏡。列橫管之端。攷查室光。應用若干蠅。如需十枚而用九枚。則光力不足。於衛生有礙。四則攷定學徒身長尺寸。製為几案。高下遠近長短。一有不合。則必受病。

人壽調查 法國計學家調查各國人壽命。以塞爾維國人為最長。居民二兆二千五百萬。百歲者有五百七十六人。西班牙民十八兆。百歲者四百零一人。阿爾蘭居民四兆。百歲者五百七十八人。法國二百七十三人。英國一百四

十六人。德國居民五十五兆。百歲者七十八人。蘇格蘭居民四兆。百歲者四十六人。瑞威二十三人。瑞典十人。瑞士九人。比利時五人。丹國二人也。

衛生要語 人於食後。不宜構思。因既飽食。則全身之血皆歸於腹。以消化食物。不能再供給其腦也。故思想家之食物。不可過多。致與腦為敵。而學校中午餐。必須清澆。否則有頭痛腹瀉之患。嘗有格致家。驗得人飽食之際。與草思時。全身肌肉。必驟形減縮。因一以供腹。一以供腦。而亦可知同時不能兩用也。

腦之溫度 美國醫師利亞脫森君。驗知華氏寒暑表六十四度。為最適於精神上活動之溫度。降而下者。則腦動鈍而不活潑。若六十四度以上者。則生倦怠。不能運精神而勤思索。腦動亦漸形弛緩。故凡精神上操業之人。室中須常保一定之溫度。

驗死妙法 驗人死之真偽。迄無定法。近有法國醫士英加爾。獲一新術。能驗人死之真偽。法以化學新質。西名曰

poracaine。射入皮內。已死則不見效。否則目現綠色。偏體發黃。亦化學助醫之一證也。

渡海之獸 法國格致家。研究各種野獸過海狀態。如北方白熊。並無懼色。他熊則甚恐怖。且不久即暈眩而臥。又虎之過海為最苦。時時下淚。且摩其掌。馬亦善暈眩而易死。惟牛能用力以敵暈眩。象雖惡海。不大暈眩。以藥飲之。即愈。其藥即水三瓶。和火酒七兩。金雞納二兩也。

寄生之蟲 動物界常有兩種絕不相類。而生活於一處者。如衣索根却之附生於寄居蟲。互相交換其利益。其身體隨寄居蟲而移動。賴此以得食物。又能放一種毒水。為寄居蟲防禦敵人。若此者名曰共棲。

潛水蜘蛛 蜘蛛有草蜘蛛。土蜘蛛。及尾角蜘蛛。復有潛水蜘蛛。其體甚小。吐絲造網。形長圓如鏡。半出水上。半入水下。腹生細毛。以阻水侵。雌雄各居一網。春誕黃色卵。裹以白絲。旋變為蜘蛛。多食水蟲。若不足。則食陸蟲。水陸蟲皆不足。則自相食。西人名之曰 Argyroneta。

魚卵充殺 俄國盾江及俄爾加江內。多生鱈魚。俄人用其卵。製為食品。魚長一丈。重八十斤。肉紅無牙。其尾生卵極繁。約佔其身體重三分之一。裏海濱每年約得十二兆斤。俄歷三四月間。方准食。俄人初開齋戒。須獻之。俄皇衣麗服受之。

微物發生 凡物置空氣中久。則生皮鱗。有黑白諸色。乃生物質也。塵埃集之。則成微泥。苔蘚生焉。榮枯代謝。陳根委積。即變薄土。細草得吸根其上。以資生活。法國某植物學家。求得石牆上之微植物。由最細之種傳來者。百分之六十三。能飛之種。百分之十三。結果之種。百分之九。有鈎之種。百分之六。有炸力之種。百分之五。若茅屋頂所生者。約十八種。有如稻桿形者。有在煙突之旁。其根成土塊者。至寄生樹上物。約八十六種。亦有已死之樹。而外來之種。借其根以生者。

耐寒橘種 美國福祿利大邦。種橘最盛。若霜雪過大。則受損。農部感而。致得日本有一種耐霜橘種。實甚微。以

美國枝幹接之。則較碩。必再接之。乃果大汁多。且甘美。尤可喜者。向時出產。限於福祿利大。以地氣暖也。今則稍寒地。亦可栽植。

木棉異種 墨西哥新得一種木棉。由政府試驗。畧類美棉。而絲則較長。且生長甚速。計此項木棉。勝於草本者三。一草本多病。木本無之。二棉結多而價貴。三性宜濕而不必多水。聞墨政府已以樹秧十兆。分佈全國。

葱皮作染料 以洋葱細皮。撒於淡礬水內。燒至沸度。以染綢布等物。即成黃色。

雞內金 十年以前。美國之西囊達那地方。有公非助者。農家流也。蓄雞數十頭。殺其一。剖體後。見內有黃金。又殺其餘。亦皆有金。其故安在。因土中含有金礦。雞啄其小石食之。石化而金不化。因思嶺表錄異。載廣州治崖縣。有金池。居人養鵝鴨。常於屎中見麩金片。遂多養收屎淘之。日得一兩或半兩。殆同此事理也。

鋁金作桿 自鋁金發明後。厥用甚多。近日歐洲。始以鋁

叢談

金爲紡織機器內用繞絲紗之桿。蓋此桿本以木爲之。而天氣之燥濕。易被木桿感受。使絲紗有寬緊之異性。而織者受其病。今以鋁金代之。則無論寒熱之度。概不改式。其體積甚輕。視木桿爲二與五之比例。則機輕而速率更增矣。

自行時鐘 美國印第亞那邦。有名勃頓者。藏一時鐘。歷久不息。有自然之運動。依熱漲寒縮之理而成。凡晝則熱。夜則寒。而鐘內機關。感受晝夜寒熱。以有漲縮。而常動不止。亦一奇聞也。

自記寒暑 歐洲之北。有地名辣波蘭者。卽出曳車大鹿之地。地氣極冷。有人於此處造一自記寒暑表。置最高雪山上。能自記一年內之氣候度數。其記法以針穿紙。紙長六七尺。一年後取出攷之。分毫不爽云。

試驗飛船 美人波倫。創製一飛船。形如呂宋煙。內藏八千方尺空氣。以浮其身。燒煤氣之機器。有七馬力。曾在聖薩埠賽會亭施放。管帶人名納賓蘇。當此船升上時。觀者

十一

乙巳

續集。喝彩之聲。如雷震耳。無何風輪忽壞。轉旋不能如意。於是任風而駛。每點鐘約行十英里。直趨尾瑟濕比河而西。落於依利耐省冀士啓埠。然自風輪而外。人船皆無損傷。

救命新衣 瑞士人普魯布士君。近新製一救命衣。在舍彌華湖試演。普氏自穿此衣。在水中游行六小時。與陸上無異。衣用樹膠造成。不致入水。腰部有一囊。可藏什物。又能帶護身之器。雖遇吞舟之魚。亦不必懼。

水面踏車 水面踏車。能在水面行走。有德人用鋁爲履形畧圓。長約二尺。履後有小螺輪。輪動則如輪船之行。永一點鐘能行二十華里。其尋常者。用長板二。將踏車上半之架。裝於板上。腳踏其船。則行於水面。

最小時表 聖路易賽會場內。有一最小時表。造於柏林。其面不及四分寸之一。重不及二格倫。外爲金殼。內用上等之鋼。行度甚準。長針八分寸之一。短針十二分寸之一。秒針十六分寸之一。價值英金四百鎊。卽美金二千圓也。

剔沙機器 美國內地。江河甚多。常有沙漲之患。近有人製一剔沙機器。能取河底凝結之沙塊。刮成碎粉。使融化於水。隨潮而去。則淤塞之苦除矣。密細比河中。已用此機器五具。往來一千英里間。其最淺處。可常保水十四尺。各國聞之。無不相與試驗。視爲最有關係之要政。然則中國之黃河。爲患已久。盍亦求而用之乎。

宰魚新機 美人十咩付。製一宰魚機器。其法先割剔鱗甲。繼而剖腹。挖取腸臟。以及斬截頭尾。自起至止。各事皆畢。計一分鐘。能宰魚六十尾。前僱一華工。每十二點鐘。僅能宰魚二千五百尾。今用此機。每九點鐘。便可宰魚三萬一千尾。

掃街新機 美國孖士租實省。有西人擬別創一掃街機器。研究有年。近始告成。在街試演。快捷無匹。所有穢迹。雖纖細如針。亦可掃起。此機若用其一。可比舊日機器三倍之力。計舊機器三箇。須用馬六頭。人夫十四名。以佐之。今祇用兩馬一人。卽已無微不至。

洗衣機車 俄在德國購定機器火車一輛。內載洗晾衣服之機器。十分鐘時。可洗晾衣服數百件。每日可洗數萬件。臨洗時。用熱氣先行蒸薰。以免傳染病症。此車外附有小車兩輛。一載管機工人。一載膜料等物。頗新奇完善。紙代煙葉 以紙造屋造船造輪造礮。皆新法也。近又有以紙造煙者。與雪茄相類。其法用煙汁置於器內。浸紙於中。透後取出。壓平乾之。而後切以刀。卷成煙葉。美國紐約城已有此局專造。吸之者皆以為甚佳云。

顯微鏡力 西國知萬病之源。皆由於微物。可以顯微鏡窺之而信也。但尋常顯微鏡之力。能顯二萬五千分英寸之一。今有法人新製一鏡。能顯十二萬六千分英寸之一。其法先以日光射於此物。而後以顯微鏡映之。自得此鏡後。微物學又開一新世界矣。

窺敵新鏡 西國近日新出一種窺敵鏡。其鏡藏於石牆之後。而鏡光則由三折線以入其目。此鏡之用。即以石牆蔽窺敵者之身。免為敵人擊中也。

叢談

針孔攝影 美國格致報記攝影之新法。可不用鏡。而以針孔為收光點。惟必須平滑。無阻光者。方為合用。近已試驗數次。較之用鏡。尤為精細工緻。且鏡光每因遠近。以致大小比例不符。至於人目。更多模糊。若用針孔攝影。則可免以上二弊。惟洞徑過小。受光較遲。而不能速得耳。

生光動率 近有人測得曷克司射光。不及生白光之數。因其動率較最短之光浪。尚短七十五倍也。故人目不能見。而今則始以電光顯之耳。

遠鏡獲利 德京遠鏡製造廠名葛爾次者。所製遠鏡。最為著名。德國軍隊。多取用之。自日俄戰爭以來。兩國馬隊。需此甚夥。各國皆欲乘機銷售。而兩國購入者。以葛爾所製為多。

電線長數 近人調查世界電線。凡長四百九十萬八千九百二十一英里。計美洲二百五十一萬六千五百四十八英里。歐洲一百七十六萬四千五百九十英里。亞洲三十萬零六百八十五英里。澳洲二十七萬七千五百七十

九英里。非洲九萬九千四百零九英里云。

電車調查 美國電車鐵路推行甚多。其引電線之長。聯之可繞全地球一周。每電車鐵路一英里。年得利金一萬一千圓。除單軌行費六千三百圓。是費六十三而餘利四十七也。上年總結數。售出車票四千八百兆張。以車計之。每車於一年中。坐八萬人。每日坐車往來者。一車中二百二十人。按電車有三類。一懸線於空中。而車頂用引電機者。一安電在兩軌之間。車腹用引電機者。一有電機車為首。而牽引各車者。

電光暖物 電光關係植物之理。發明於孟貢。近日英國御苑中。始以電光培養植物。俾得暢茂發生。每當白日西盡。即繼以電光。花木之向之也。亦與向日無異。而放綻結果。皆較早於他處。惟植物內。亦多有含厭光性者。仍當各適其宜。方能有益無損。故萬物性質之喜光與否。不可不加研究。而電燈之形式如何。亦不無關涉也。

無線電報之原理 無線電報。能憑空傳信。譬猶投石於

河。水生圓浪。電氣放空中。亦有圓浪。可傳至數千里外。此地放電。彼地收之。以電之斷續。知報者欲作何字。以若干字連貫之。便知。此即無線電原理。

電話傳字 比京有意大利機器師。新得一法。能於德律風傳話之時。同時將其字母印出。若果能實驗。則打字機一業。必至減少。因此機能以口出之聲。代手之打也。

電車推廣 西國舊日。凡以電行車於鐵軌上。其動機之法。則於路中懸一電線。與車上所立之鐵幹相配。連則行。離則止。名曰偷奧連。近日奧京新以行於土路之車。亦用偷奧連。如是。則無論何車。皆可曳之。蓋所以便於農田之運送也。

電氣除蚊 美國重學報言。近日各國有用電氣以除蚊者。其物為喇叭式。內白外黑。侈口之對徑三尺。聯以電氣線。內安一燈。使其光甚明。約為三十枝燭光之度。又裝細鐵絲如弦。光吸氣入搗之。則發為樂音。與蚊鳴相似。故蚊皆聞聲而至。遂以黏質。一撲即不能復飛矣。又有一法。則

用電扇。開則吸風使入。而蚊隨之。內有毒蚊之氣。蚊遇則死也。

攝影進步 西國近有攝影之法。能使凹凸之物。自然顯出。且能表明其光色。非若從前之仍似平面。亦不再用渲染。已有法國人名拿敦者。試演於格致院。又取其法錄載某報云。

電擊致火 房屋失火。因電氣擊觸而致者甚多。美國一年中。失火七萬一千五百六十九次。其三千一百五十一。次為電擊。燬去財物一百五十六兆。由電氣者則四兆三十五萬三千也。凡電擊最多者。則為鄉間屯積貨物之屋。及高大住宅。與禮拜堂。凡房屋愈高。則觸電愈易。以有屋脊露出也。惟高屋皆有引電桿。故不致過甚耳。

無線電鐘 西國辦事。最重者為如期。故各人皆佩時表。而街市之間。每有大鐘。高懸千人皆見。以及鳴礮下旗之類。皆所以定時也。近日則又以無線電通於近城各處。互相關會。使時刻一律。按此法初行於法京。乃以一大鐘為


叢談

主。而各處之鐘。皆以電線聯之。故針指之方向。毫釐不爽。然終不及無線之尤為靈捷也。





環
繞



十
六

五
月